



15. 3.277


15U-3



XV  
TER



Wm



JO: ANTONII TARENZONI  
EXERCITATIONES  
P H Y S I C O  
M E D I C Æ

INOCULATION OF  
EXERCITATIONS  
O O I S Y H C  
A O I O E M

EXERCITATIONES  
PHYSICO MEDICÆ  
C I R C A  
VALETUDINEM,  
ET RES ALIQUAS NON NATURALES  
AD ILLAM SPECTANTES  
REGIÆ CELSITUDINI  
COSMI III.

Magni Etruriæ Ducis

D I C A T Æ

A JO. ANTONIO TERNZONI

In Alma Universitate Pisana Medicinæ  
Theoricæ Professore.



PISIS, MDCCV.

Ex Typographia Francisci Bindi Impress. Archiepis.  
*Superiorum Permissu.*



THE NEW YORK PUBLIC LIBRARY  
ASTOR LENOX TILDEN FOUNDATION  
1900

ALBANY, N. Y.

W. H. BAKER, PRINTER.

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900



REGIÆ CELSITUDINI  
**COSMI TERTII**  
Magni Ducis Hetruriæ.  
JO. ANTONIUS TERENCEZONI  
S. P. D.



**E**TSI fallacis hujus vitæ salutem, Principum Piissime, summo in pretio non habes, qui vitam aliam, nullis terminis circumscriptam in Cælis flagranti desiderio concupiscis, ad eamque potissimum tuâ consilia, tuasque dirigis cogitationes; non hæsitavi tamen, ex quo primum me locatum clementissimè völuisti, inter scientiarum omnium Proceres Athenæi Pisarum, ut edocendi rei medicæ munus, pro maxima virum

rium infirmitate mea adimplerem, nescio, an  
 Regia munificentia excitatus, an Superiorum vi  
 raptus, hæc qualiacumque sint, valetudini con-  
 sulendæ, naturalia præcepta colligere, tibi que  
 in humillimum obsequii mei pignus offerre;  
 non enim illa eo tibi animo nuncupavi, ut sine  
 offensione incolumitatis tuendæ rationes con-  
 tenderem præscribere Regio Viro, Piissimo,  
 Religiosissimoque Principi, quod utique auda-  
 ciæ foret inexcusabilis; Sed ut eam duntaxat va-  
 letudinem, quam tantopere humanum genus  
 in votis habet, & tibi, ut plurimorum anno-  
 rum decursu prosperè ea fruaris, æterno Nu-  
 mini omnes vota nuncupant, ego etiã aus-  
 picarer. Vivendum tibi ( & hæc sunt vota pu-  
 blica ) incorrupto Reipublicæ regimini; Viven-  
 dum virtutum conscientia, summis, & infimis,  
 divitibus, & egenis, jugiterque iustitiæ, & cle-  
 mentia, qua quidem vitæ regula nihil dulcius,  
 nihil beatius tibi, atque universæ Hetruriæ con-  
 tingere potest. Explevisti pleno jure votorum  
 summam, cumulando Regalem animum, inno-  
 centia, æternæque salutis sapientia, quæ hunc  
 usque in diem cum totius Christiani orbis in-  
 credibili admiratione, tuum ipsum animum,  
 condecoratum probitate, sanctimonia, innu-  
 merisque religionis operibus, haud obscure ex-  
 plicant,

plīcant, & ostendunt. Superest, ut preces modò impleas, quæ te incolumem, beneque valentem desiderant, teque simul imperio, ac mihi superesse, cupiunt; Non invaderet te solum, si te invaderet, [quod Superi avertant] adversa valetudo, sed subditos omnes afficeret; Induerent meritò quidè mœrorem quàm maximum populi, dum tantum Principem mœrentem (quod absit) & laborantem aspicerent; Non satis vixisti, Principum optime, ad perennandam pacis felicitatem, te ideoque sanum, te in ævum incolumem percipiunt mecum Regiæ ditioni tuæ subiecti viri; In cuius rei testimonium Physicomedicum hoc valetudinis opusculum, in æterni erga te mei obsequiū monumentum Regiæ Celsitudini tuæ venerabundus nuncupo. Accipe igitur ea, quæ soles, & mirificè præstas humanitate, non minus munusculum hoc, quam me totum ad regios pedes humillimè provolutum, ut me ipsum non solum, sed hoc satis infirmum opusculum meum, quod semper fuit tuum, reddas omninò tutum, & sanum; Dum interim ego ab te audaciæ veniam obnixè petens, pro inoffensa tui valetudine ad Deum, optimum maximum juges preces effundo.





# CANDIDE LECTOR.



*M*agnum quidem est his præsertim temporibus, scribere de re medica, quæ deinde in hominum conventu sedulo legenda sunt, ac ad examen severiori trutina revocanda; Adest enim fere nemo qui ignoret, toties judicari de dicente, aut scribente, quoties ipse dicit, aut scribit, nec quidquam est, ut docuit Cicero lib. pr. de Oratore tam insigne, nec tam ad diuturnitatem memoriæ stabile, quam id in quo delinquitur. Mibi forsitan evenire poterit, ut declinem à vera dicendi norma, & à solida scribendi methodo, agnosco enim, & facor tenuitatem meam, ac propterea pauca hæc, de involuntate me literis tradere, videri poterit onus forsasse omnium maximum. In his exercitationibus ea habun-

A beun-


bebuntur dumtaxat, quæ ad dirigendam, vel non obscure noscendam valetudinem videntur spectare; Tuum erit has rationes à necessitate ductas, inculcata qua soles, animi probitate, meditari, ut tuq; innixus conscientia candore, tuaque fretus tolerantia, mihi liceat in posterum tempore majoris otii, præter has duodecim incolumitatis, & non naturalium rerum disquisitiones, duodecim alias dissertationes, eadem methodo ad totam Hygienicam attinentes adornare, quas, & jam in promptu habeo, & cogitarem coniunctim omnes publici juris facere; Sed interim viris mihi familiaritate coniunctissimis indulgens, dimidiam tantum earum partem coactus fui præsentis stylo evulgare, tum quia Antonius Migliabechi vir ob summam rerum omnium doctrinam, & eruditionem, toto orbe celeberrimus, & longe clarissimus, hoc ut facerem mihi per epistolam singulari humanitate respersam, imperavit, tum quia reliquis mentem advertere, & publicæ, & privata prælectiones, aliæque non minoris ponderis curæ prohibuerunt; Sed neminem prorsus futurum arbitror, qui ex hisce non statim coniciat me ad aliud opus, quod meditor de re medica, molis utique majoris posse devenire, præsertim si cognovero te hac grato animo excepisse, addet quidem animum, atque incitabit industriam meam, grati animi tui testimonium; ac si Deus mihi jam nimis exoptatam aliquando fecerit maiorem salutem, maiora expecta, & præsertim ea, quæ attinēt ad dies criticos inter-

tercalares, & indicatorios acutorum morborum, Noli  
interim, obsecro, Amantissime Lector, hos qualescunque  
meos labores vel nimia estimatione prosequi, vel eos  
omnino abicere, & extenuare, sed fac unum, quod  
avidissime cupio, Viri mei non immemor ad mea  
vota, & Vale.





Ubique Divina viget unio, per quam res quæ-  
que consistunt, alioquin in nihilum repente  
prorverent. *Plato in Tim. &c.*



DE





# DE VALETUDINE

## EXERCITATIO PRIMA.

*Inculcata Valetudinis fundamentum in rite designata  
partium solidarum unione, integraque mixtione  
flusdorum existere, rationabiliter statuitur.*



T innumeram morborum sobo-  
lem, dire homines divexantem,  
medica disciplina initiatus, sci-  
te valeat profligare, aut qui-  
libet salutis cupidus, eaque  
mirifice exornatus ipsam æque  
possit expendere incolumita-  
tem, ac tueri, consentaneum

jure optimo existimatur non ignorare quidquid exi-  
mia sanguinis constitutio, aliorumve liquidorum  
(haud incertæ ipsius sanguinis proles) pro eorum  
nativa, ac ingenti elaboratione jugiter consequenda,  
diuque conservanda exigat, & quidquid solidæ simul  
partes omni prodigio majorem fabricâ hominis con-  
struentes, pro earû mutuo sedere diutissime ducendo  
requi-

requirant. Mortalium plerique dubio procul naturæ debitum absolvunt extremum, absque eo quod percipiant quid vulgare, sed mylticum valetudinis nomen, à vulgi semper notitia remotum, sibi velit, ardētissimo etli succendantur desiderio intelligendi, quid sit valetudo, & solida quænam methodus ad jugem ejus curam experiatur opportuna. Excelsa, hoc ut arbitror sine, & omni laude digna salutis præcepta publici jûris fecit summus magister *in lib. de natura humana, de morbis, de locis in homine, de vitiis ratione; & de diata*, immo alia plura, si universam ejus doctrinam, quis consulsat scitu, ac pernotatu necessaria monumenta verè medicinæ Principis ingenio dignissima memoriæ prodidit, sed præter ejus innumeras summæ notæ animadversiones, literis alia tradidere multa Viri gravissimi, quæ non mediocre utilitatis lumen incolumitatis Cultoribus, hunc usque præbent in diem, latent nihilominus in densis ferè tenebris, mutuo nexu fœderata salutis jura, nec affatim perlustrantur, nisi perspicuis, ac loquentis Naturæ sensatis argumentis fœcundentur, aut illis Méchanicæ necessitatis dogmata accedant. Ego quidem appellare consuevi semper legitimum summi Institutoris sectatorem Galenum, cujus de valetudine celsioris generis monita non inconsultè innuunt, summo studio excolendam incolumitatem, esse omnium partium concinnatam aggregationem, vel summo confectam artificio symmetriam, aut constitutionem scitissimè temperatam, in qua nec torquemur, nec ad agendum impedimur, vel secundùm naturam instructum esse, vel demùm conformationem esse partium, & temperie

riei in lib. ad Trasylalum cum operum molimine, naturæ votis respondente, literis, & posteris commendavit; Hæc porro Gal. asserta, non sapienter minus, quàm eleganter omnia valetudinis attingunt argumenta, quæ lucidiora quidem redduntur, si hujus temporis sapientioribus eam necessitatem benevalentes quodammodò imponant, ut cogantur præcepta valetudinis, de quibus sedulo cogitarunt, silentio non præterire, ne veritati injuriosi evadant, quod equidem contingeret, nisi plenis suffragiis, & in apertum fidenter profferrent, valetudinem esse omni integritate absolutissimam, solidorum unionem, integramque mixtionem cunctorum fluidorum; In hanc fortè, ni fallor, sententiam conspirat hodiè communis consensus Medicorum existimantium jus incolumitatis illud esse rectum, quod sensuum ministerio in solidis, & fluidis corporum partibus nemo non videt probatum, vel quod rationes observationibus conjunctæ non obscure suadent, siue verius, ut dignoscat omni laude dignam compaginem solidorum, quæ aliud non sunt, quam congeries canaliculorum intra se continentium fluida, vel membra sibi mutuò consentientia, opportuno ordine disposita, & elegantissima figura condecorata, ad suum obeundum munus.

Hæc autem in suo consortio indefinenter percipiunt humores jugi adoptione adscitos, quorum consuetà irrigatione corpus valetudine fermè prosecutum, etsi laboribus fessum, languoreque fractum affabrè refici, & recreari potest; In virium autem jacturà, Continui solutione, immani in febre, aliisque sævissimis morborum generibus, partes humani

## 16 EXERCITATIO

mani contextus solidæ, vel alterius generis molleculæ fluidæ, potiori valetudinis excellentia non muniuntur; quia solida organa ea, qua decet, unionē vacant, vel quia fluidorum particulæ, arctissimo illo, quem natura exigit, necessitudinis vinculo carent. Prò incorrupta idcirco salute statuenda sufficere, ut opinor, non videntur partes duntaxat solidæ, à primis usque exordiis apto ordine collocatæ, validaque firmitudine, & communi cohesione perdivites, simulque haud ineptis, latibulis, meatibus, ac interstitiis obsecundatæ, ad usum, munusque, ne dum incolumitatis, verùm cujuscumque filamentis contextentis arterias, venas, nervos viscerum structuram, omnigenaque humani opificij instrumenta, nisi fluide etiam salubri mollecularum conjunctione temperatæ altissima perfruantur pace, vel totius sanguinis massæ, & partium ejus naturali motu ditentur, vel limitata quantitate, idoneo subtilitatis gradu, certa coherentiâ, particularum diversitate, proportionē, exacta figura, mole, aptoque situ prosequantur, ut æque præterfluant, unaque commeent, ad exilimas machinæ partes fovendas, & irrorandas; Hoc etenim infanti liquidorum fœdere, & ordinis reciprocatione copulatæ eorum particulæ, tam moderata ad invicem gaudere videntur temperie, ut sanguis secundum omnes ejus partes minima perluere, (omnique seclusa violentia) debeat vasa, vasorum inde poros, & cujusvis organi meatus, modò subingredi, dispesci, commutari, modoque depromi ab illis, quorum loculamenta, si propter crassitiem, copiam, improbam figuram, improportionem &c. nequeat san-

sanguis subire, fraudetur oportet aliqua pars corporis ejus inculcata agendi vi, consuetaque reparatione, quare nisi cruentæ particulæ eam sortiantur parvitatem, quæ à porulorum Diametris exposcitur, nulla quidem resectio, nulla separatio obtineri poterit, cum vix quidquàm moliantur vividiora fluida, quod à mechanica partium conformatione non iuветur, nec quidquàm moliri possunt solida vegetiora, nisi impetu, conatu compressorio, perennique fluidorum penu famulentur, eorumque haud incorrupta vi ad opus promoveantur; Oppositum verò sentientes perperam sectantur illos, qui incolumitatem ægritudinis esse privationem audacter tradidere; Sed rem accuratius contemplanti liquet abunde, esse fœtui valetudinem congenitam, primisque omninò congruentem fabricæ staminibus supra omnem admirationem confirmatis, quorum primordia Divinus rerum conditor tam perfecte, construxit, & millenis in modis ovi adumbrata lineamenta in partes jam organicas intertexta, ac designata cum statutis liquoribus, pro earum incremento, & reparatione depictæ fabricæ destinatis, divino quodam consilio compegit, ut exploratores naturæ etiam solertissimi tam nudis oculis, quàm Microscopio munitis, hæc illustrantes inchoamenta, magno, uti decet, humorum famulatu referta, illud statim veritati proximum astipulentur, non hunc tantum comitatum humorum, verum etiam luculentissimam texturæ concinnitatem esse non fictam incolumitatis radicem; Allatæ igitur sententiæ Patroni, deperditæ simulacra salutis detegerent, & omne morbi genus apertissimè enunciarent, si

B

ab

## 18. EXERCITATIO

ab incolumitatis privatione, quod idem est, ab humorum mixtione destituta, vel à compaginis abdicato consensu progigni putarent, cum cogentibus rationibus, & experimentis, illis sit observandum, corpora adulta, tenella, ac in uteri claustris degentia, affectionibus solum corripitur, postquam certæ structuræ nexum, & humores mixtione, usuque probatos amiserit, quemadmodum horologium, sive quodlibet artefactum discindi, dissolvi, & frangi potest, postquam lege doctæ artis videtur integrè confectum, vel illud violari creditur à ruginè, ab humore, aut polline interiecto, vel à perditâ superficierum levigatione, tunc tempus [ si hoc fiat ] non ritè metitur, intercipitur etiâ aliquando, & intervertitur, cum horæ, quæ pulsantur, nec æquitemporaneæ, nec identidem æquidistantur habeantur, quia opificium combinatione vacat arti consona, hac non impari dicendi ratione, ingeniosissimam, & nunquam in suis operibus inanem naturam, divinum opus, quod est benè valere, singulaque simul fabricæ munia vivida, quæ pollet vi, obire sentio, quorum alterum, & alterum à figura non invalida, à fortitudine conjunctarum partium, qua fibræ, & villi contractiles potiuntur, vel ab humorum inconcussa moderatione effici solent, quæ quidem duo longe à corporibus abesse coniicio, quotiescumque partium prodigio major consensus, & usus à mutuo recedit amplexu ope interiectarum molecularum inhaerentium lateritiis vasorum fibris, vel quando fluidorum cohors, non tanto mixtionis decore eo pervenit, quò destinata est, nec conditionibus illis

orga-

organa respergat, quibus ea respergere deberet, sicuti Medicinæ Proceres mecum opinantur.

Ruditer sic indicatis, juxta naturalem oculorum aspectum, incolumitatis fundamentis, fateri adnitor, indubia ejus indicia, ab exaratis rudimentis, naturali fœdere, clareque expressa mixtione adstritis, exoriri, quæ duo [ nec est fallitas veritate depicta ] rectè posita, iustaque ratione collocata, illam vicissim moderationem conciliant, quæ salutis pacem amat in omni ætate, sexu, corporum habitudine, & quod mirum est, omnibus etiam exilimis corporis partibus, structura, potentia, magnitudine, situ, & ministerio haud simili exornatis; Non tam ergo actionum utilitate, ac venusta instrumentorum combinatione, laborum vim, juxta structuræ normam, & usum sanguis operatur, sed tanquàm moliminum particeps, sociusque corpus relevat, hinc assuescit unaquæque machinæ humanæ pars ad examen severiori trutina ubique revocare, an sic vetustæ fluidorum moleculæ exeant, an eadem methodo redeant, an sic urgeantur, & depellantur, an sic eodem impetu in statuta loculamenta deriventur, tanquàm rationem redditura, quid impenderit aliquo cum mœrore, quid cum gaudio, quid in vigilia, aut in somno, in quiete, aut in motu absumpserit; In omnibus æqualiter partibus, & particulis earum, suo modo, ex adventu humorum nova percipitur fluidorum comminutio, nova semper exeritur contrahendi, & distrahendi vis, propterea effluviorum semper nova ratio exeritur, novusque mixtionum motus usque ad extrema arteriarum oscilla excitatur, nec æqualiter sane in-

immensis vasorum protensionibus mixtio inualefcit, sed certa quadàm ratione fluidorum moleculæ cientur in motum vertiginis in singulis parenchymatibus, aliisque in organis internarum cavitatum, juxta figuram, virtutisque momentum, villis contractilibus, & fibris mobilibus impressum, in alio loco diversimode, juxta pressionis, contractionis, & distractionis vim illic distributam; Non æquis ideoque conditionibus cunctæ sanguinis particulæ, licet sospitem, & incolumem fabricam sæcudent, eam pervadunt, sed juxta singula filamenta, magna, vel modica affecta vi, & virium jactura mixtio adaugetur, quousque tenuissimæ partes aptam figuram, & fluxum omnibus, & singulis villulis, & eorum, porulis respondentem nanciscantur.

Totam igitur cruoris massam, humoresque cæteros ab ea prodeuntes, fluidorum nomine ditari probe sciunt hujus temporis Viri in hiscè rebus occupati, statuentes naturam moliri, & consequi fluidorum mixtionem, ope contractionum vasorum, vim facientium in contentos humores, pro eorum debito circuitu, cujus ope per universos, illi vehuntur corporis hiatus, quorum particulæ, ut opportunam possint agendi præstare rationem, canaliculorum quandam exposcunt diversitatem, varios occurfus, pressiones, confractiones varias, innumerasque resistentias exigunt, ut liquor ab alio, cui est permixtus liquore, in glandulis præsertim, imò in homine toto, qui est unica, sed ingens glandula, separetur. Hac inde præeunte depuratione, ea obtineat specimina-  
opor-



oportet, quæ sanguinem totum ad incolumitatem; omnibus numeris conformatum; declarant; quod utique sine recessu à valetudine fieri creditur; si certam sanguinis servet quantitatem; determinatam qualitatem, motumque circulationi consentaneum; à cuius jugi vi semper magis elaboratur, dispescitur, separatur humor, ac in aptiorem illam figuram; particularumque permutatur cohzrentiam, quæ solidis partibus videtur oppido convenire; Constat igitur inculpatæ salutis fundamentum inniti solidis, & fluidis, ritè inter se congruentibus, cum perspicuum sit solida intra se excipere ea fluida; quæ excipere debent, ea continere, ac permittere, ut fluant, quò destinata sunt, quemadmodum patet, fluida in solidis æquo ordine, mutua inter se se vicissitudine, & amicabili concordia fluere, contineri, defæcari, agere, & aded urgeri; nè instauratio totius frustretur corporis, ac perennis spirituum regeneratio, ne deficiat, quorum fæcundissima illustratione, ut nemo non novit, firma coruscat salutis forma, simulque operosioris moliminis ratio vividissimè exeritur. Tanti autem momenti sunt ad probanda ea, quæ proposui, allata superioris argumenta; ut asserere tuto possim, non incolumitatis dumtaxat fundamentum, sed universam orbis terrarum fabricam diutissimè retineri, & servari iisdem Legibus, quibus fuit à summo Opifice fabrefacta, consensu nimirum, & arctissimo fædere, quod inter partes maximas, & rerum minimas intercedit, ut paucis 2. Cælorum suadet Aristoteles, dum *Natura, inquit, est mixtio, & fadus mixtorum*, fædere enim demisso, eoque fracto, vegetabilia

bilia, mineralia, & sensibilia, sive totius artis, ac  
 Naturæ opera, intereant necesse est, juxta illud à  
 Marfilio in oratione-tertia convivii Platonis-ca-  
 pite secundo dictatum; *Cuncta unitate partium  
 suarum servantur, dispersione partium pereunt;  
 Unitatem verò partium mutans earandem  
 efficit amor; Quod in humoribus, &  
 membris nostrorum corporum, val  
 mundi elementis insueti  
 licet.*





# DE VALETUDINE

## EXERCITATIO SECUNDA.

*Ut fluidum, & solidum humana fabrica duntissimam  
ducans incolumitatem, proportionali iugiter  
motu potiantur ubique oportet.*



Ogitandi mihi sæpè de eo, quod  
suadentis naturæ rationibus con-  
didi superius valetudinis funda-  
mento, succurrit mihi pluries in  
mentem præter hucusque exara-  
tam mixtionem, ac sospitem unio-  
nem, quibus potiri debent soli-  
da, & fluida, illis pro indeclinabili totius opificii  
regimine, indeficientem motum semper incolumita-  
ti consonum inditum esse, cuius vi fluidorum ne-  
dum mixtio, verùm etiã solidorum cohesio, cum  
totius salutis instituendæ ratione servantur; At sic  
pernetim per universam solidi molem successivus  
fluidi transitus, ab uno, in alium locum, in determi-  
nato tempore excurrando, successivis contractibus,  
per omnes loci transacti partes se se consequentes;  
Nec

Nec in homine solum hæc elucet motus ratio, sed in mineralibus suo modo, in vegetabilibus, & cunctis sensibilibus, imò in omnibus sex dierum Omnipotentiz operibus, in quibus perennis motus leges æqua diuturnitate, & congrua velocitate juxta eorum institutum servantur; Quare humanum corpus, ut alia innumerabilia omittam, in omnem fluidi, & solidi sui ditionem, scitissimam impetus vim; & velocitatis quendam gradum solet exerere, cum compressio conatu, et levi vehementia peractum in subiecto resistente, ut omnis fibra mobilis, quodlibet astruens instrumentum actionem à physico contactu exsuscitatam, supra omnem resistantiam absolvat, sed tali cum discrimine, ne actio una alteri opponatur, vel tali ordine, ut prò mira, quàm habent fibrarum, varietate, ac pro earum innumerabili multitudine æquè mirabiles exerat virtutes perpetuò rependentes mixtioni, unionique allatæ; Tam ingens est solidæ structuræ perfectio, fibrarum nempe, ac omnigenorum filamentorum unio, ut ne minimis quidem machinulis addi, detrahiq; quidquam possit magnitudini, numero, figuræ earum positioni, ac virtuti, de quibus omnibus non obscurum perhibet testimonium spirituum impulsus, qui concipi non potest absque sociali motu earundem fibrarum, in quibus ita agit, ut cæteri in suis vasculis contenti liquores apta mixtione profecti, in incolumem libertatem vindicentur, irruantque confestim in obscura etiam filamentorum loculamenta, & in porositates æquè ampliatas, ac restrictas excurrant, ope contactus spirituosius succi, nullo tempore intermedio promoventis contractiones, remotio-

tiones à cōtactu, aliosque motus, ut illi quoquo versū penetrent, & opus reparationis, ac secretionis humanis viribus impar moliantur. Tandīū etenim durant singuli valetudinis motus, quandīū ingenerantur spiritus, concinnè influunt, & scitè turgent, vel humores certa quantitate, ac determinata temperie donati, fabricam omnibus numeris absolutam irrorant, atque naturali circulo feruntur, quorum circulari latione successivam faciunt vicissitudinem, mixtionis scilicet in fluidis, & unionis in solidis, simulque eam impetus vim, & contactus vel, remotionis à contactu, in solidis, & fluidis exsuscitant, quæ machinæ perfectionem apertissimè ostendit; Huic cogitationi videtur suffragari illa, quæ inest vis singulis villulis contractilibus minima viscerum, & totius opificii lustrans vascula, simulque propria in singulis organis pergens molimina, quorum motus ratio exurgere creditur ab activissimo liquore in nervos aduecto, eo, quo ducitur, impetu minimas eorum inanitates accolente, à statutoque pariter villulorum contextu in contractionem, & distractionem abeunte, ad quorum naturalem contractionem millies, & millenis in modis absolvendam solus non sufficit nervosus liquor, sed sanguinis arterioli portio simul est necessaria, quæ duo in minimos, & maximos musculos appositè confluentia permiscetur, mutuè agunt, effervescent, inde filamentorum, vel fibrarum tilias tangunt, inflant, dilatant, & contrahunt juxta incolumis naturæ, ac voluntatis indigentiam.

A' firmiter igitur firmatis primis genituræ flaminibus, nullo tempore intermedio, mobilis naturæ

C

voces

voces audiantur oportet, perpetuumque simul illa motum exerere incipiant, præsertim in corde, arteriis inde, et venis quacunque mire potens, quæ possunt, & inviolabiliter sortiuntur certam liquidorum quantitatem, ac eorundem determinatam velocitatem, æqualis temporis intervallo molitam, ex politeque respondentem exilimæ vasorum resistentiæ, ut superetur, vel constrictioni muscutorum vasa circumprimentium, immò spiritui, ac sanguini, vel eorum intimæ ebullitioni, ac particularum effusioni, reciproca agendi vi agentibus in omni extensione fibrarum constituentium tenella organa, quæ quidem impetum debent tunc experiri tenuem, tenues instituere contractiones, distractiones, & pressiones semper proportionales impellenti virtuti liquidorum, ne fœtus exordia eximio, quo polent, destituantur frædere, & hæmatosis à sui perfectione desciscat, quæ quippe de more incolumis genituræ adaugeri creditur; si inoffensus motibus moderentur solida, & fluida, mutuaque vicissitudine sibi ipsis respondeant, absque ullo exaratarum rerum discrimine, ex quo fit, ut elaborentur affabrè, premantur, & supra omnem intelligendi ordinem comminuantur molecule fluidæ usque ad ultimam parvitatem, ut simul solida eorum inter terminos, intercipiant aliquam distantiam, explicentur concinne, atque in majus evadant spatium vasa vehentia, & revehentia usque ad ossium penetralia, in que protenduntur, sicuti non latet, & expatiantur vasa exilima sanguinis, minori cum impetu, uniformis tamen ab illis celebratur vis superandi omnem resistentiam, cujus causa

usa etiam illa prima inchoamenta ritè conformata coalescunt, pervia evadunt, & prout naturæ usus fert, pervia remanent, ut de ossibus constat, quæ in modum cellulatæ substantiæ construuntur, & eo motus ordine, quæ concreverunt particule in omni vibratione arteriarum concutiuntur, quæ coalescunt, modulari nituntur, certamque motus contractilis percussione perferunt, ope cujus nova semper gaudere videntur liquidorum irroratione, & quolibet alio vitæ auxilio, ut perennentur in motum; Qua de re nulla est assignabilis, vel minima differentia temporis, quo sanguis per arterias non procedat versus totam corporis circumferentiam, & simul per venas non remeet versus cor, cui continuitati prospiciens natura, cuncta humorum vasa membranis contractilibus, & distraçilibus composuit, ut modò majus, modò minus spatiû possint occupare, seseque uberrimè, ac imminutè humorû segeti accomodare, juxta temperiem, sexum, ætatem &c. Constat ex iis propterea, hujus perpetui motus impetum in corporibus adultis, à percutiente nervorum succo, & arteriarum obnixè imprimi, & majori copia elutriari in omnem fibram mobilem, momentoque citius communicari, intima, qua decet penetratione in cordis, arteriarum musculos, villulosque venarum, in quos talis agentium liquidorum series debet derivari, ut talis fiat contactus, ac certa diffusio virtutis tactivæ, quæ veluti à perenni fonte effluens, spargit per universam molem corporis ictum, ut hac statuta contractionum vi in dictis fibris assidue repetita, humores suum iter progredientes, superent mutuos eorum occursum, ac resi-

stentiam, quam vasorum latera, cum levi, vel fortius affricu illis infligunt; Si tantæ igitur est molis influens liquor, uti convenit, citò rarefcit, citò in bullulas effunditur, quæ in univerfum citò pollinem rediguntur, ac per totam villorum longitudinem, & amplitudinem mirè diffeminantur; Verùm enim verò partes quæcunque nihil sunt præter aggregationes vasorū, quæ humoribus continendis, necessarioque vehendis destinantur, hæc atque nihil, nisi convolute membrane, vascula, scilicet, diversa, & nervorum expansiones, ac filamenta diversimode contexta, unaque ex minimis particulis fabricata, quare, mirū non est, quacūque motum effundi, & in organa omnia contractionis, & distractionis vim influi, vel uno temporis momento undecunque pulsari, allui, tremere, ac totam proinde fabricam commoveri. Immo alacris hæc vasorum mobilitas, nulla infecta n orborum labe, momentum excedit virium cuilibet organo, ejusque minimis fibris impressum, ne vasa serpentina in firmam compage membrorum destituantur enunciata vi, & moleculæ fluida componentes, in circuitu præpediantur à collateralibus particulis, obviam, vel ad contactum venientibus, quæ ibi velocitatem agentium liquidorum, simulque fluentium aliquo pacto debilitant, sed vis contenti sanguinis, vel impetus minus frangitur circa axem vasorum, ubi ipse velocius fluit, quàm uti idem prope circumferentiam locum sortitur. Quare innumeri contractionum, & distractionum ictus, qui perpetim eliciuntur, munia prodigiis similia ubique pergunt, hic nimirum, non sine recto naturæ judicio, vegetiorem prope  
cor,



cor, & impetum hebetiorem versus circumferentiam exercent, ut patet in arteriarum finibus, in quibus omnis motus languidissimus est; Hinc urgent vasa ad latera posita, ea circumflectunt, alibi circumprimunt, & hac de re, majores alix vasorum fibræ, aut iis congeneres magis, alix minores minus agunt, hic dilatantur vicissim, mutueque angustantur in una parte, in eaque diverso temporis spatio laxantur alterne, & ordine aded proportionali impinguntur ad invicem, ut tota humana moles, inejus maxima, vel minima portione, quo ad trinam dimensionem mechanicæ necessitati obediat, & perpetuam percussione vim, motionemque prodigio proximam consequatur.

Neque hic finem habebit humani motus examen, si tibi legenti, ea, qua decet, solertia meditari serio libuerit, eam, quam à summo Conditore machinam es consecutus, quæ non injuria à Mechanicorum *Principe Alphonso Borelli* innumerabilium machinularum mirifice connexarum unio nuncupatur, & dubio procul invenies earum jugem motum tam varie, sed naturaliter persolutum haud intercipere meatus, spatiola intercedentia, oscilla minimorum vasculorum, hiatus, & cutis porositates, quæ mirum in modum [ nullo facto agmine ] in omni contractione, & distractione aperiuntur, & clauduntur, absque eo quod ora enunciata concidant, & eorum figuram permulent, & quamvis hoc pluries, & millies occurrat, eandem semper retinent potentiam ad se se restituendum antecedenti figuræ, absque eo quod restitutionis robur enervetur. Invenies in hac motus perpetuitate æqualem sanguinis

nis copiam à corde exire, ac in arterias derivare, ab iisdem egredi, in venas subinde ingredi, & ab his in cor revehi. Invenies æquilibrium à Natura inoffense servatum inter potentiam sanguinis, urgentem extrorsum membranas vasorum, ac eorundem resistantiam, ad ulteriorem laxitatem, vel latitudinem. Immo in rei exactiori calculo invenies, ob mutuos occurfus sanguinis moleculas potiri diversa figura, & motu velociori, vel tardiori sursum, deorsum, directe, oblique, vel lateraliter, cum contactuum continua mutatione, & ubi plures diversæ crassitie moleculæ congregiuntur, tenuiores evadere, & emergere in sublime, crassiores verò ne subsideant, in circuitum ferri, alias disrumpi per aliarum particularum combinationem, aliquando graviores fieri, modò gravitatem in levitatem convertere, modò duritiem, ac novam crassitiam nancisci, easque denuo sub pressionum prælo coangustari, obrui, urgeri, & deleta crassitie, adedò atteri, ut ab arteriis exeuntes carni interstitia perluant, transmeant, fecundent, & foveant totum opificium, vel tandem concinnentur, & depròmantur juxta ritum inoffensæ valetudinis. Jure ergo omnigenæ humorum particulæ, opportunis iis motibus modulatz conveniunt ad invicem, & singulari fèdere utuntur cum solidis, quod totum, si deficeret, vel secus contingeret, non evaderet porro immunis animalium structura, quæ jam hemathosi, ac humorum harmoniæ inepta, & justò segnior facta, eo, uti licet, sanguine non obsecundatur, nec tanto spiritu turget, ut fulcire valeat incolumis facultatis vim, molientis contractiones, & distra-

tio-

&iones, tam naturales, quàm voluntarias, sed mo-  
 mentum contractionum, si tunc evadit, minus mo-  
 mento distractionum cumulationes creduntur, di-  
 stracti villi contractiles, se seque magis remouent à  
 contactu, nec in eundem, uti prius, recursum se se  
 restituant, quin potius inter eorum terminos inepti,  
 inidonei, qui evaserunt humores, insistant, fila-  
 menta villorum, & fibrarum perluunt, & infarci-  
 unt, vel ad instar tartari facile inhzrescunt, vel in  
 cavitatibus exiliorum vasculorum, ac pororum  
 facessunt crustulas, hinc sanguinis vis protinus lan-  
 guescit, cujus alix in via salutis claudicantes parti-  
 culæ, quæ simul coibant, non coeunt amplius, etsi  
 peragrent omnes arteriarum, & viscerum cavitates,  
 siccescunt, & serositates in cavernulis cu-  
 juscunque terræ, vel duriusculæ particulæ in-  
 clusas, evomunt, nec nativa lymphæ affusione, qua  
 prius, molliores fiunt, cum aliq. lentescant, im-  
 morentur, alix, vel algeant, alix aliam à jure  
 incolumitatis, & plane improbam induant figuram,  
 & omnes denique impetum, motum, proportio-  
 nem, molem &c. amittant, ex quibus infelix fit mix-  
 tio, omniumque liquidorum infelix separatio, &  
 quod majoris momenti est, nervorum liquor sospes  
 non ingeneratur ulterius, ut sacra cerebri, ac ner-  
 vorum digne colat, aut musculos æque secundet,  
 ac vasorum fibras ita contrahat, ut contenti hu-  
 mores naturali, quo ducuntur, impetu, impellan-  
 tur antrorsum à subsequentibus, qui cum retrorsum  
 nequeant converti, partim coguntur ibi subsistere,  
 nec recedentium loco succedere, partim vi novi  
 impetus, vel deperditi motus, ab exiguis inanita-  
 tibus

## 32 EXERCITATIO

tibus, & peruiis interstitiis, a quibus patet exitus, non depellantur, vel demum contractionum vis, & distractionum adaugetur adeo supra ordinem, totius proportionis, ut omnes indiscriminatim permuteantur motus, totiusque simul crasis, ac valetudinis ratio pereat.

Revelata jam, quantum mea intelligendi hebetudo obiter passa est, necessitate contractionum, & distractionum vaporum sanguinis, differendum venit, num que in hanc rem hucusque ruditer indicavi, cum naturali, ac voluntario motu pectoris, vel cum fortuito, ac voluntario pectoris, totiusque hominis motu apprimè conveniant. Qua in re à veritate non abhorret mutuam expirationis, æquabilisque inspirationis convertentiam necessaria indigere vi intercostalium musculorum, thoracis, uti pereleganter demonstrarunt viri solertissimi, quorum digna monita, si quis serio consulat, in hac mirifica structura, agnoscet necessitatem motus cujus perpetuitatem in similitudinem fieri puto vertiginis, docta arte constructi horologii, in quo vel prementia pondera, vel funiculus circumvolutus omni secluso impedimento rotarum circumgirationes cum æquitemporanea oscillatione suorum denticulorum tempus expendentiam perpetuo faciunt, siue verius ad instar moletrinx, cujus rotæ perenni, & uniformi aquæ impetu pressæ, vertiginis æquabilem motum, velit, nolit molitor, moliantur necesse est; Voluntarius itaque motus licet ab animo, tamquam a prima omnium motuum origine exurgat, pendet tamen a certa liquidorum copia a certa mixtione, & confricatione, a statuta per-

percussionū vi, atq; eorundem contactu humorū foventium, & collustrantium musculos voluntario motui destinatos; Hæc pr. motum alternatio tam æqualis, tam constans, & tam perpetua ab utroque ordine intercostalium musculorum se eodem tempore contrahentium peragitur, & ab aliis simul vertebralibus, spinatis scilicet, semispinatis, longissimis, rectis, mediis, lateralibus, obliquè ascendentibus, ac descendentibus absolvitur pyramidalibus, & transversalibus. Sed ne tota divellatur compago dorsi suam exerunt vim serratus uterque pecticus superior nempe, & inferior; Diafragma verò, septus transversus triangularis, & sacrolumbus, alique inter se mire intersepti muscoli, hic brevitatis causa non expressi, cū costis, vertebis, cartilaginibus, sterno &c. proprias vires exerunt, ac simul fulciunt viscera, & uniformiter dilatant universam pectoris molem, cujus tam stabilis motus inviolabilem illam servavit semper legem, quam sensus evidentia ostendit, ac postulat diversorum vasorum natura, quorum omnium constructio, licet motibus indeficientibus polleat, non ideo tamen eodem ubique fungitur munere, quemadmodum cordis viscus, tubuli sanguinis pulmonares cellulæ aeris non obscurè suadent; Hæc siquidem ultimo loco enunciata vasa, si sedulo observentur, evincunt alternos pectoris motus simul fieri non posse, cum muscoli ventriculorum cordis non eodem tempore contrahantur quo muscoli auricularum; eodem enim tempore, quo in unam ducuntur contractionem exteriores pectoris muscoli, pluries contrahuntur muscoli cum auricularum, tum ventriculorum, ac vasorum sanguinis. Contrahuntur

D

tur

## 34      E X E R C I T A T I O

tur ergo thoracis muscoli, & regio tota dilatatur, tota aspera arteria protensa usque ad extremas partes pulmonum; ac simul totus pulmo in majus venit spatium, eorum enim muscoli contrahuntur eodem tempore, quapropter ducitur aer, & fit necessaria inspiratio; Restituuntur subinde iidem thoracis muscoli, constringitur pectus, distrahuntur muscoli universæ tracheæ, in minus venit spatium: arteria aspera, coangustatur pulmo, redditur aer, & fit expiratio.

Hoc porò admirabile opificium incolumi partium sedere, ac firmitudine undique consumatum, in tam varia serie motus, in tam diversa vasorum constitutione, & usu tam æquabili, quam inæquabili (respectu diversorum) denique in tam diversa temporis ratione movetur, & nervorum succo tam vivide, & incessanter collustratur, ut in allatis organis influens liquor, supra humanæ indagationis solertiam, debitas contractiones, & distractiones excitet, nihilque idcirco, quod non sit sanum, & inoffensum operetur. Expende quæso nunc qui hæc sedulò perscrutaris, quàm appositè fluat activissimus hic liquor, & quàm variè contrahat musculos, quàm opportunè refluat, eosque distrahat; quam ingentem vim promoveat, & exerceat; quomodo aliquando modicè contrahat & languidè agat; quare hic citius, hic tardius, cur hic dilatet, hic abbreviet, cur modo, elevet, & suspendat, cur alibi deprimat urgeat, premat, & cogat, hic ad naturæ vota, illic ultra ejus leges, vel qua de causa nunc sponte, nunc violenter contrahat, & laxet, ita ut motus peioris interdum minimus propemodum evadat,  
vel

vel contra major, ac major fiat, pro ut voluntas jubet, & stimulus urget. Hæc verò, quæ valetudinis tempore, in pectore elucent (pene dixerim) motus miracula æquabilem illam non auferunt contractionem, & distractionem, quam singuli villi contractiles aggredi solent, nec tollitur nativa vis ab humorum nisu urgente membranas versus exteriora, cum nexus vasorum membranas adituentium agat versus interiora, & æquilibrium servet, non secus, ac si in neutram partem premerentur illa vasa, que mutuum nexum sortita sunt, quinimò proprio percita motu, & subsequens humorum impetu obsecundata, veluti per gradus, pressionem, extrusionemque influentis, vel jam influxi liquoris molliuntur, mixtionemque perpetuam faciunt in expiratu, & inspiratu, quemadmodum omnium observatorum *Maximus Malpighius* luculentissime expressit. A perenni igitur hoc, & alio non interrupto motu, sospes ducitur vita, cujus signum est, migrare ex uno in alium locum, de more transferendo universam corporis molem, ac innumeras absolvere transpositiones tum externas, manuum scilicet, crurum, capitis, tum internas, viscerum, arteriarum, venarum, nervorum, ossium &c. absque eo quod istæ sint æque frequentes, & adeo per vices continuatæ, ut muscoli, & omnes fibræ certæ, ac stabili quiete omnino destituantur. At prædictæ tamen partium transpositiones, certis nedum legibus, statutisque velocitatibus debent respondere, verum etiam convenire influxui agentium liquidorum humoribus, coctioni, mixtioni, secretioni, uno verbo, cunctis organis fabricam componentibus, eo videlicet no-

## 36      E X E R C I T A T I O

mine, ne quidquam eorumdem præpediatur vel quidquam fluidorum violetur.

In naturalibus ergo motibus voluntariis, ac mixtis, translationis nimirum, ac transpositionis tametsi contrahendi, & distrahendi vis inæqualis a diversis musculis cum inæquali velocitate absolvatur nihilominus proportionē quamdam sibi debitam, ac veluti perpetuam harmoniam servant inter se vires, ac resistentiæ quoruncunque villorum, que propterea aptè quoque respondent organorum structuris, ac humoribus in illis contentis, quorum impetus, ut conicio, licet diversus sit indiversis vasculis undique varie circumpressis, respondet tamen impellenti virtuti, singulorum vasorum resistentiæ, latiori circulari, humorum, mixtioni, molecularum, positioni, earumque secretioni, ac climinationi. Huc enim potissimum consilia dirigit natura, ne scilicet porositates carniū viscerum, glandularum, membranarum, ac villorum copioso humorum affluxu, plusquam decet, saturentur, vel ne particulæ inertes, torpentes, ac inutiles nimis ibidem stabulentur, ne denique vasculorum membranæ, quæ ab humoribus liniuntur, illis plus justo infarciantur, dirigit inquam natura rapidos translationis, & transpositionis motus, ut vi eorum, molecule torpentes fiant agiles, ut vehementia ictus, & pressio abradantur veterascentes, & aliæ segiores particulæ amovibiles alio transferantur, quo sanè auxilio utitur providentissima Parens, in extremitatibus præsertim arteriarum exilimarum venarum ac vasorum lympham continentium, quæ sæpe necessaria vi peristaltica non scatent pro jugi eorum motu,



motu, ac inutilium secretionem cito persolvenda. Si  
verò necessitas aliqua adaugeat translationes, ac  
transpositiones alicujus partis, siue verius totius hu-  
manæ fabricæ, adaugeantur etiam oportet agen-  
tium liquidorum vires, impetus peregrinantis san-  
guinis, vasorum resistentiæ, occurfus, secretiones,  
simulque energia operandi universa; In hoc autem  
rerum incremento elucet inculpata salus, quousque  
momentum resistentiæ omnium partium solidarum,  
debita proportionem respondeat momento ada-  
ucto agentium liquidorum, eorum copiæ, ac novæ  
generationi, siue verius quousque apte respondeat  
adauctæ velocitati circuitus sanguinis, ac ejusdem  
mutuis molecularum occurfibus, qui tamen non  
perturbant figuram, proportionem, situm, motum,  
choerentiam, molem, &c. intermixtarum molecu-  
larum sanguinis, ac ceterorum liquidorum; In im-  
mensum profecto iret oratio mea, si severiori tru-  
tina vellem effectus motionum omnium humanæ  
fabricæ singillatim examinare; & sanè pro hujus rei  
enodatione mihi recurrendum esset ad gymnasticam  
scolam, ut possem animadvertere innumeram tran-  
slationum, & transpositionum seriem, tot exerci-  
tationum vires, tot resistentiarum momenta, ada-  
uctas velocitates, & impetus, ac denique mutuos  
omnes fluidorum, ac solidorum occurfus sedulo  
contemplari. Quapropter præterire, etiam hic lu-  
bet rusticorum vires propemodum immensas baju-  
lorum, ac athletarum ingentia conamina; lubet ta-  
men brevi excursu indicare summum quorundam  
artificum, natantium, nautarum, venatorum, iter  
facientium, ac præsertim currentium robur, ex quo  
licet

licet colligere omnigenos villos contractiles plus iusto, nec contrahi, nec distrahi, nec ab humoribus ultra exigentiam foveri, nec humores ipsos improba hac se se movendi vi desciscere a nativa consuetudine, nec loca devia obsepire, sed omnia apte pervadere, respergere, coagmentare, reficere, & inutilia cuncta disperdere, ac eliminare; Hic cogita de tegmine, & subtegmine communis involucri, cuticulæ, videlicet, cutis, & aliarum membranarum. Cogita de vasculis quaquaversum serpentes in tendines, ligamenta, & periostia, ac in quod libet eorum stamen; Cogita de exilimis filamentis, & canaliculis vix sensui obuiis, vel de aliis etiam sensum prorsus fugientibus, quæ protenduntur in nervos, in corneam, ac alias membranas oculorum, in testes, alioque universum; Consule nervorum, papillas, miliaris glandulas, vel majores alias ad instar glomifabrefactas, millenisque in locis confitas, & præsertim supra omnem admirationem in cerebro, ac in aliorum viscerum structura; & in rimandis his omnibus profecto deteges, arteriolas, venulas, nervulos, ac vascula lymphatica miris modis implicata, debitoque motu prædita, & consona agendi vi; immo deteges fibrularum, ac villorum contractilium seriem dicta canalicula componentem æquare vires agentium liquidorum, eisque resistere, demum invenies, humorum tam utilium, quam inutilium separationes, quas hic referre nimis longum esset, & operosum; hæc autem omnia fieri comperies ab organorum motu, juxta eandem consuetudinem.


Verum enim vero præter hæc considerandi sunt  
sim-

simplices, ac mixti motus, quandoque nimis etiam adaukti, quorum causa confricationes, pressiones, occurfus, mutua etsi reciprocatione præditi, minus tamem organis videntur convenire, quia tunc refolvuntur faciliter figura, cohærentia, moles proportio &c. molecularum sanguinis, nec moleculæ ipsę rite permiscentur, nec priori gaudent amicabili concordia, multoque minus aptantur solidis, eorumque meatibus, quos non subeunt, nec ulterius permeant; Sed eorum inter terminos, non levi tunc affrictu, & magna velocitate irrumpunt, novamque proindè faciunt distantiam, & renuunt subire fibrarum poros; E contra reluctantur solida gaudere dictis humoribus, atque reparatione, immò a tanta motuum frequentia dissolvuntur, nec exercent amplius vires illas, quę a nervorum succo, aut ab aliis agentibus liquidis naturaliter emanant, quade re sanguinis singulæ partes, eodem quo prius impetu, & latione circulari non feruntur, nec atteruntur, nec commiscentur ulterius, juxta naturę jura, & quod deterius est materiam spirituum generationi idoneam non suppeditant corticalibus glandulis, ac cerebri substantiæ.

Multoties autem ad vires reficiendas cessant motus illi, qui a voluntate pendunt, ut naturales motus, qui hominibus perpetuo insunt, majori virium momento affecti molimina operosiora probe conficiant, tum in fabrica reparanda, vel reproducenda, tum in abradendis inutilibus particulis a suffraginibus, rugisque vasorum, glandularum &c. hoc autem naturę auxilio, villi contractiles voluntati inservientes ad motum suum facilius revertuntur.

Hac

Hac sane alterna agendi vi sospitem ducunt vitam hominum non pauci, acquirentes in illa quiete novam copiam spirituum, quorum irradiandi consuetudo laborem non facit, sed vim vividam excitat, ut assidue laborantibus contingit; spiritus ergo villos adeò illustrant, & urgent dum agunt, ut muscoli vasorum salubrem resistantiam faciant intercurrentibus vasculis eorumque hiantibus osculis, ne concidant, immò tales pressiones canalibus imperiuntur, ut humores, eorumque moleculæ coeant, circuitum agant, ab amplexu mutuo recedant, iterumque invicem coeant, & denique fabricam universam muniant, ac reparent; Violatis autem hisce naturæ legibus deficiant necesse est concinni motus, unaque hominis bona valetudo.





# DE VALETUDINE

## EXERCITATIO TERTIA.

*In incolumi unione humana machinæ, ejusque jugi motu contractionis, & distractionis, partes solidas inter se rite compressas, vel a liquidis invicem fluentibus, mutuoque occurrentibus confricatas, calorem formare naturalem, rationabile videtur.*



Ominem ex partibus tam dividuis, tamque diversis, tamque mirificè implicatis affabre compositum, contractionum jugi vi, totidemque distractionum scitissimè prosequutum, pressionibus, ac innumeris confricationibus undiquè refertissimum, inter animatorum genera ingens summi Conditoris miraculum cum divino Platone tertio de legum lationibus vocare semper consuevi; Præter alia enim rationum munimina, quæ sum infra allaturus, hanc veritatem evincunt posita superius naturæ documenta, ex quibus satis, ut reor, quàm grande sit prodigium homo, conicere licet; Neque hoc est temerè dictum, cum ad prosperam valetudinem tuendam, nè pereat, sit homo coactus subire, nè dùm ægri-

E

for-

fortunæ sana consilia, omnigena scilicet animi irritamina, verum, & totius corporis temperare, motus, sive humores haud invalidè concitatos festinè moderare, vel percussione ietus quaquaversum impressos retundere, & quodammodò infringere, ut calor natus minimè excedat perfectam solidi unionem, ac fluidorem mixtionem, sed secundum naturæ inconcussas leges, æquè foveat, & muniat fabricam fluidis intermixtam, totius humanæ structuræ. Quare summæ doctrinæ viri, & quidem omniscij, studio quammaximè adhibito in rebus naturalibus, veritati satis proximum credidere, naturalem calorem non a motu, ut motus est, exoriri, quemadmodum cum Arillotele, ferè omnes scripserunt moderatores vetustæ Scholæ. Sed cum Epicuro Democrito; Leucippo, divino Platone, aliisque, maximis Philosophis a confricatione, & abrasione, a fluidis in solidis, indefinenter repetitâ, in omnibus, & singulis, majoribus, minoribus, ac minimis vasculis, vel a mutuâ sollicitatione, & solidorum pressione, undequaque millenis in modis absolutâ, simulque a vi peristalticâ variè supra modum, & captum orzmente, singula fluida progigni decrevere; Respondent porro hujus caloris phænomena effectibus naturæ illis, sensu pluriès, ac experimento firmatis, dura nimirum corpora lapidea, lignea, ferrea, cæteraque totius ferè naturæ vel artis manufacta, inter se mutuò collisa, aut confricata, calorem promovere immò ignem excitare; Confirmant rem hanc naves ventorum summo impetu, & tempestatum vi, in vasto Oceano huc, illuc, obnixè jactatæ quarum tabulæ,

bulæ, juxta leges melioris artis concinnatæ, si aded urgeantur, & concutiantur, ut ligna, quæ erant simul perpohè contexta aliquantulum dissociantur, a mutuo fêdere, & discindantur confricentur, ac invicem collidantur, calor priùs, ignis inde excitetur necesse est; demùm brevitati consulens, alia quamplurima exempla prætereo, cùm de re hæc perhibeant testimonium nemora etiàm integra, quorum plantæ immani ventorum vi aliquandò ità agitantur, atque obnixè confricantur, ut maximum faciant incendium. *Unde Titus Lucretius Libro pr. de rerum natura cecinit.*

*At sæpè in magnis fit montibus ( inquis ) ut altis  
Arboribus vicina cacumina summa scrutantur  
Inter se, validis facere id cogentibus Austris:  
Donec fulserunt flamma, fulgore coorto:  
Scilicet, & non est lignis tamen insitus ignis.  
Verum semina sunt ardoris multa; teropdo  
Quæ cum confluxere: creant incendia Sylvis.*

In homine autem tanquàm in nitidissimo naturæ speculo, refulget nativa, de quâ loquor, caliditas cujus ea hic sunt expendenda primordia, quæ ad normam naturæ videntur castigata, & sunt omnium vividissimæ lucis particulæ fêcundi seminis irradiantis ovum, quod in uterum decidit, quæ quidè ab eo arctissimè amplectuntur, ac foventur, immodò virtute hujus seminalis auræ, minima ovum componentia impuriori luce ditata, remouentur a contactu, rarescunt quaquaversùm placidissimè confricantur, & momento citiùs aded penetrantur, ut

tota Fabrica jam adumbrata explicetur in primis rudimentis, ac extendatur, simulque utrius folliculi in aliquà sui parte dehiscat, eo prorsus modo quo semina, quæ terræ committuntur, dehiscantibus puraminibus seminis, quibus continentur, radices spargunt, quibus telluri hærent, quod non secus faciunt, intima particularum lucis vi, umbilicalia vasa, quæ in uteri substantiam inferuntur.

Hæc igitur tam prodigiosa semina, impura luce donata, a latebris defæcationis sanguinis eruuntur, et operosiori naturæ molimine seliguntur, a particulis magis cohærentibus, magis simplicibus, magisque mobilibus, quæ etsi aliis moleculis crassiusculis, quasi vinculis, & retinaculis devinciantur, potiuntur tamèn ea sollicitatione lucis, ea vi mutud agendi, coeundi, confricandi, solvendique retinacula, immò peragendi fabricam, cujus prodigiis cumulata inchoamenta, tantæque luce sociata declarant satis, jugem eorum agendi vim, & novam confricationem, quibus prima illa exordia famulantur. Quò igitur purius, quo lucidius ejaculatur virile semen, eò alacriores, eòque mobiliores, seu quod idem est, calidiores erunt eius moleculæ; ità cogita de muliebri ovo, ac de ejus minimis particulis, à viri fecundà aurà penetratis, & hac, si cogitaveris methòdo, de rebus cunctis ad generationem spectantibus, dubio procul ea attinges, quæ veritati magis proxima, credidere Hieronymus Fabricius, Arveus, Regnerus de Graaf, Malpighius, Boerellus, & nuperrime Laurentius Bellini. Prò re tam admirabili enodanda exemplum mihi propono, duarum ejusdem generis plantarum,

cxa-



examino nempe binas plantas, quarum una sit in feracissimo tellure, sub apertissimo cælo, altera verò in terra nimia humiditate diluta, Aeris gravata caligine, & Solis primariâ illustratione destituta; si enim exactiori observandi indagine exquisitur quid in Vere, quid in aliis anni partibus moliantur prædicta stirpium genera, perspicuum erit cuilibet Naturæ exploratori, primam earum, citius alterâ Gemmas emittere, folia explicare, flores effundere, citius edere fructus, semina producere, incrementum nancisci, uno verbo, omnia sibi debita munia, citius, ac perfectius altera obire, auxilio, illius activissimæ lucis, quâ præ alia planta fecundatur: si autem altera, ac altera harum plantarum evadant ignis pabulum, imparem ignem, dissimilem splendorem, ac calorem facient; Prima namque lucis moleculis oppidò subacta, ac uberiori semper luce ditata, si igni apponatur, sine mora succenditur, & in immensa effluvia lucis, ac caloris resolvitur; earum verò secunda, immodica, eâque impurissima luce imbuta, difficile admodum accenditur, & in fumosas potius auras abit, vel si comburitur, parùm flammæ, & caloris emittit, sicuti luculenter non minùs, quàm eleganter Pisani Lycæi Sydus fulgidissimum Alexander Marchetti, in poeticis, philosophicis, & mathematicis ter maximus, in epistola faustissimo literarum, & gloriæ Principi Ferdinando Secundo, Magnò Duci Hetruriz inscripta demonstravit; hac itaque fultus ratione, non vereor asserere cum Hippocrate, *talem esse vntrem Animalibus qualis Terra est Arboribus*, nec a veritate abhorreere sentio, uterogementes sanguinis

nis suppetias juxta earum temperiem diversis moleculis scatentes suppetitare fectui, quarum affluentia irrorantur; ad vota naturæ, tenella organa elegantissima unione initiata, foventur, urgentur mitissimè laxantur, & confricantur, quousquè majorem nanciscantur molem, majoremque caloris gradum proportionali mediocritate affectum, illisque scitissimè accommodatum. Quapropter Galileus vir nomine immortalis inquadam nobili sua apologia, haud contentiose differens, arbitratus, est in rudi rerum initio, mixta cuncta minimis constare, ac præsertim igneis, quæ tamen a cæteris diversi generis, in eodem mixto existentibus, obvelata, ac veluti in carcerem reclusa, illum calorem excitant, quem ignis ipse tunc solutus pressionis vi, & confricationis ope promovet; Huic itaque habitæ doctrinæ innixus non hæsitante assero humanæ naturæ inchoamenta, hac perenni lege se habere præsertim, si ab omni parentum labe fuerint vindicata, ac debito lucis comitatu referta, ut illius confricandi vi sollicitent cætera minima, quæ non sunt lucis, & quod hæc erunt minoris molis, minorisque copię, majores erunt confricationes, majorque excitabitur calor, quod major verò erit copia luce carentium minimorum, minor erit confricatio, minorque vis caloris; si deinde ad hoc examen rationis revocaveris temperiem uterogestantium, sensu ipso percipies, quæ huc usque sunt exposita, tum in eo quod attinet ad mulierem, tum in eo, quod spectat ad genituram immò in eo quod pertinet ad terram respectu stirpium, & ad uterum respectu genituræ.

In

In benevalentibus ergo corporibus nuper apertæ luci expositis, in adultis, ac in senio confectis, eadem, ut opinor, est incedendum ratione ad declarandum, nescio an dicam, ad evincendum calorem, cujus exordia, in tenellis corporibus hæud consopita, sed a suis fontibus nuperrimè emanata, magis tecta videntur, & sub illis involucris illinitis tenuissimis humoribus perennantur ignis particulæ quæ nec vividè admodùm agunt, nec tam facilè evolant, ut in prunis, cineribus appositè conssepultis, occurrit observare; hinc Hippocratis testimonio, *plurimum habent caloris, qui crescunt*: crescunt inquam, & ejusdem Hippocratis fide, de locis, *quacumque habet pars minima, ea habet, & maxima*, nec minus hoc, ut arbitror, affirmatur, de fluidorum mixtione, quàm de unionè solidorum, in quibus omnis ictus, affricus etiam levis, omnis pressio, contractio, omnisque distractio solvunt a vinculis fluidorum, vel a millies implicatis retinaculis solidorum abditas lucis moleculas, quæ una cum aliis exitum parant liquoribus erumpentibus, leniter percutiunt fibras, nerves, & membranas fricant, blandumque conciliant calorem præsertim si in eodem temporis cursu, ictus, pressiones, & confricationes allatæ illum, quem exposcit, valetudo, tenorem servant; Invalescensibus verò in dies magis organis, confricationes, & pressiones magis invalescant oportet, quæ adinstar irritatarum prunarum velocius vibrantium ignis effluvia, se se habent, quæ effluvia eò plus effunduntur, quò magis prunæ sollicitantur, sed valetudinis limites minimè transcendunt, dummodo corpora

pora iisdem particulis ignis scatentia reparationes assidue consequantur, vel contractiones, ictus, ac sollicitationes, sensu, & motu donatis organis proportionabiliter convenient, vel illam proportionalem vim fluida agentia in fluidis, & solidis exerant, quæ solidis, eorumque resistentiis respondeat, aut quæ mixtioni, depurationi, & secretioni sanguinis aptetur

Perseverat dubio procul naturalis calor, donec moleculæ lucis summoperè mobiles sanguinem perpetuò comitantes, in arteriis majoribus, ac minoribus, totidemque venis, in nervis, ac visceribus degant, vel quousque contractiles villos, ac eorum ubique porulos, ac meatus penetrent, vel certa, ac idonea quantitate progignantur, unàque consona transmeandi alacritate in universas fibras deriventur ea semper confricandi vi, talique percussione, ut intimæ tiliæ fibrarum, nervorum, ac membranarum varix contexturæ stimulentur quidè, sed nunquam solvantur, ut simul fluidorum series urgeatur, & prematur, sed eum in modum, nè figura, moles, proportio, situs quantitas, motus &c. depraventur, & violentur. Qua de remateria sanguinis, quæ est aggeries propemodum, immensa particularum diversæ indolis, & conditionis, ut secundùm omnes suas partes idoneum possideat calorem, opus est, lucis moleculas familiari perfrui illarum omnium conjugio, iisdem copulari, arctèque implicari in earum circulari latione, ad perluenda, minima vasa, vel singulos naturæ loculos, eo fere pacto, ac si essent consortes, ac ejusdem genesis, immò necesse est porulos,

Sfi-

Spiramenta , àc interstitiola inexcogitabili tenuitate affecta subingredi , & in occurribus , succussionibus , confricationibus , & pressuionibus placidè agitari , àc invicem solvi , ea tamen ratione , nè sublimentur in tota massa , nè pariter in solidis , in què derivantur , æquo plus fibras carnosas exagitant , & nervosas propagines convellant , infarciant , aut laxent summa cum raritate totius compositi , & cùm non mediocri illarum jactura , quemadmodum Sapientissimus Joseph del Papa Archiatrus Regiæ Celsitudinis Cosmi III. Magni Ætruriæ Ducis , in ejus elucubratione disertissima de caloris , & frigoris natura , declaravit .

Ex his verò valetudini seridè studentes facilè elicient , cujusvis ætatis corpora peculiari esse , calore fulcita , cujus discrimen ( nisi mea me decipiat opinio ) exordiri solet ab inæquali habitudinis nexu , raræ , vel angustæ structuræ , à majori , vel minori ignis copià in primis seminibus congestà , a confricationis , pressuoris , contractionis , ac distractionis , vividioris , vel infirmioris momento a vehementiore , vel debiliore impetu sanguinis , ac spirituum quantitate , sive à diversa reparandi , àc proritandi ratione , vel à liquidorum indole ubiquè diversimodè derivatà , quorum causa , uti colligitur , ex Livio , Val. Maximo , Liceto , ex Suetonio in Tiberium , ex Petro de Castro , & nuper ex Tom. Bartholino de luce hominum , & brutorum lib. primo capite 19. particulæ , salinæ , sulphureæ , nitroaeræ , spiritus , vel ignis naturam redolentes cùm pingui madore complicatæ per intervalla erumpere visæ sunt , & ex uno eodemque loco pro-

F

dere

10      E X E R C I T A T I O

dere a dinstar scintillarum , nòn secus ac si è filice excuterentur , comitante etiàm stridore , & flamma in toto , vèl in parte , quemadmodùm , ut innumera testimonia omittam , Tiberio contigit , *cui vestimenta mutanti tunica ardere visa est* , vel cui-dam Matronæ Veronensi , quæ ducta manu pèr indusii manicam scintillas , & flammæ decurrentes vidit a quibus sæpè delusæ ancillæ arbitrabantur ignem se intra stragula linea pèr incuriam ingessisse ; Quare præhabitis his , apertissimè intelligitur , haud æquali indigere calore , inuales partes animatæ fabricæ , quarum varia supra modum constructio , ac diversa operandi ratio , non semel , nec uno modo conceptæ flammæ naturalis fomitem præbent , sed postulant certum spirituum aliorumvè agentium liquidorum comitatum , majori semper , vel minori virium munimine fultum , ut singulares , hic contractiones , & distractiones peragant , illic ut omnium maximam vim , eaque alibi longè minorem , exerant ; requirunt insuper aspergi huc , & illuc diverso , nè dùm sanguinis arteriosi affluxu , verùm etiàm ejusdem venosi sanguinis prosequi refluxu , cum certo , ac statò impetu per universum , intimum , scilicet , & extimum corporis ambitum , aliisque variis liquoribus exigunt foveri , gauden-tibus , & illis , iniquabili quidem , at proportionali velocitate , varia percutiendi vi , & consueto confricandi more , sicuti fidenter suadent illi , quibus humanæ structuræ innotescit artificium . Isti enim æmuli propemodum naturæ , si in rebus , uti decet , mechanicis fuerint optimè instructi , evadent probè conscii , ingens tot moliminum discrimen ,

men, in solidis fieri a fluidis peragrantibus incredibilem miriadem vasculorum, unàque alluentibus, & pervadentibus interna etià capillamenta cunjulvis intum contexturæ, perpetuoque respectu eorum concinnatæ figuræ, inæqualem vim in eis exerentibus; In hac autem contemplatione, nè mens a veritatis via deflectat, operæ pretium est intelligere, liquidorum genera vim ferè immensam, semperque diversam excitare in miro naturæ opificio, in omni aimirum vasorum nexu, in qualibet complicatione ramusculorum perreptantium villos, fibrarum funiculos, aut exilimas tilias tendinum, ac periostiorum, ut difficiliora opera eis congruentia absolvantur; & revera in quocunque etià minimo fibrarum loculo, liquidorum particulæ vividissimæ suo, quo pollent, motus ordine percutiunt singulas fibrarum tilias, illarum aliz diversimodè eas tangunt, ac veluti obsident, ut ictuum vi, & confricationum momento rarefiant, concutiantur, & contremiscant; Idèdque in vasculis circumpressæ liquidorum particulæ festinanter, mutuos amplexus disiungunt, & in minima fragmina subindè rediguntur, immò majorem modò, modò minorem specificam gravitatem sortiuntur; quo fit, ut earum nonnullæ aliquam lucem ab aliis assumere cogantur, vel ut aliz ab aqueis moleculis fluiditatem mutuentur, aliz ut successivo conatu urgeant hiantia vasorum ora, nè concidant, aliz ut in auras abeant, nè calor, qui est genus flammæ, in sublimè attollatur, aliz verò, ut scabræ, & asperæ, irritent inertes, aliz sphericæ, & levigatæ propulsent, & penetrent, aliz deniquè ramosæ, contundant,

dant tenuissimas, & indomitas alias, quas in occurribus inveniunt particulas devinciant, ut inde omnes simul, a primo usque motu dissiliant, & ad opus confricationis iugiter uniantur, vel statuto tempore veterascentes aptentur cutis oscillis, & depellantur.

Constat meherculè; & liquidò profectò constat, moliminum hanc varietatem, in singulis organis, inæqualem, sed illis congruentem proinovere calorem, qui quidè ab eis præcipuè perſentitur quæ majori nervorum copia comitantur, & uberiore sanguinis affluentia resperguntur; Quocunque igitur in loco in quem sanguis majori cum affluxu vehitur, & revehitur præferre videtur penum non mediocrè molecularum lucis, ibique majorem esse confricationis vim adeoque vividiorē calorem a nobis experiri; In universa tamèn fabrica calor naturalem tenet locum, quia sanguis propria vi, suaq. peregrinatione circulari confricationis, ac percussionis robur, omnibus, quantumvis exilimis partibus congruens, exercet, easque secundum naturæ mores reficit, & licet a solidis, & fluidis omnigenæ particule, præ tenuitate sensum fugientes abeant, aliæ tamen ejusdem generis eorum solidorum, & fluidorum consortio statim conantur gaudere, & in caloris perennitatem substitui.

Moleculæ ergò lucis sanguini copulatæ, vel in ejus massa interspersæ, valida irritatione agitantur, & raritatem quandam acquirunt, ita ut momento citius in ampliora spatia se se explicent, simulque excurrant, & ubique recurrant, donec fibrosas cavitates tumentes reddant, villos, & filamenta per-



pervadant, meatus patulos, & spatiola interiacentia rarefaciant; Deficientibus verò vel non satis regenitis lucis portionibus non eadem plane in tota fabrica deprehenditur particularum fluidarum conformatio, & solidorum textura, nec idem calor, qui communis est omnibus partibus, in omnibus reperitur æqualis, sed qui uni datur ceteris subtrahitur, in minorem nempe, agendi vim huc, & illuc, immo in totum facessit corpus, oportunam amittit incolumis temperiei materiam, ac in totam incidit virium jacturam, ideoque ad confricationes non minus, quàm ad alia naturæ ministeria corpus minus aptum, vel ineptum evadit, sicuti videre est in viro senectute confecto, cujus solidæ partes coangustantur, inertes, & segnes fiunt, simulque solidæ, ac fluidæ particule, si non prorsus destituuntur igneis moleculis, ea saltem, qua prius earum gaudebant frequentia, non ditantur; propterea quòd magis confricationibus, contractionibus, distractionibus, & pressionibus carent, eò magis ignis resolvitur, vel delitescit, vel corpora idonea crasi, & consueta lucis sequela destituuntur, & sic quæ lucis remansere reliquæ, se se habebunt adinstar semiextincti Luminis parvæ candelæ, aut ellychnii modico, & pravo oleo illinitæ, vel in modum impurissimæ flammulæ in magna aula, in cujus amplitudine, nec visus nec tactus organa, nervorum scilicet protensiones, & papillæ languescentem lucem, aut minimum calorem percipiunt.

In re hac a sensuum judicio remota, poterunt in his rebus sedulò occupati, prout rei postulat  
ma-

magnitudo, enucleatius isdem jam adductis legibus, calorem examinare, cujus disquisitio, nè videatur temerè facta, poterunt se pluries, & pluries in lanienam conferre in quà multa de more mañantur, & exenterantur animalia; Intueantur quæso nuda acie, ea qua decet sedulitate, contractiones, & distractiones, quæ ab eorum fibris muscularibus quaquaversùm eliciuntur, & in ejusdem speciei animalibus eodem ferè temporis momento mañatis, & sine mora excoriatis adinvenient dissimilibus adhuc agitari motibus, presertim, si alia eorum fuerint juvenili ætate prædita, alia verò senectute, nimis gravata; In his utique motus contractionum citissimè languescit, calor exinanitur, & perit, tum ob fibrarum laxitatem, tum ob inopiam particularum ignis, quibus diù jam erant suffulcæ; In junioribus verò igne magis consociatis, magis quoque perseverat contractionum motus, tum ob stabilem unionem fibrarum, in quarum cavitatibus, & latibulis occultantur dictæ lucis particulæ, quæ quò difficilius exsolvuntur, eò diutius in eis permanent, cum propter uberiolem, ac perfectiorem fluidorum mixtionem, fecundantem de more singula filamenta; Ex quibus omnibus meritò pronunciarì posse videtur tanquàm veritati consonum, quod de calore juventutis, & senectutis ruditer innuebam.





# DE VALETUDINE

## EXERCITATIO QUARTA.

*Cum nativæ caloris robur incolamem indicet humani opificis temperiem, est rationi consonum, illam insidere su apta unione, motu, & mixtione minimorum assernens solidas, & fluidas partes dicti opificii.*



Ongo rerum usu, qui teste Hippocrate, est manuum, omniumque sensuum egregius exercitator, ac Magister, concilius factus sum, omnia propemodum mixtorum genera, & præsertim hominis fabricam, ex minimis particulis diversæ indolis, variæ adhesionis, unione, vi, & motu perfruentibus coagmentari, atque in illis vigere, commonitus sum virium omnium, naturalisque confricationis robur, simulque in eis consistere totius solidi, & fluidi temperiem, cujus potissima ratio, tùm postulat amicabilem diversarum rerum concordiam, ac certum eorundem principiorum concursum, & combinationem, tùm molecularum fluidarum vicissitudinem, ac se se rotandi modum,

&

& iugem motus efficaciam perpetuò congruentem earum subitantię, quarum omnium indeficienti vi, illa exurgat oportet diutina moderatio, quę in solidis, fluidisque non minus totius fabricę, quàm in ejus virtutibus, ac singulis obeundis muneribus inculpatam salutem denotat.

Incolumis igitur perennat temperies hominum, cum à primis usque exordiis congestę molecule sphericam prope figuram emulantes, diversimodè conformatę, in alacre, & vegetum semen constructę, vel in secundum ovum compactę, ea potiuntur vi, unione coherētia, & exilimarum partium designatione, eoque motu ( cum figuram vestis nanciscantur ) quo par est, ut elaborentur, alięque fluidę molecule concinnentur in pabulum, coalescant in partes, ut partes simul tenellę, variam figuram, vim, & similitudinem suscipientes mutuò agant, ac sibi invicem respondeant, tam in motu, mixtione, & unione, quàm in virium diversarum sibi vicissim occurrentium moderatione. Est igitur salubris temperies humanę structurę, quędam p. oportio innumerabilium particularū solidarū, ac fluidarum simul coeuntium, viribus debita symetria sibi mutuò respondentibus; quę particulę sic invicem concurrentes, peculiarem moderationē inter sese acquirunt, permiscuntur, simul aggregantur, & disgregantur tam in constructione solidi, quàm in mixtione fluidi. Vires itaque diversę, quibus mirificè pollent solidę, & fluidę molecule, satis testantur evulgaras machinulas solidas, & dictas moleculas fluidas perpetuo cieri motu, cujus vi, & energia, solidę partes, diversa agendi ratione diver-

versæque figura præditæ, contrahuntur, distrahuntur, & comprimuntur, unàque fluidæ fluunt, & refluent, simulque permiscuntur, & agunt, proindeque contactum, & percutiendi vim innovant, defæcantur, dividuntur, separantur, & per repetitas vices coherentias ita permutant, ut particulæ quæ præ molis parvitate censentur individuum iterum dividantur, crassæ attenuentur, subtiles crassescant, ac suis aptentur loculis, ea vi, eaque figura, qua oportet; ut alix similiter moleculæ iterum, atque iterum vehantur in orbem, jactentur, iterum, atque iterum urgeantur, ac separentur; demum ut alix in variis visceribus à diversa motus efficacia, ac vasculorum contextura secernantur, depellantur, atque eliminentur summo cum discrimine, quod vel ex eo constare potest quia hic salas, illic austeras, ibi acidas, alibi amari saporis, & alterius naturæ particulas graveolentes, separatas, gustus, organum, atque alii sensus inveniunt; Sed quamvis moleculæ fluidæ, tam diversæ sint conditionis, coherent tamen, una alteri moderatur, & invicem omnes melioribus temperantur institutis, quare si innumeris modis, locisque variè permiscuntur, & in locis innumeris uniuntur, ac disgregantur, innumeras quoque, ac inter se diversas moderationes, ac virium proportionem earumdem fieri necesse est.

Uniuntur igitur innumeris modis solidæ machinulæ, quæ etsi non ex æquò vicissim agant cum hic motus unius partis alteri prævaleat, & è converso; Hic nempe qui fit ab arteriis majoribus dominatur illi, qui fit à minoribus, & multo magis

illi qui fit a minimis, cùm hic motus villorum, & muscutorum majori longitudine, latitudine, & profunditate refertorum proportionè debilior, ac tardior fit, quàm motus aliorum contractilium villorum, & muscutorum minoris molis; Hic, ut uno verbo me expediam, partes solidè validiori fulcramento fibrarum, & cohærentia majori copulatæ, minùs, & tardius agant, quam illæ, quæ debilius fulciuntur, vel minùs cohærent, vel quam ceteræ illæ, quæ pensiles sunt, ac peculiarem raritatem, & laxitatem sortiuntur; nihilo tamen minus ea, qua decet ratione, singuli inæquales motus, & cuncta virium momenta, alternè sibi respondent, ac ità universæ conveniunt fabricæ, ut partes minimæ, majores, & maximæ cujuscumque cavitatis, ordinis, figuræ, & usus exerant contractiones, distractiones, confricationes, & pressionès, validas, mediocres, & imbecilles, hic perpetuò, & naturaliter, illic ad tempus, & voluntariè, sive etiàm necessariò, juxta leges valetudinis; quæ omnia sunt in causa, ut placida, naturalis, minimèque interrupta vis, quæ exercetur a contractilibus villis vasorum, astruentium glandulas, & viscera, aliis motibus, tam naturalibus, quam voluntariis, nullius sit impediementi, & è conversò; quinimò innumerales illi motus ac vires, quæ per universum corpus sibi mutuò moderantur, non solum fibris villis, ac musculis proportionè debita respondent, sed cunctis liquoribus conveniunt, ac invicem temperantur, eo ferè modo, quo in musico Instrumento varix fides majores, ac minores, magis, vel minus contractæ, varièquæ digitis attrectatæ diver-  
fas

fas voces graves exiles, acutas, subacutas, extremas, ac intermedias edunt, quarum omnium subindè sonus unicam parit harmoniam, quæ nihil aliud est nisi plurium vocum certa ratione recurrentium complexus, cujus altera fidium pulsatio, vel altera vox, ità alteram temperat, alixque ex ordine invicem omnes ad tàm rectam rationem rediguntur, ut suavem concentum efficiant.

Hac etenim præeunte tot motuum, ac virium relatione, unusquisque intelligit quomodò hominis constructio coalescat ex primis solidiusculis particulis jam elaboratis, & commixtis, suæque temperie, ac vividissima vi refertis; quomodo servetur, & augeatur, vel quà de causa liquidorum, moleculæ in tàm variam attenuationem, ac temperiem tum compositam, tum simplicem, alternamque mixtionem veniant, vel in tot species discriminentur; Unio autem solidorum minimorum, licet innato impetu sibi mutuò obfistentium, vi tamen alterna ex mixtione orta, sibi mutuò respondentium, efficit, ut dictæ minimæ particule reciprochè temperentur, tametsi inæqualibus momentis nitantur.

Unio inquam, quæ est concursus innumerabiliû machinularum, & earumdem nexus, cum innumeris modis contingat, innumera quoque mixta ex ipsa emergant oportet, totidemque temperamenta composita, quæ ita in fabrica hominum sunt comparata, ut illa texturæ, & vicissim textura illis conveniat. Hic itaque mirabilis molecularum concursus multiplicem parit concentum temperamentorum, quæ licet æqualia non sint, ità tamen

## 6. EXERCITATIO

sibi debita proportionē respondent, ut salubrem universi corporis temperiem procurent. Nam quemadmodum plurium unisonarum vocum concursus non facit harmoniam, ita nec plurium temperamentorum æquatio temperiem illam corporis nostri progignit, quàm salubrem apello. Hęc ergo unio, tam multiplex, splendet in complexu innumerabilium vasorum majorum, & minorum, in vario nexu, & implicatione tiliarum, & funiculorum filamentorum, in concretionē ossium, cartilaginum, membranarum, & viscerum, ut ista omnia, quavis pressa confricata, variè contracta, & distracta; diversęque jactata percussionum vi, diutissimè sua unione, atque incolumi harmonia perfruantur.

Perstitit verò machinularum simul concurrentium contactus redolens semper diversam figuram, vim, firmitudinem, densitatem, raritatem, & usum, quousque nimius conatus earundem, non abroget unionem, ac alternam energiam, & nexum solvat. Non enim pervij meatus, inanitates, interstitia, & oscilla hiantia, vel concidentia, quę hic majora, illic minora nudis oculis, sive microscopio munitis intuentur, nec partes scabrę, asperę, æquabiles, ac levigatę allatas pervertunt uniones, et temperies, quin potius hæc omnia eo, in quo cernuntur loco, flexilia, & cedentia organa reddunt, ut percussionis opportunos ictus persentiant, eamque vim eliciant, quam eorum munus, & usus postulant. Quapropter ne partes quę constituunt solidam fabricam, et memoratam faciunt unionem inter se dissentiant, ac idcirco in ipsis liquidis discordiam

par-



pariant, voluit sapientissimus hominum Fabricator Deus, ubique mixtionem, motum, unionem contexturam, atque temperiem discriminari, singulaque organa illis omnibus debita sibi ratione ditari, eo dumtaxat fine, ut moleculæ liquidæ ad vota naturæ, et organorum indigentiam premantur, urgeantur, separentur, permisceantur, depurentur, atque ea, qua par est relatione conformentur meatibus, inanitatibus, interstitiis, et porulis, in quos eadem mole, figura, temperie, et vi, qua prius, reparationis causa, debent derivari, itemque ut vasculis aptentur, ac emissariis, per quæ, exonerationis gratia, debent propelli. Hæc itaque motus vis solidas machinulas innumeris; mirisque modis compescit, et componit, earumque unionem firmat, et munit, laxat, et dissolvit, pariterque retundit, et concinnat fluidas, easque tam aptè compingit, et comminuit, ut ubique moleculas ejusdem figuræ, et temperiei, qua prius, in solida immittat, adimatque inutiles, tum solidas, tum fluidas; pro totius corporis tutela; quod præsertim sit si motus singularum partium (etiam in primis earumdem seminibus; ac designatis staminibus) respondeat unioni, et mixtioni earumdem, simulque unio motui, & mixtioni, & consequenter mixtio motui, & unioni, vel si partium nexus resistat motibus, pressionibus, ac percussionum ictibus, si ictus, confricationes contractiones, distractiones, & pressionem non moliantur supra resistantiam nexus partium salubri temperie perfruendum, si talis sit mixtio fluidorum, qualem requirit ætas, contextura, temperies, & unio solidorum, si ejusmodi

modi fiant coctiones, depurationes, sublimationes, ac inutilium secretiones, quales certis in locis, ac ubique in bene valentibus corporibus, fieri solent; tunc profecto solida solidis, fluida fluidis, immò solida fluidis, & fluida solidis alterna, ac debita sibi proportionem respondent, ut necesse est. Secus autem si eveniat, depravantur memoratę vicissitudines molecularum fluidarum, & solidarum, violentantur prædictę uniones, ac temperies, languescunt motus, vel augentur ultrà modum, & partium resistantiam, quinimò necessitate ità cogente excitantur morbi, ac munia incolumitati consona læduntur.

His præcognitis, tu, qui hæc perpendere non dedignaris, pro rei majore intelligentia meditare mecum temperiem, eamque, finge, similem esse, docta arte, constructę orationi, hanc dubio procul, nosces, elementis constare viginti quatuor, quę non minus syllabas, quam nomina, verba, ac cęteras orationis partes scite componunt juxtà Oratorum præcepta, deindè verò, remove, hanc litteram, illinc syllabam, confunde, alibi integras voces, verte denique ordinem singularum partium orationis, eamque universam statim depravatam, iri animadvertes, atque hinc proportionem elicies, quonam pacto temperies in intemperiem facessat.



DE



# DE VALETUDINE

## EXERCITATIO QUINTA.

*Ad innoxia temperiei tutelam sensilem, & insensilem  
transpirationem, aliasque secretiones, à confricationi-  
bus, contractionibus, distractionibus, & pressions-  
bus juxta expressas, necessarias esse, vero-  
similiter evincitur.*



Agnum illud in homine coniugium  
solutæ, & coagmentatæ massæ, sive  
arctissimum illud fœdus solidarum  
partium, & fluidarum, quod mu-  
tuam agendi vim, atque inculpa-  
tam Valetudinis temperiem supra  
omne prodigium tuetur, tanta, & quidem alrer-  
nà gaudet vicissitudine, ut fluidorum omnium par-  
ticulæ perpetuo motu percitæ, se se confricent,  
pulsent, urgeant, & depellant, earumque alix per-  
petim villos contrahant, & in recessu eos distra-  
hant, aliæque in accessu instaurent organa solida,  
quæ subindè, nè inquinentur a supervacaneis humo-  
ribus, vel à viscidis particulis duriusculis, lentis,  
& crassis infarciantur, tali agendi utuntur modo,  
con-

## 64 EXERCITATIO

contractionis, scilicet, & distractionis, ut ubique  
 utilia penetrent, suisque mirificè aptentur locis,  
 simulque dispescantur inutilia, transmeent, evo-  
 lent, & in auras prorsus abeant, quare villorum  
 compositio, universum construens hominis opifi-  
 cium, sita est in certa, atq. invicem concinnata,  
 particularum figura, ac positione, quæ dimovea-  
 tur oportet, vi cujuscumque ictus, & aliquantulò  
 extenuetur, vel tota immutetur in omni contra-  
 ctione, & distractione, respectu tam solidi, quàm  
 fluidi, quorum sanè particulæ minimæ, cohesio-  
 nem multifariam innovant, & difficilè perceptu est,  
 quomodò coangustentur, & laxentur, quomodò  
 per tot vices, viribusque aded inter se diversis dis-  
 socientur, & ad primum connisum revertantur,  
 quousque successivè dissolvantur, atterantur di-  
 minuantur, & redigantur in insensibilia fragminu-  
 la, & extrà corpus transuolent. Omnis igitur ho-  
 minis pars, à primis usque inchoamentis suis, ex  
 liquidis vix coherentibus constans, indeque ex par-  
 tibus aliis, duris, ac summopere attenuatis aliquam-  
 tulùm firmata, vel perfectius compacta, diversis  
 mutationibus obnoxia videtur, cum hæc jam satis  
 adaucta voluntariis, necessariis motibus, ac violenti-  
 tis quodque agitationibus mentis, & corporis con-  
 tinuè urgeatur, milleque occurribus rerum exter-  
 narum, & internarum aded impetatur, ut fabrica  
 tota modo appareat debilis fragilis, & ad plenam  
 divulsionem inclinata, penes regionem, ætatem,  
 anni tempus, temperiem, & corporis habitudinem,  
 modò iterùm erigatur, constet, & in pristinum re-  
 situatur. Porro, qui per rem Anatomicam magis in-

in dies compotes fabricæ corporum fiunt, concedere non hæsitabunt ope omnium, & singulorum motuum, quibus cientur partes humanæ texturæ, dum sua opera moluntur, absumi aliquid, abradendi, ac duci extrà corpus, quemadmodum in secandis lignis, decidunt eorum ramenta, vel in eliminando ferro, abraditur priùs superficies rudis, scabra, & aspera, inde ejus quodque interior substantia facessit in scobinam. Hinc liquidorum necessarius effluxus, & refluxus, qui vehit, & revehit, quique transit à compositione in dissolutionem, & à dissolutione in compositionem, tot contractionibus proportionalibus, tot distractionibus, circūpressionibus, aliisque inæquabilibus motibus sociatus [ ut in naturali corporum constitutione habetur ] talis in omni fibra, & villo contractili censetur ubertatis, refectionis, & momenti, qualis requiritur, ut collatis naturæ viribus efficaciter pervadat, singula stamina, ea penetret, protendat, laxet, reparet, & adaugeat, sed nè organorum constructio in immensum excre scat, nedùm gaudere visa est motuum peculiari vi, sed minimis simul particulis ità in omni villo, ac in tota fabrica confertis, ut figuras vectium referant, quorum ope facilius inutilia expellantur ramenta, vel contractionum tempore, & distractionum, similes, forsàn fiant tormentis balistarum, torquentès, pellentesque supervacaneas corporis scobes. Hinc enim fit, ut non possit ultra certum modum adaugeri fabrica hæc, cum tot vectibus referta, totque munita balistis, quod sunt minimæ particulæ, construentes villos, quæ innumeræ propemodum sunt, urgeat, percu-

H

tia,

tiat, ac eliminet moléculas nutritioni ineptas, fuligines, vel halitus, fumosas substantias, sive effluvia molecularum veterascentium, quæ prius, nescio, an occupabant, an alluebant corpus, ope etiã, & auxilio vibrationum, aut percussionum, particularum utilium, quæ sine numero in omnem visum jugiter derivantur.

Primis igitur ætatibus Providentissima Parens Natura, vi, & unione omnium instrumentorum, ditata omniumque fluidorum assiduo circuitu perenni agendi energia, & miscella fulcita, ministeria cuncta sua scitissimè gerit, corpusque idcirco minus per transpirationem dissolvit, quàm per nutritionem reparat. Licet enim solidorum omnium moléculæ figuram vectium, & balistarum æmulantes eo, quo pollent, motu, perpetuo urgeant, premant, ac vicissim villos singulos contrahant, & distrahant; magis tamèn primis ætatibus, quàm reliquis famulantur nutritioni, & organorum explicationi, quam ipsi perspirationi. Siquidem à valde crebris contractionibus; totidemque in universum distractionibus, & pressionibus, in quibus facilius occupantur tenella organa, major progignitur perfecti sanguinis copia, ejusque major fit derivatio in singulos meatus, & villorum porulos; validiores namque sunt percussionum ictus in extensibilia villorum minima, adhuc mollia, quam sint eorundem minimorum resistentiæ: quare magis expeditè contrahuntur, & explicantur, ac propterea, inter eorum terminos, abditissimosque recessus plus alimoniæ amplectuntur, quàm perspirando depellant; sive verius diætæ machinulæ, tempo-

re

re præsertim, quo figuram vestium nanciscuntur, obliidentur sanguine, vel ipso ita madefiunt, ut copiosiore nutritionem, ac maiorem dimensionem quaquaversum sibi ipsis comparent, quàm sit effluvi-  
viorum expulsio.

Suadet itaque ratio gradatim adaugeri, & gradatim perspirare hominis fabricam, quæ quantò magis explicatur, plus nutritur, ac idcirco minus perspirat, & quamvis præter huiusmodi institutum plus interdum perspirare corpus videatur, ut summo motu percitis pueris multoties contingit, hoc non minus est refundendum in summas confricationes, ac omnigenos motus, qui tunc à pueris exe-  
runtur, quàm in nimiam humorum plenitudinem, qua detinentur, & gravantur. Gradatim inquam, & naturaliter in novum terminum longitudinis venit, vel explicatur fabrica hominis à prima ætate, usque ad consistentem, gradatim pariter adaugetur nutritio, ejusque, debita proportionem, immittitur perspiratio, cujus utilis substantia, quæ tunc remanet, laxitati, ac terminorum interstitiis aptatur. E contra verò, quantò minus adaugetur corpus, & ad ultimum longitudinis terminum accedit, tanto magis perspirat, ut colligitur ex tempore juventutis, præsertim in illius extremo, cui nihil jam, vel parum superest protensionis, atque incrementi.

In consistenti verò ætate, in qua organa satis explicata sunt, atque validè firmata, homines, & crescere amplius desinunt, etsi maiorem adhuc latitudinem maioremque profunditatem consequi possint, quàm præterlapso tempore, & magis perspi-  
rant,

rant, quia æquè nutriuntur, ac vetustum absumunt pabulum. Tunc meherculè omnium vasorum, ac villorum machinulæ non amplius molles, sed stabili unione roboratæ ac valido motu affectæ, sub earum, penè dixerim, prælo, vetusta magis atterunt fragminula, eaque secernunt, & minimorum vi, ac figura indefinenter expellunt, immò cum corpora in hac ætate constituta, contractionibus, distractionibus, aliisque motibus mirum in modum polleant, ac in contemplationibus animi, mentisq; laboribus diversis versentur, tantùm sanguinis regenerant, tantumque sumunt pabuli, quantum ejusdem absumunt, quod verò satura evadant pinguedine, profundas fibrarum intercapedines altè penetrante, hoc exoriri puto ab æctiori coniunctione machinularum, quæ minus expedite flectuntur, nec sponte sua tam citè ducuntur in rectitudinè, nec tam facilè, & liberè contrahuntur, & distrahuntur; Quare in morulis intercedentibus inter motum, & motum, præsertim minimarum arteriolarum, oleosæ sanguinis moleculæ, quæ ea, qua prius celeritate non fluunt vicissim, alias particulas illiniunt, minusque faciunt mobiles, & tenues, quæ sensim adhærescunt fibris lateritiis vasorum, pinguedine imbibitis, & in meatibus, interstitiis, ac porulis earundem stabulantur; Demùm quia fabrica omnibus jam numeris absoluta, atque firmata, minimorumque vectium integro fulcimento munita nequit ulterius in longitudinem protendi, laxetur oportet in latum, atque profundum.

Transacta autèm virilitate declinare paulatim incipit tota hominis fabrica, ejus nanquè fluidæ par-



particulæ, & prefertim ignis in univerfum acceptæ à consueta vi, alięque a dulcedine, ab idonea figura, motu, proportionē, situ, mole, cęterisque conditionibus aliquantulum recedunt, unaque solida, ab expolita unione removentur, & ab eorum nativa virtute, atque agendi modo, quę omnia prius ministeria inoffensę salutis persolvebant. Laxantur itaque solida, & magis corpus perspirat, at minus tamen perspirat, quàm in consistenti ætate perspirare consuevit. Laxantur, inquā, & minus corpus nutritur, & quamvis hoc plūs perspiret, quàm in alimenti vertat substantiam, nihilominus fabrica non deteritur, cum illud plūs, quod perspirat, sit illud sanguinis plūs, quod præter indigentiam, & imperfectiūs generatur, idcirco nequit in alimoniam commutari, quinimmo postulat depelli per transpirationem.

Non deteritur propterea tam brevi tempore, humana fabrica, cum perspirando multum euomat rei ad nutritionem ineptæ, multumque secernat, & eliminet materię recedentis à nutritione; perspirat etenim corpus, ut coniicio, ferè æquabiliter (servata organorum proportionē) per aliquod statutum hujus ætatis tempus, sed ingravescente ætate adhuc minus, minusque nutritur, etsi multum comedat, ac minus item perspirat, quamvis multis scateat excrementis, alioquin secernendis. Quapropter villi, fibrę muscoli, immo organa cuncta ea, quę prius spirituum illustratione non foventur, nec tali, nec tanto sanguine irrorantur, ut affabrè, ac vividè contrahantur, & distrahantur, ut concinnè instaurentur, ac inutilium sarcinā,  
qua

70 EXERCITATIO

qua gravantur, expeditè exonerentur. Rigescere hac de re incipiunt artus, fibræ scilicet carnosæ, nervorum funiculi, villi, quot quot sunt, contractiles indurescunt, & quandòque infarciuntur, unaque angustiora vasa intrà eorundem hiatus, & cavitates, quibusdam, quasi crustulis obducuntur.

Demùm cum tanta spirituum copia nervi non turgeant, motusque contractionum, & distractionum legniores in dies magis evadant, sanguinisque circuitus consuetò tardior celebretur, & assiduè imperfectior ejus generetur substantia, mirum non est, eò minus perspirare, quò magis protrahitur vita senio consumpta. Minima etenim tam solida, quàm fluida amittunt exquisitum illud coniugium, quo antea potiebantur, subindeque mixtionem, & unionem acquisitam, ope machinularum, ( ut à reliquis assignandis causis superfedeam ) quæ præ nimia siccitate ita inflexiles fiunt, ut eadem vi, qua prius, altera alteri instar vectis non famuletur; Quo fit ut vitietur structura, ac in interiectis inanitatibus, vel spatiolis inutilia congerantur, vel languescant humores, & ipsa organa, nec amplius, ut antea sibi invicem respondeant, ac idcirco actiones omnes eneruentur.

Nimis augerem mihi laborem, & aliis tedium, si hic asferre vellem omnium, & singulorum corporum ob ea exercitationum genera, in quæ tam varîè versantur, perspirandi rationem, præsertim si explicare vellem, quâ vi hic major, hic minor penes partium diversam contexturam fiat perspiratio, cùm organorum nonnulla sint fabrefacta, & implicata eo serè ordine, quo *Plicatores*, ut scripsit Hippocra-

pocrates lib. pr. de diæta, & *Textores, qui ducunt in orbem fila; plicant enim à principio, & in principium desinunt, idem circuitus in corpore est undè incipit, in eo desinit*, quemadmodû observari potest in glandulis, in testibus, in fibris spiralibus cordis, in papillis nervosis, immò in corpore toto.

Rem hanc ritè percipit qui aureum hujus sæculi morem sequens, res Anatomicas enixè perscrutatur, hic enim scitè novit figuram, cohærentiam, vim, & motum uniuscuiusque corporis partis, hic penitissimè percipit quanta, & qualia confluunt ad corporum motus omnes peragendos. Si verò hæc intelligat, dubio procul intelligat etiã oportet partes illas magis perspirare, & aliis citius dissolvi, quæ perpetuò, & necessariò moventur, atque citius cæteris refici, ac instaurari, quæ promptiori, & validiori motu prosequuntur, sive verius, quæ majorem directionem habent, & suo perfectè funguntur officio, minùs verò perspirare illas partes intelliget, quæ ducuntur in circuitû, aut quæ quomodocumque conglomerantur, vel minori contractionum, distractionum, pressionum, & confrictionum motu pollent. Istæ enim inequales, scabræ, in meatibus, & porulis tumidæ, humoribus obductæ, & circumfluenti adipe oblitæ sunt, illæ verò æquales, magis levigatæ, magis perviæ, minusque adipe, atque humoribus inutilibus infarcitæ. Hac norma, sedulò philosophandum est de omni sexu, temperie, corporum habitudine, necnon de exercitationibus, conducentibus ad majorem, vel minorem perspirationem. Hic expendi debet (tali præeunte sermocinatione) quanta sit transpiratio insens.

senilis tempore somni, & vigiliæ, quanta tempore gaudii, & mæroris, quanta tempore motus, aut quietis, quanta tempore salutis, aut morbi, quanta denique sit in temporibus anni conitantibus, & inconstantibus.

Intrâ nimis angustos limites perspiratio cohiberetur, nisi ad id, à quo discessi, revertar, adnotando, in adventu, & commutatione novi chilis in sanguinem, chilum ipsum penitissimè admisceri illius massæ, nullumque dampnum inferre, sed singulas dumtaxat ejus moleculas procul à labe diffociare, cohesiones indè particularum mutuò occurrentium sollicitare, easque appositè urgere, immò figuram earundem, molem, & impetum placidè permutare, eo fine tantum, ut per longas vasorum ambages noxiæ particulæ, quæ motui, sensui, & reparationi possent officere, vel minùs prodesse, novam, sortiantur indolem, novum motum, & figuram, cum quibus vi circularis lationis, vel ad prima naturæ jura revertantur, vel quæ vetustatis speciem præseferebant, venustatis novam formam exhibeant, vel jam ineptæ nutritioni, aptæ fiant, vel, quod facilùs est, eliminentur.

Propterea mecum ipse aliquandò de rebus hiscè cogitans, in eam adducor sententiam, ut credam solidi, & fluidi elegantissimum nexum, mille foraminulis undequaque pervium esse, per universam tam externam, quàm internam corporis fabricam, confricationumque jugi vi aliquid, ab eo divelli, assiduè abradi, ac deteri in minimum polinem, atque indefinenter evaporari. Dissolvitur itaque, sive potius permutatur universa partium soli-

solidarum series miro Naturæ artificio distributa, atque admirandis plexibus, ac innumeris vasorum ramusculis ubique perreptantibus, divinitus complicata à sensili, & insensili transpiratione peracta certo quodam temporis spatio, quo tantum eliminetur oportet, quantum ponerat tota machina.

Notum igitur sit pondus alicujus hominis, sit pariter ex Staticis jam notum pondus rei, quæ diebus singulis absumitur, si hoc noveris [ dummodò quantitas, quæ absumitur diebus singulis diversa, non sit ] noveris etiam quo temporis spatio tota solvatur, ac renovetur fabrica. Perspiratio itaque, ut scripserunt viri toto Orbe celeberrimi Robertus Boyle, & Laurentius Bellini, est id, quod singulis horæ momentis è corpore depellitur, singulisque absumitur diebus, qua de re illud asserere, posse mihi videor, tantumdem absumi, ac depropterea tempore incorruptæ valetudinis ( nisi fabrica explicetur, & in majorem excreseat molem ) quantum instauratur, illud nempe admitti in organorum reparatione, & ab illis tantum amplecti, quod prodest, ac ab iisdem illud totum reici, atque expelli, quod obest, vel potest obesse. Verùm si confricationes, & contractionum motus, simulque distractionum adaugeantur ultrà Naturæ institutum, quemadmodum impetum, & coherrentiam fluidæ particulæ sibi ipsis comparant, eadem profectò arte, robur, & consistentiam congruentem nanciscuntur infimæ moleculæ, astruentes cunctos villos, tum quia invicem coherent, & innumeris percussionibus resistunt, tum quia tota moles, percussa, & tremore agitata vim habet repellendi ictus

longè à solutione continui. Nec obstat tamèn perspirationi exiguitas infimarum machinularum invicèm coniunctarum, cum allati earum motus non sint contrarii, & resilientes, quin potius omnes tunc machinulæ sibi mutud incumbentes exerunt proportionales vires, & energias, cum altera, respectu alterius vectis fungatur officio, seu cum omnes simul particulæ solidæ, cunei formam suscipientes robore, quo pollent contrahantur, explicentur, laxentur, perindeque flectantur, ac si vicissim perterebrarentur. Quare si adaugeatur plus, quàm par est transpiratio, tunc sitis, sudor, & virium languor insurgant oportet, cum tenuissimæ humorum particulæ à vinculis fluidorum, & solidorum solutz, & motu ceteris velociores per hiantes poros cutis citissimè exiliant, ex quo fit, ut corpus lymphæ, vel aquea sanguinis portione aliquantulum destituatur, quod licet colligere ex siti, vel, ut æthereis, vividissimis nempe particulis privetur, quod comprehenditur ex virium jactura. Qua de re naturalis perspiratio exigit placidum motum, agentium fluidorum, atque contractiones, distractiones, simulque pressiones, & confricationes non singulis tantum villulis, & filamentis congruentes, sed machinulis omnibus figuram vectis emulantibus, ut hæc omnes eam acquirant in dictis motibus figuram, ac vim, quæ appositè valeat poros aperire, eosque mutud respondentem reddere, vel sub earum machinularum præslo adeo premere, atterere, ac urgere humores, ut placido omnium partium, & organorum consensu fuligines, fumi, halitus denique omnes, & effluvia ab universo corpo-

ris ambitu eructentur; Si autem prædicti motus, & confricationes, præfertim tam validè, adaugeantur, ut æquo plus machinulæ erigantur, ac flectantur, tunc atteruntur summopere inutilia, & per cutis oscilla nimis hiantia perspirat corpus cum nimia jactura, cujus organa motui, & sensui dicata vice jucundi sensus, & placidi motus ( ut naturaliter sit ) molestè ferunt quidquid motus, & sensus exerunt, ac quidquid transpirationis moliantur Sunt adeo inter se connexi, tamque mutuò se fovent motus nutritioni, & dissolutioni inservientes, ut teste præclarissimo rerum demonstratore Alfonso Borello de insensili transpiratione, unus sinè altero esse nequeat, quemadmodum colligitur ex tempore somni, in quo corpus maximè reficitur, simulque uberrimè perspirando dissolvitur, immò tam in somno, quam in vigilia frequentes adedè percipiuntur ( ità docente Præceptore Malpighio de externo tactus organo ) necessarii motus cordis, arteriarum, & venarum, ut abrasis veterascentibus particulis, ex continuo sanguinis per circulationem impulsu, novæ semper magis elaboratæ, vetustiores pellant. Secus autèm si eveniat, contractiones, distractiones, pressiones, & confrictiones languescant necesse est, materies propterea pabuli crassior fit, magisque iners evadit, & consueto facilior congeritur, cum muscoli tunc, & fibræ, unaque villi contractiles obsideantur, ac idcirco halitus evanidi à dissolutione exorti, partim extrà corpus feruntur, & partim intrà corpus detinentur.

Verùm enim verò pro valetudinis tutela, si liquidum expendo, ac solidum humanæ constructionis

nis, sentio diù illam non posse vigere, nisi inutilium colluvies. expeditè simul, ac apta motionum vi, per consueta loca cum totius corporis levamine erumpat. Neminem idcirco præterire scio innumeras egritudines exurgere ab excretis non expulsi, & plus æquo retentis, quibus adeo premuntur, irretiuntur, distrahuntur, ac veluti convulsione quadam exagitantur organa motui, & sensui dicata, ut actiones, & usus ad nihilum propemodum redigantur, vel certè depraventur, vel saltem imminuantur, unaque pabulum, etsi ritè elaboratum, dicta organa sumere nequeant. Solida itaque statim ac labe ista inficiuntur, sanguis paulatim in circuitu recedat oportet à conditionibus illis, quibus antea pollebat. Qua de re vetustæ humorum particulæ perperam jactantur, ac pessimè urgentur, nec ea idcirco, qua expedit, vi percussionis removentur à primo contactu, sed fortiori potius nisu adhærescunt lateritijs fibris, nec à contractionibus inordinatis, ac languidis distractionibus, vel pressionibus in adventu novi sanguinis liberè detrudi queunt, tum quia inutiles particulæ non comminuuntur ulterius, nec separantur, & per consequens conformari non valent figuris meatuum, seu pororum, tum quia minime partes solidæ figuram vestræ emulantes, ea qua polent vi, non contrahuntur, nec tam promptè distrahuntur, ut atterant supervacanea, urgeant, eaque pellant, vel laxando sese protrahant, corpusque pervium reddant, proindeque inutilia eliminant.

At si Microscopij munimine rem ad partes solidas



lidas spectantem sedulò meditetur Naturæ explo-  
rator, inveniet utique in quolibet exenterato ani-  
mali fibram villum, glandulam parenchymata,  
uno verbo, corpus universum pervium, ac ferè un-  
dique mirum in modum perterebratum. Procius  
res testimonio revocet hic harum rerum Cultor ad  
examen glandulam, & villum, & statim nudis ocu-  
lis intuebitur varias implicationes exilium vasculo-  
rum, ad instar glomi filii, glandulas astruentium, do-  
ctaue simul manus (dummodo perita fuerit sectio)  
videre faciet, in primo oculorum aspectu, majorem  
vasorum molem, rugositates, meatus; oscilla, se-  
cretoria latiora, quam in altera, & altera cir-  
cumductione usque ad ultimam exilitatem proten-  
sionis vasculorum. Revocet subinde ad severiorem  
calculum fibram, aut villum, & oculis observare  
poterit fasciculum filamentorum, vel tiliarum capil-  
larium majorum, aut minorum, quæ quousque per-  
venit sensus, videntur ditatz majoribus, minori-  
bus, ac minimis, meatibus, ac porulis, ex quibus  
inferre licet eundem propè ordinem, cum tota  
corporis fabrica, possidere glandulas, quæ licet  
magis levigatz sint in superficie, quam villi in rec-  
tum extensi, in quos humores magis promptè, quam  
in glandulas transmeant, vel in alimoniam com-  
mutantur, ac proindè in evaporationem abeunt,  
vi tamen perpetui motus, quo villi, ac ~~villi~~ ubi-  
que serpentina prosequuntur proportionabiliter tum  
glandulæ, tum fibræ, ac villi contractiles inutile  
secernunt, urgent, pellunt, & perspirando extra  
corpus eiiciunt, quemadmodum innumeri meatus,  
pori, ac interstitia, inter partes latentia, supra om-  
nem

omnem admirationem conformata , satis testantur .

Derivatur necessario sanguis in finitimas , & remotas partes per laxas , exiles , exilimasque arterias juxta incolumis machinæ indigentiam , quo tempore moleculæ in pabulum commutandæ , post tot varios motus , post tot occursum , nisus , succussiones , similesque , dissimilesque contactus , ac diversas pressionem , separantur , & vi tam æquali , quàm inequali removentur à coniugio particularum , quæ nequeunt commutari in alimoniam , ut earum primæ facilius protrahantur , atque expolitè concinnentur in rectis fibris mirificè implicitis , aut contorqueantur in substantiam glomeris , scitissimè aptentur in villis , configantur in nervis , & denique sese aptè accommodent figuræ , qua partes organicæ à prima usque origine fuere initiatæ . Sed proximè illæ commutandæ particulæ non sunt ità individua , ut ope machinularum , earumque structuræ , simulque confractionis , distractionis , pressionis , aut cuiusvis alterius motus vi , non possint evadere dividua , cum verisimilis ratio suadeat , ab elongatione , atque abbreviatione vestium , unaque à contrahenti vi partium solidarum in solidis , & fluidarum in fluidis , imò fluidorum , in solidis , & solidorum in fluidis , moleculas lento liquidas sanguinis noviter ab arteriis ubique derivatas , minimis quibusdam partibus , saltè aqueis spoliari antequam suis aptentur locis , quia vis illa percussione , & novi contactus , quæ ubique suo modo viget , tum à fibris , ac villis , tum ab humoribus , ac humorum moleculis non minus abripit quod est inutile , nimisque vetustum à minimis vestibus , quam tollat , & pel-

lat


lat à fluidis proximè commutandis in organorū refectionē, nonnullas lymphæ, vel serositatis moleculas, quæ faciliè motibus tam variis, & contranitente vi tam diversa, quasi essent sub prælo, separantur eo tantùm fine, ut interserviant loco vehiculi *foliginibus*, duris moleculis, aliisque minimis *corpulentis* presertim à minimis vectibus ejectis. Undè constat transpirationem à Natura operosè moliri, & ab ea non solum inutiles particulas extrà corpus expelli, sed quasdam etiam, ex utilibus, in substantiam adhuc non commutatas. Quod utique cogitatum, ni fallor, probat quod publici juris fecit Sanctorius in Statica, plus nimirum corpora perspirando eliminare, quàm per alia statuta loca deponere.

Sed si immodicæ transpirationis copia, corpus in tabem, aut in marasmodem incidat, tanta lymphæ, adipis, ac seri quantitate destituatur oportet, ut fluidorum miscella prorsus interturbetur, nativæque figura, motu, situ, & proportionē destituatur, ut minimè simul machinulæ, quæ organa solida astruunt, exuantur omni fluore aqueo, oleoso, ac alterius indolis, ope inordinati motus fluidi cum solido, & solidi cum fluido, ut minimè subindè memoratæ, particulæ figuram vectis referentes, mole imminuantur, contrahantur, arecant, ita ut naturaliter contrahi, & diltrahi nequeant ulterius.

Demum si perspiratio imminuitur, & depravatur, fabrica læditur corporis, ejusque æconomia violatur, si verò cesset prorsus; quæ humorum iluvies? Quinam involutus cumulus? ac nexus inutilium

## 80      E X E R C I T A T I O

tilium humorum in solidis partibus? tunc mēherculē nulla exeritur operatio, nulliusque sunt usus organa mirē inter se implicata. Eoque magis hoc sequi oporteret, si supervacanea, ac cætera inutilia, ea, qua decet ratione, motu, & tempore non secernerentur, et per consueta loca non erumperent. Si igitur bilis in hepate, lotium in renibus, saliva in glandulis, sudores, fulgines aliaque excrementorum genera in sanguine continerentur sine separatione, nulla esset confricatio, nulla contractio, nullus motus, immò coinquinatus esset sanguis, & spiritus extinctus, organaque universa, nimis pressa, infarcita, & prorsus violata. Divino igitur magisterio Naturæ Conditor fabricam hominis ità construxit, ut tutela incolumitatis perennet, auxilio non minus perspirationis, et aliarum secretionum, quam omnium motuum, qui proportionē debita absoluti omnia peragunt munia, quæ præsertim pertinent ad tutelam innoxiz temperiei.



DE



# DE VALETUDINE

## EXERCITATIO SEXTA.

*Animi contentio iracundia coniuncta, ita provocat sum  
organa tum humores, ut solidum aquo plus agat  
in fluidum, & fluidum in solidum.*



Fluidum, & solidum humanæ fabricæ caloris nempe, & vitæ nostræ domicilia; ne æquo plus urgeantur ad invicem, ac noxia proritentur sollicitudine, operæ pretium est animum ab omni abducere indignatione. Ego enim, valde arbitror verisimile, quod asserunt viri quidam sapientissimi, concitatione nimirum animum adeò vexari, ne dicam incendi, ut venientem quamlibet ab extrinseco rem, quantumvis, levem egreferat, vividiores idcirco liquidorum particulæ, quibus corpora referta sunt, ita sublimentur, & effervescent, ut corpus, simul atque animum perturbent, ac infestent; Illud enim magnum profectò, est humanæ valetudinis detrimentum, quod progignitur ab ira, hæc namque evertit humorum proventum,

K

lacef-

## 82 EXERCITATIO

laccessitque violento affricu mirabilem villorum, ac fibrarum contextum, & vasa etiam tenuissima ubique serpentina, perturbatque simul spirituum impetum, & coherentiam cujusvis humoralis moleculę, tandemque solidi, & fluidi motiones consueto celeriores reddit. At non ea tamen ratione semper, **anxius** animus, ac ira simul exagitatus, fluidorum, solidorumque armoniam ita provocat, & inturbat, nec in eis vitium perpetuo imprimi ita conspicuum, ut iura cuncta violet incolumitatis. Moderata enim animantium temperies, rationis præsertim, & prudentię armis munita, præpedit, ne frequentius quam par est cieantur particulę sanguinis, ita ut earum miscella proportio, & coherentia adeo inficiantur, ut egritudo aliqua suscitetur. Si verò animus tanta ira exardescat, ut sanguinis temperiem nimia sui commotione confundat, & subvertat, tunc quidem corpus, vix ea qua par est liquidorum pace potest recreari, immò nisi naturę validum auxilium presto sit, liquores irrequieti, & ultra mediocritatem luxuriantes, stimulis quoque à sale, & sulfure adusto emanantibus concitati, millenis in modis internam corporis fabricam coinquinent necesse est. Ex frequenti igitur sæpiusque repetita animi contentione, vis non hebetatur spirituum, sed potius isti violento magis perciti motu contra liquidorum amicabilem concordiam, ac adversus organorum excelsam texturam pugnant, ac in eorum primò accessu amissa nativa undulatione adeo effrenes facti videntur in cerebro, & in omni nervorum protensione, ut nobis etiam non advertentibus, tùm sensuum tùm vitę munia

exa-

exacerbentur, quemadmodum licet colligere ex crebrioribus cordis pulsationibus, ex inspiratione, & respiratione non parum adausis, ex immoderato fluidorum æstu, ex cutis fulvo, flavoque colore, ex sonitu vocis tremulo, ex falso, acido vel austero liquore ex oris glandulis expresso, ac statim consumpto ex musculorum vi valdè concitata, ex tenuissimarumque particularum collisione, in fibris convulsionem æmulante; quæ omnia, & alia quam plurima oriuntur ab indomita quadam nervei succi violentia, aut ejus noxio contactu, variè solidum, & fluidum irritante, vel denique ab ejus continuo fluxu præter omnem usum perlustrante omnigenas corporis fibras.

Quietis igitur præsertim expertus, & vitio saltè levi afficitur corpus, ac valdè inquinatæ sunt omnes humorum particulæ, aut violenter à naturali fœdere dissociantur. Earum nanque crassiusculæ ad subtiliorum contactum venientes adeò urgentur, & in occurribus impellantur, ut nequeant amplius certo, ut prius, stare loco. Spirituum præterea vi ad instituti operis finem tendente, non satis compescitur bilis in massa perpetuò delitescens, quinimò partibus solidis inusitatum motum, ac molestam irritationem tribuit, eademq. concitatur, ferocitate, spirituum, & particularum salis terræ, & adusti sulphuris, quibus constat, seseque idcirco, & solvit, & explicat, cunctaque urget, atque dissolvit, immò vehementi particularum attritione huc, & illuc cursitat, ac effrenata celeritate ultrò citroque arterias cunctas, totidemque venas permeat, ac universam deniquè sanguinis massam penetrat, &

commovet, quousque ejus combinationem, consuetum motum, & mixtionem valetudini accommodatam corrumpat. Magis propterea tunc acuit bilis suas particulas acuminatas undique in massa resperfas, ut magis, magisque pulset, pellat, & scabras reddat particulas aliorum liquidorum, vel tunicas vasorum transmeet, & denique omnia, quæ sensus fugiunt naturæ loculamenta, citissimè pervadat. Hoc autem in loco referre meum haud esse puto, quavi bilis amarulentæ particulæ stimulent, & qua in occurribus agant facultate, cum ex alibi allatis pateat abunde, bilis principia nunquam suis viribus destitui, tum quia comitantur indefinenter humorum circuitum, tum etiam quia concitationum vi circumferuntur per omnes partes, tam fluidas, quam solidas, ita ut istæ reluctari, eamque satis repellere minimè possint.

Est itaque bilis vis omnium liquidorum vi major, sub cujus dominio aliz sanguinis particulæ, etsi juxta consuetum naturæ ordinem illi admisceantur, impetuosiores tamen fiunt, nec irretiuntur, sed eliduntur, quassantur, unaque cum provocatis salis, & sulphuris moleculis ita comminuuntur, ut necessariam nutritionem minimè absolvant. Violat igitur singula fabricæ filamenta infestus hic bilis humor, cum illic [animo curis sollicitato] majuscula, ac minuscula permeet, ac irriter vasa, usque ad extimam corporis cutem, atque adeo repetitis vellicationum ictibus, valde inter se dissidentibus, nonnullas sanguinis portiunculas subtiliores reddit cum aliqua valetudinis jactura, aliasque, & alias tum in venis ipsis, tum extrà illas existentes per cutis



cutis spiracula detrudit. Statim igitur ac succendi incipit animus, fervidus evadit spiritus, primum ejus instrumentum, cujus solito celerior undulatio fibras irradians huc fluit, contrahit, agit, urget, & premit, illuc refluit, distrahit, ideoque plus æquo resolvitur, hic anxie [salis, & sulphuris aliorumque stimulorum natura ita cogente] laceffit villos, illic vasorum filamenta penetrat, & præsertim viscerum meandros, quos tam celeri affricu confricat, ut contractionum tenor, & distractionum, ac pressionum ordo violenter commutetur, quocirca si naturalis omnium motuum ratio adeo evertatur, ut prædictarum contractionum, & distractionum violenta energia ita naturæ leges excedat, ut earum altera, ea qua decet proportionem alteri non respondeat, sanguis tunc debita molecularum diversitate, symmetria, ac genesi bonæ valetudini apta carebit, nec ulla fluidorum substantia servabit gradum subtilitatis, proportionis, quem suapte natura nanciscitur, nec sibi congruam figuram minimæ sanguinis particulæ retinebunt ulterius; Ideoque tunc nervorum succi instillationes inæquabiles fient, minusque idcirco earum fluxus, & effluxus sibi invicem respondebunt, majoresque propterea, quàm par est, vel minores impendentur vires, ac tam frequenter, ut motus omnes in eodem, aut diversis villis, in uno, aut alio parenchymate, uno verbo, in homine toto, à succis prædictis provenientes omnino discrepent à recta valetudine.

Nec ab hucusque expressis dissentit coniectura, quæ quidem suadet, sanguinem animi contentione perturbatum, quodammodo præter naturæ leges

in.

in caput irruere, ac in eo, ignea sui parte, ac salina, in glandulis præsertim corticis irrumperere, in quibus serpentes, ac implicatas nervorum radículas, vix oculis microscopio munitis, visibiles, tam noxiè deturbat, ut nerveus succus ritè, & providè reparari nequeat, aut per nervorum hiantia, oscilla placidè de more non ineat, & usitatum naturæ munus absolvat. A sanguinis enim qualibet particula, ut nemo ignorat gignuntur spiritus ejusdem rationis, qui quidè celeriori, quàm decet fluxu, fluunt, & versus partes motus, & sensus munere donatas derivantur, præcipua vi & oppressionis peractè à contractionibus consuetò crebrioribus arteriarum duram, & piam matrem consentientium, unaque totum cerebrum, ac nervos circumambientium, quæ cum sint pressiones, & motus naturalibus vehementiores ità urgent glandulas, ut magis expeditè spiritus ab earum conceptaculis elutrientur in nervos, ac nervorum papillas, indèque in membranas, musculos, ceterosque corporis vilulos, quos inter ad sensum, & motum conciliandum nimis disperguntur, atque adeò quodlibet vitæ exercitium deturpant. Nec eam, [ ut reor ] tunc possunt promovere contractionem, distractionem, pressionem &c., quæ valeat meatus interstitia, & poros adeo similes reddere, ut quantum satis est respondeant naturæ legibus, quare ex ingentis iracundiæ vi, ejusque comitantibus causis, corpora quædam pro diversa eorum temperie, ætate, sexu habitudine, dissimilique exercitatione, nimis evadunt pervia, ut colligitur ex fumosa substantia serofisatis in evanidas auras abeunte, quædam magis quàm  
par

par est sibi in tota textura invicem coherent, ut liqui-  
dò ostendunt rugæ, & suffragines quæ tunc in cu-  
ticula observari solent. Alia arctiori obcillorum  
cutis occlusionè devincuntur; alia demum cutis  
contextum pro circumstantiarum diversa serie, mo-  
tuque fluidorum irritato in solidis, & solidorum  
accelerato in fluidis, aut pro inæquabili vi occur-  
sum, & resistantiarum uniformem non servant con-  
tactum, ex quo fit, ut partes inutiles ab organis  
haud aptè divellantur, partesque reparationi di-  
catæ ritè partibus non uniantur; immò inversa il-  
la quæ exoritur pororum, interstitiorumque con-  
formatio, à nimis cita, nimisque repetita animi con-  
citatione necessariam opem non fert moleculis san-  
guinis diversæ gravitatis, ut graviores, ea qua de-  
cet ratione deorsum tendant, ac vicissim minus gra-  
ves sursùm truantur. Ad depravatam hunc par-  
tium, & motuum usum notabilis fluidorum tran-  
spositio necessario consequitur, quæ dubio procul  
progigni videtur ab amissa proportionè, quam  
prius habebant vasorum meatuum interstitiorum  
vacuitates, ac pororum oscilla ad humores, vel hu-  
morales moleculæ, ad porosas cavitates; qua de re  
magis, magisque violantur occurfus, succussiones  
fiunt, ac semper magis inæquabiles evadunt resi-  
stentiæ, humorumque particulæ certa gravitate  
præditæ, ac statuta figura affectæ, nimis ebulliunt,  
exaltantur, disjunguntur, ac inde inæqualiter co-  
eunt, atque naturalem copulam amittunt, immò  
quæ in earum cursu leviores fiunt, per cutis emissio-  
nem evolent necesse est, vel saltem permutent oportet  
motus, directiones, nec non secretiores utilium,  
& inu-

& inutilium cum valetudinis lentibili jactura; Tu enim, qui es rerum peritus revoca ad examen rationis hos iræ effectus, ac subinde singulos perpende humores; illosque compara aquis maris, earumque concitatis motibus. Rimare ea quæ his occurrunt, tuisque obversantur oculis cum præter modum ab immani ventorum vi jactantur, & altissimis fluctibus ætuant, tunc enim aquæ ipsæ enixè intumescences, ultra antiquos limites interdum se se undequaque effundunt, alterne concutiuntur, perturbantur eliduntur, evehuntur, aeremque sui aspergine irrorant, atteruntur, & primum nitorem amittunt. Rimare inquam hæc, & omnia tempore concitationum animi quodammodo accidere massæ liquidorum conscius eris.

Hinc absouum haud esse reor, jecoris non minus, quàm aliorum viscerum structuram memorato pluries causarum, & irritationum complexu plusquò lacessiri, & præsertim nervorum fibras, aliaque filamenta astruentia vasa sanguinis in acinis glandulosis conferta urgeri, & contractionibus, distractionibus, ac pressionibus conueto crebrioribus affici, atque jactari, ità ut ad primam quietem, nisi magna difficultate restitui nequeant, quemadmodum hoc totum observari potest in lancibus optimè libratis, quarum altera si violenter prematur ambæ oscillent diutissimè oportet, hinc sursum, illinc deorsum, multumque intercedit temporis, antequam ad libellam sese iterum componant; illud idem observatur in pendulo à linea perpendiculari divulso cujus restitutio priusquàm consequatur, innumere propemodum vibrationes peragantur necesse est;

est; propterea ( ut ex datis colligitur exemplis )  
 cruor vitæ vasa jecoris alluens secus, ac bona pa-  
 titur valetudo, valdè commovetur, & in minimos  
 acinos vix microscopio exquisito detectos à viro  
 memoriz immortalis Malpighyo citissimo quòdam  
 impetu contruditur, ex quo fit, ut ab iisdem aci-  
 nulis dispescatur multum bilis, que proindè magna  
 vehementia fertur in cistim felleam, ex qua dein-  
 de exploditur, ac aliò derivatur. Quapropter ve-  
 rissimilis suadet ratio subtilissimas liquidorum par-  
 tes, sulfuris videlicet, adustæ terræ, & salis, san-  
 guini permixtas, violenta sui concitatione cunctis  
 jecoris vasculis, ac filamentis vim, ac idcirco  
 etiam calorem non mediocrem inferre, simulque  
 propterea canaliculos perpetuò hiantes magis, quàm  
 par est urgere, ac dilatare usque ad cistim felleam.  
 Quibus omnibus spectatis, dilucidè innotescit, qua  
 de causa humores renum structuram tunc vellicent,  
 lotium sæpius, quam par est molesto quodam sen-  
 su eliminetur, atque cetera inutilia improbè, &  
 coactè arceantur. Verùm si porosi meatus in aci-  
 nis secretioni dicatis, eorumque membranosis in-  
 volucris, ac nervis, vel vasculis lymphicis, fue-  
 rint indeterminatæ proportionis, & figuræ, adeo-  
 que suprà illos, ope contractionum, pressionum,  
 tensionum, aliorumque motuum effundantur mi-  
 rum in modum agitati humores, à debita veluti  
 harmonia absoni, atque degeneres, non poterunt  
 bilis moleculæ non incongruam figuram consecui  
 designatis oscillis minimè respondentem, ostiolaq.  
 vasculorum bilis nequibunt ità aptari moleculis  
 inconcinna vi, ac relatione affectis, ut bilis ipsa

L

à cz-

æceterorum humorum turba commodè fecernatur. In hac concitationum frequentia solvuntur bilis particule, seu verius atteruntur, & sales illi, sulfur, adustaque terra, quibus bilis constat, supra sensum comminuti, ac propè volatiles facti, nesciunt loco stare, sed momento citius quaquaversum feruntur, variamque, & quidem molestant sensationem cunctis organis imprimunt, quoniam enunciata particule omnia naturæ loca deturbant, & propemodum solvunt, & scindunt tilias minimas, vel dissociant moleculas attruentes enunciata filamenta, non minus viscerum, quàm corporis universi, eo ferè pacto, quo aceti gutta, aut spiritus vitrioli minima stilla, irritat, ac laceffit labia, aut linguam.

Si itaque mihi coniectare fas est [ nullo reclamante naturæ sensu ] assero, bilem aliquando notabili cum detrimento valetudinis, non transmeare liberè enunciatos acinos, vel in illis non fecerni, sed in tot motuum tumultu, sædus inseparabile cum peregrinantibus humoribus servare; quæ dere experientia ipsa testatur iram animi non mediocre venenum ( spiritus cerebri, ac nervorum incolæ ) ad irregulares interdum incitare explosiones, etiam ultra animi arbitrium, ità vehementes, ut exinde corpus totum convellatur, quemadmodum accidit adversa valetudine affectis corporibus, quæ non rarò propter iram sævissimis insultibus invaduntur epilepsiæ, & passionis Histericæ. Talem utique nervei liquoris depravatam genescim eos omnes incongruos motus moliri necesse est, quibus valdè torquentur corpora, quæ violento sanguinis incurso in omnibus musculorum fibris, & glandularum ità  
infa-

infarciuntur , ut bilis ipsa ab acinīs hepatis non evomatur , seu ut nervorum protensiones particulis hujus indolis stipatæ , & in jecoris substantia confertæ magis convellantur , ita ut fibras omnes nimis tendant . Corpus igitur quod in iracundiam nimis præceps est , ad gradum perturbationis , pene dixerim , extremum , humorum particulas omnes plerumque evehit , & in interiectis spatiolis molecularum , & illarum præsertim , quæ prius apud , ac ut ita dicam , amicè coibant , interiicit eterogeneas quasdam particulas , quæ statim non parùm violant sanguinis harmoniam , adedque tum ipsius bilis , cùm aliorum humorū secretioni opponuntur .

Quarè tot contractionum , aliorumque motuum incitamenta , acinorum vasa simul coeuntia , millenis in modis aded urgent , tendunt , & torquent , ut supervacaneus bilis humor per consuetos hiatus ad usque eorum emissaria progredi nequeat .

Solidarum itaque partium irritationes , quas hic enarrare longum nimis esset , aditum intercludunt humoribus , & obstant ne immissaria , & emissaria capillarium vasorum acinos contextentium , expeditum transitum bili permittant .

Nimis esset , & tardii , & laboris , hic in medium apponere tot solutiones , connisus , & coherentias , quot tempore contentionis animi emanare videntur à bilis incandescencia , nimisque arduum foret referre ea singula , quæ attinent ad bilis aciditatem , & salsedinem modò coagulantem , modò diversis in locis dissolventem , ac dissociantem humorum seriem , ac eorundem conjugationem . Longum itidè esset atque operosum examinare , ru-

dem, scabram, ac asperam superficiem, quam fortiuntur, sulphuris, terræ adultæ, ac salis particulæ bilem componentes, ledentesque mirum in modum vasorum latera. His omnibus igitur omiſſis ſalubre conſilium ſtatuitur nullo irasci tempore, aut ſi vel nobis invitis, aliquandò ſecus acciderit, frigidorum ſorbtionem ſatis latam commendant non inconfultè medicinam facientes, cujus, ut ajunt, freno, placidè cohibetur humorum ferocia, de qua jam ſaus haſtenus.



DE





# DE VALETUDINE

## EXERCITATIO SEPTIMA.

*Homini de sua valetudine sollicito, Animi non minus  
angorem, quàm ingens gaudium, immodicam  
faciens vigiliam custandum.*



Ondùm spirituum naturam tam  
licuit intimè perscrutari, ac de-  
prehendere, ut eorum nihil su-  
per sit inquirendum; Ex jam pri-  
dè adductis de nervi succi ori-  
gine satis constare arbitror, ip-  
sum, humanam machinam irra-  
diare, suoque scilicet perenni fluxu, atque refluxu  
quaquaversum ferri, eaque omnia in corpore bona  
valetudine prædito moliri, atque absolvere, quæ  
in culpatæ illius valetudini convenire videntur;  
Secus autèm contingit in homine nimio merore,  
divexato. Verisimilis autèm ratio suadet prædictum  
spiritum, cerebrum, nervosque omnes accolentem,  
ab ingenti exultatione, & quidèm diutina jactatum  
inducias amplius non sustinere, naturalisque motus  
instituta minimè servare, proindeque ejus fluxus,  
& ef-

& effluxus in singulos villos attruentes organa sensui, & motui dicata, inæquales fieri, majores videlicet, minores, frequentes, & infrequentes, juxta sexum, ætatem, ac temperiem. Non minùs itaque nimio moerore affecti, quàm nimia lætitiæ exultantes incolumitatis noxam subeunt: illi enim tristi, & molesto quodam totius corporis sensu; concitata agendi vi, atque vigilia, hi verò improba itèr vigilia, acri calore, motuque propemodum irrequieto, infestantur. In perenni propterea, simulque immodico animi gaudio spiritus animalis, jugi qua scatet mobilitate, statuto nequit loco stare, quin potius in omni humanæ fabricæ villo perlustrando vegetam vim exerit, & peculiari quodam modo exultans in fibras cordis, arteriarum, venarum, nervorum, omniumque vasorum agit; Jurè tunc externa hominis species solito alacrior, mobilior, ac magis versatilis observatorum oculis apparet, lucem namque fulgentissimam spirituosus liquor, & vim adedò fecundam cunctis organis feneratoratur, ut singula in proprio obeundo munere illud momento citius peragere videantur; Effrènem igitur hanc agendi promptitudinem ordiri non pauci autumant ex adhuc incompositis motibus nervei succi, per hiatus cujuslibet nervosi filamenti raptim excurrentis, suæque facultate, & instillatione suffragantis villorum motibus, & nervorum protensionibus, latentibus in omnibus animalium fibris; Sed indefinentes prædictorum spirituum impetus, qui præcipuè in viris robore temperie, ac ætate florentibus innotescunt, etsi nimis ilarem, ut ità dicam, humorum circuitum, & villorum

lorum invalescentes contractiones citissimè moliantur, motus tamen incorruptè valetudini consentaneos nullibi efficiunt, quinimmodò retundunt omnia, que ad concinnandam totius operis, & naturæ harmoniam conspirant, & viam sternunt in extremo gaudio, ut aliò migrent puriores liquidorum portiones, se se plus æquò dimoventes, unaque per cutis spiracula abeuntes cum solidi, & fluidi incredibili dispendio; Quæret hic fortassè aliquis, an etià sine hac superius a me exposita lætitia, alia causa naturalis adeo in Juvenibus valida inveniri possit, ut eosdem prædictos motus celerimò absolvere potis sit? Cui ego quidem responderem, haud alienum a ratione me arbitrari, liquidorum crasim a primis usque inchoamentis dulcibus particulis saturam, tametsi activis quoque moleculis referta sit, in nulla ætate, habitudine, sexu, & sanguinis constitutione posse tam crebram solidi, & fluidi ciere exercitationem, sed duntaxat bonæ valetudini consentaneos motus tribuere. Hilaris igitur, sed non immodicè hilaris Animus, vivide totus in toto vigens, gaudet spirituosis succis excitantibus in singulis opificiî partibus, tum internis, cum externis contractiones, distractiones omnesque, sine laboris noxa, motus integræ incolumitati respondentes, qui propterea (ut jam novit Lector, qui hec novit omnia, hæmatosimè temperatam, calorem blandum, opportunam corporis instaurationem, ac inutilium excretionem efficiunt, seù quod in idem recidit, in hilari temperie, ac in ætate florida, spiritus vi adedò placida irrorant musculos Cordis, arteriarum, venarum

rum, ac viscerum, ut sanguinis tota massa optimè elaboretur, & in circuitu suo partes singulas debita nutritione reficiat, ac per universum corporis ambitum ab inutilium consortio liberetur; Verum enim verò in hujusmodi hilaritate, perdignum notatu est, florescentem memorata temperiei sanguinem moleculis imbutū facile mobilibus, magnam secum trahere copiam particularum lucis, que cum sint aliis commixtę in organa irruunt, eisque calorem vividum communicant, non omnibus tamen æqualiter, sed diversimodè pro diverso videlicet eorum contactu, & confricatione, ubi igitur copiosior sanguis, ac succus nerveus erit, ibi lætior minimorum lucis proventus, calorifve penus, ubi minor, ibi, & minus caloris, quemadmodum Bononiensis pridem, nunc verò Patavini Licci eximium decus, & ornamentum Dominicus Guglielmini de Sanguinis constitutione sapientissimè differens, nos edocuit *humana*, nimirum, inquit, *instrumenta*, que *latiori resperguntur vasorum frequentia*, *calidiora illis sunt*, *que minoribus potiuntur*.

His itaque spectatis non miror, Cor sanguine, & succo nerveo affluenter irrigatum calidissimum esse, calidas arterias, minus venas, ac utrasque minus semper, ac minus calidas, quò in minores, minoresque ramificationes protenduntur, ex quo fit, ut partes, que minori vasculorum copia sca-  
tent, minori itidè calore polleant, dummodo naturalis servatur ordo confricationum, contractionum, distractionum &c. Adaucta autè hac Animi moderata lætitia, liquidorum series, a sui perfectione aliquantulum desciscat oportet, præsertim

tum si talis exultatio repente nimis naturæ modum excedat, cujus insueta vi spiritus valde commoti gaudii fomité, vehementi conatu, in omnes, & singulas complicatas fibras infigunt, easque ultra usum adeo irradiant, ut partes, quæ tam sponte, quam necessario moventur, tum motus, tum confricandi, agendi, ratione innovent, eamque simul tanta vi exerceant, ut aliquando nihil addi posse videatur. Immo hujusmodi nervei succi particule, quadam potius violentia irritatæ, quam blanda, naturali scilicet jucunditate allectæ, fibras, villosque universi corporis, & præsertim auricularum, & ventriculorum cordis, arteriarum, ac venarum omnium, cæterorumque parenchymatum, in quorum filamenta, derivatæ particule summopere agiles, ac avolare nitentes, impertiuntur illis nimis concitatam se se movendi vim. Quare quod magis lectum spiritum mutuatur nostræ machinæ instrumenta, eo plus villorum contrahitur series, vicissimque distrahitur. Ex quo satis, superque constare arbitror, nervei succi particulas, atque alterius indolis moleculas, hilari hoc fervore succensas, omnia pervadere, ac in occultis corporis meatibus inusitatam proritandi ciere vim, quæ in fibris vasorum, ne dum excitat calorem, verum, & concitatos occurfus, sursumque, deorsum, & ad latera urget solida, adeo ut hæc, crebriores ictus eliciant, & pressionis momentum validius fluidis cunctis incutiant. At verò sanguis, & alii liquores, Luce, & sulphure perdivites, violento ferè conciti motu, per omnes corporis partes tumultuantes novo affricu laceffunt vasorum fibras, easque in circuitu suo magis semper, magisque vellicant, &

M

institi-

instigant, omnesq. sanguinis particulas, in mutuo oc-  
 cursu, ad novum contactum venientes, atterunt,  
 comminuunt, dissolvunt, quousque ferventior,  
 quam par est, evadat universa liquidorum massa,  
 ac idcirco solida ipsa commoveat, atque discutiat.  
 Hęc igitur, duplici tunc stimulorum vi maximè con-  
 citata, agunt vicissim in fluida, & fluida rursus in  
 solida, solidaque iterum in fluida &c., ita ut soli-  
 da non possint non celeriter contrahi, ac distrahi,  
 invicem urgeri, ac premi, donec tota hominis con-  
 structio nimis, nimisque jactata, debitam symme-  
 triam, agendique rationem amittat; Ob violentos  
 igitur memoratos incursum, humores in latibula  
 angustissima irruentes, intra ea penetrant, adeoque  
 liquida ipsa à naturali ordine, cohærentia, atque  
 situ, remonent, ita ut corpus satis nequeant instau-  
 rare; Solida ergò in tot contractionum, & distra-  
 ctionum, aliorumque motuum conatibus, aded con-  
 curtiuntur, ut facile obstant, nè musculos, alibique  
 serpentium arteriarum, & venarum minimarum  
 ora, idoneo foru alluant corpus, simulque, nè san-  
 guinis reliquix, ea qua decet ratione, revehantur ad  
 cor, quod si arteriæ traducant debitam sanguinis  
 copiam, in recondita humanæ fabricæ loculamen-  
 ta, statim hæc, vi immoderatæ luctæ intercedentis  
 inter partes majores, & minores liquidorum re-  
 nuunt, quia in novo gaudii incremento, figuris  
 invicem commensurabilibus destituuntur solida, &  
 fluida, quorum constitutio, post tot motus, mu-  
 tuos occursum, irritationes, resistantias, contractio-  
 nes, & laxitates sibi alternè impressas, aded vacil-  
 lat, ut liquidorum rudes, scabræque moleculæ, aliæ-  
 que

que, alias sibi mutuò occurrentes, concutientes, fluctuant, turgeant, ac ita exstuant, ut in fibrosa spatiola, ea, qua par est, mole, figura robore, & consistentia minimè se se insinuent, ac opportunas viventibus suppetias ferant; sic igitur extimulatis spiritibus tam crebræ eorum evadunt undulationes in nervis, & irradiationes in unoquoque villo, ut secretiones sensiles, & insensiles, cæteraque munia procul à naturali lege peragantur, sed si tibi has paginas revoluenti, ea quæ mox dixi, vel sensu ipso percipere libuerit, poteris manum corpori admovere, et precipuè Thoraci, ac simul intueri inspirandi, & respirandi crebritatem hominis, præ nimio gaudio exultantis, tunc enim observare poteris nonnullis in locis stratum cutis, majoribus præsertim scatentem glandulis, madore quodam, sudoreve respersum, vibrationes cordis, artierum, ac venarum valdè frequentes, valdè itèr, frequentes pulmonum explicationes, & abbreviationes; Ex quibus statim elicias necesse erit, hæc omnia vim pati; His ergò ritè perceptis non immeritò deduces haud inania esse, & fabulosa horribilia illa exempla celsioris generis lætitiz, nimis Naturæ ordinem superantis, cujus agendi impetus, magni Gal. testimonio lib. 2. de symph. causis, Titi Livii, Val. Max., Plinii, Gellii, aliorumque multorum, tantum illi momenti extitit, ut quidam syncope, cum interitus formidine, quidam etià cum interitu, quidam verò laxitate fibrarum cordis, auricularum, ac arteriæ magnæ &c. fuerint correpti.

Videri aliquibus fortassè poterunt non admiranda tantum, sed etiam inverisimilia, prorsusque com-

mentitia, quæ hucusque memoravi, ea tamèn si quis rite expendierit, ac simul, quæ ipse paulo antè exposui, satis animadverterit, non solum summæ notæ virorum monitis fidem faciliè adhibebit, sed causas quoquè intelliget, ob quas tam dira symptomata hominibus quandoque nimia lætitia exundantibus possint accidere.

His igitur omïssis, hæc duo tantùm adhuc exponam, quomodò scilicet immoderatum gaudium, semper corpus plus iusto fatiget, ac sepè etiàm obnoxiam vigiliam pariat. Quorum primum contingere crediderim, ob repenti nimis a nobis mente conceptam rei læte speciem, quam suo modo fibris totius corporis, singulisque etiàm liquidorum moleculis ingerunt spiritus, quorum vis, et imperium tanti momenti est, ut solidi, & fluidi coniugium, eorumque perfectam, ac salubrem mixtionem ità dissolvere potis sit, ut harmoniam corporis dissonam reddat; hic namque pervia nimis evadunt partium spiramenta, hic ad effluviolum instar, æquo plus evolant inutilium secretiones, hic serositas sanguinis, vi glandularum renibus adlitarum, alibi in univèrsam nimis depromitur, simulque lymphæ dispescitur, abripitur, aut innumeris ferè illis motibus, qui ab exundanti lætitia oriuntur, absumitur, vel in distractas fibras derivatur, ideoque eò, quò convenit, pervenire nequit, hic denique spiritus defeciores, ac magis volatiles facti, ob exuberantem animi, & corporis agitationem intenduntur, quousque sibi ipsis expeditam viam parent, & evolent, vel proportionale elidant fœdus, intercedens inter fluida ad invicem, ac inter soli-



folida, & fluida, ità ut multum inutilis rei non modò, verùm etiàm utilis eliminetur, adedque univèrsum corpus laxetur.

Lymphæ igitur humor, quo nullus alius præstantior est, nullus aptior ad devinciendum nervorum succum, & somnum conciliandum, si in evanidas abierit auras, non suffragabitur amplius enunciatio succo, nec eo, quo prius modo, recondita nervorum penetralia pervadet, nec ipsorum congruenter alluet hiatus, ac interiecta spatiosa. Quarè nimis velox adedque corpori infestus fiet spirituum motus, ità ut ejus vi necessarius somnus præpediatur; hoc idcirco effræni motu destinat oportet lymphæ fovere nervos, leniter partes lateritias illinire, premere circumobsidere, ac omne stimuli genus profligare, & perdere, ex quo fiet, ut humorum congruentes particule dicta loca, nec obsepian, nec fecundent, atque hinc, necesse erit alternatim lacessiri, & quodammodò exciccari filamenta nervosa, & præsertim cerebri, ac glandularum, cum non levi jactura crassioris humoris, spiritus comitantis.

Verum si exundantis lætitiæ magnitudo nimis perseveret, diuturna quoque nimis fiet vigilia, quæ cerebri, ac nervorum paulatim decutiet succum, eorumque pervertet ministerium, ac spirituum vehiculum, qui licet perpetuò à sanguine, cerebrum perlucens, reparetur, à villorum tamen nimis contracta, & distracta serie, atque a cæteris importunis motibus degener factus, magis depascatur, magisque resolvatur oportet, quàm nervorum, atque glandularum patiaturs usus; quanto igitur magis  
som-

somni subsidio indiget corpus gaudio exultans, tantò magis irrequieta torquetur vigilia, cujus diutina mora peculiaria vitæ-organa lymphæ, ferique fotu destituta, debita non reficiuntur quiete, uberiorique sanguinis, ac spirituum cursu, & recursu ita irritantur, ut consueto citius, lymphæ disperdatur, ideoque consona sibi nequeat, ut prius, occupare loca.

Moderata igitur lætitia, magis quam immodica, salubris est, cum motus omnes longè melius peragantur, ut observare est in coctione, nutritione, ac secretionem &c. In hoc igitur excessu gaudii, & vigiliz; veritati proxima videntur indicata.

*Scias tamen Christiane Lector exercitationem hanc nihil, quod non sit primum, redolere, cum anger, lassitudo, atque passiones ab Animo exoriantur.*



DE



# DE VALETUDINE

## EXERCITATIO OCTAVA.

*Omniſus hominibus, ea, à quibus emanant mororis  
ſymptomata, tanquàm ſaluti oppoſita,  
ſunt viſtanda.*



Malancoliz obnoxii homines, magnorū  
nimirum, vel mediocri, ſed jugi  
animi mærore affecti, mirabiles,  
adeoque diverſos habent mores,  
ut omnium miſerrimam vitæ ratio-  
nem ducant, cum in hujus tam  
diri affectus diuturnitate, fluidorum miſcella de-  
pravetur, & ſolidorum unio conſpicuè laxetur  
oporteat. Veritas hujus affecti, ex eo potiſſimum  
liquet, quòd mæticuloſa vita, perpetuò ſcilicet an-  
gore vexata, talem labem infert liquido nervorum,  
ut ejus particulæ figuram, coherentiam, agendi  
vim, atque illuſtrandi modum inoffenſæ valetudi-  
ni debitum non ſervent, quia ſuccus ipſe, per ner-  
vos fluens, a cerebro, ac præſertim ab ejus corti-  
cis glandulis emanans, verſus partes non derivatur  
nec a partibus ipſis verſus cerebrum, & ſpinalem  
me-

medullam refluit lentiffimo illo, quo expedit fluxu, nec munit fingulas partes eo contactu, quo neceffe eft. Hoc vivido fucco pleni funt nervi valetudinis tempore, idemque in ipsis, hic neceffariò, hic voluntariè, quoquo verfum fluit, ea præfertim vi, qua a glandulis exprimitur, atque urgetur; In his etenim fit neceffaria preffio, quæ oritur à contractione, & diffractione arteriarum, venarum, aliorumque vasculorum duram, ac piam matrem contextentium, fimulque cerebrum, spinam medullarem, uno verbo, nervos omnes circumplectentium; Ex hac igitur naturali agendi confuetudine, oriuntur tam innumeri fluxus, & refluxus prædicti fucci in partes motui, & fenfui dicatas, in quas nervorum emiffaria hiant, vel ut fuam exerant vim pro opportuno motu, ut fpecies fenfiles pertingentes ad organa fenfuum externorum ritè fluant, pro debito munere abfolvendo. Verùm in corpore meore affectio fpecies fenfiles, quæ ab obiectis fenfibilibus profectæ, in organis excipiuntur, & verfus cerebrum, cum fpirituum refluxu feruntur, nec ità amplexantur, neque nervos, per quos ducuntur, ità tangunt, nec tali impetu imprimuntur, ut confueta munera perfolvant, nervorum ergo humor, modò quiefcere videtur, vel minus fluere, quàm convenit, vel ejus tenuiffimæ particulæ in fucceffivum contactum pofitæ devinciuntur, ac veluti tremorem quendam concipiunt, quo mediante, nervi diffolvi, concuti, & circumagi quodammodò videantur.

Tali igitur fucci nervei depravatione, penes copiam, contactum, figuram, cohærentiam, motum,

ac

ac pervadendi, vel illustrandi modum, mirum non est, motus omnes, musculorum, omniumque villorum contractilium, minus alacres, minusque eorum naturæ consonos peragi, sed ut adhuc accuratius rem hanc perscruter, minimè silentio prætereundum censeo, succum nervorum progigni ex sanguinis massa, sanguinemque elaborari, variis quidem in locis, sed auxilio semper contractionum, pressionum, distractionum, aliorumque motuum, universi corporis; Præterea hic recolere, haud inopportunum arbitror, memoratos motus, regulis incolumitatis debere esse conformes, illosque certa quadam ratione pendere a singulari vi, atque impetu succi nervorum, nec non sanguinis arteriosi apta copia instillati, in musculorum villis, ibique commixti.

Verùm si aliquo corripiatur vitio evulgatus nervorum succus, ob diuturnum mæroris affectum, omnes naturales villorū motus perturbentur oportet, hinc enim fit, ut plus, vel minus elutrietur allati succi, ut confricationes, ac vires à liquidis nervorum, & arteriarum exagitatz consuetò sint minus alacres, ac contractiones, & distractiones cordis, & arteriarum modò aptè sibi conveniant, modò verò nullo pacto inter se se respondeant; Cum ergo consuetis naturæ legibus non obsequantur prædicti motus, puto, sanguinis massam paulatim declinare a rectitudine incolumis miscellæ, pro cujus acquisitione, ejusdem sanguinis moleculæ, in circuitu suo, confricationes, contactus, occurfus, pressionem, ac attenuationes salutis consonas non sortiuntur; Verùm in hoc dissono

N

mo-

motuum tenore, sanguinis particulæ, determinatam coherrentiam, molem, quantitatem, proportionem, & figuræ aptitudinem, humanæ nutritioni opportunam, non adipiscuntur, quinimodò longo temporis tractu, sanguis ipse, demissa dulcedine, & concordia, qua prius mutuo gaudebant ejus particulæ, acescit, pugnantque propterea inter se memoratæ particulæ; Ex quo fit, ut machinulæ solidæ inordinato affricu proritentur, adeoque earum separationes, combinationesque ineptè moliantur, ut ferositates subindè proprium non occupent locum, sive ut abeant, vel absorbeantur a partibus valdè exagitatis, ut ceteræ deindè moleculæ motus propemodum expertes evadant, uno verbo, ut corpus universum irrorationibus sibi debitis destituatur.

Hoc autem præcipuè cæteris omnibus deterius puto, in hac scilicet necessarij motus perturbacione, sanguinem, cum ejus ferositatè plusquam famitas patiatur, derivari, æquo citius, vel tardius juxta ætatè, sexum, temperiem, ac animi angorem per arterias in partes, & ab ipsis singulis, majori qua par est tarditate, vel crebritatè remeare, ad cor; Si igitur sanguis, ferè nimis, fluat ad partes omnes fovendas, & reparandas, fluat etiàm oportet, non ea, qua convenit, ratione per arterias carotides ad cerebrum, ut illud nutriet, aptamque materiem arteriis meningum, ac cerebri suppediet, ut statutis in locis corticalibus, ejusque præsertim in glandulis elaboretur, ità ut earum vi facessat in novum nervorum succum; Quare verosimiliter pronunciari posse crediderim, arteriarum contractiones, laxationes, & vasorum pressionès, nimis

nimis tardè peractas, minusque perfectè quam decet, moliri spirituum regenerationem; Ex eadem autem motus inertia, inertem quoque, & incongruam nutritionem sequi necesse est. Ex nimia pariter celeritate, alia deduces, quæ suo modo, eandem imperfectionem redoleant oportet.

His igitur expositis, jam tutò asserere me posse arbitror, sanguinis massam nimia motus tarditate, aut crebritate præditam, tantam non sibi comparare coherrentiam, ut illi ad stipulari liceat aqueum, vel crassiusculum illud, quod restaurationi censetur apprimè necessarium, & quamvis organa corporum firma satis textura polleant, adedque multum irritantibus moleculis resistere valeant, minimè tamen, ac variarum figurarum sanguinis particulæ, tam vicissim præliantur aliq. ab aliis, tam sollicitè urgentur, ut non possint non irritare carnis, & cujuscvis alterius naturæ filamenta, eorumque machinulis mirè inter se implicitis, atque contextis violentiam inferre, & laxitatem, magna cum earum jactura, & aquei liquoris, vel lymphæ consumptione.

Tunc igitur nerveus, qui progignitur succus, cum ejusdem sit indolis cum ipso sanguine, ineptus fit motibus corpori congruentibus, ac propterea in furculos nervorum derivatus tremulum quandam motum ciet, eumque undatim ita propagat fibris, musculis, glandulis, ac papillis nerveis, ut si non omninò sensationem, & motum impedit, hebet saltèm, atque infirmit coctiones, liquidorum miscellas, ac eorundem separationes, immò aliquandò tantum irritationis corpori incutit, ut nervi, ac ipsorum protensiones rigescant, totaque machi-

na, naturali spirituum illustratione, destituatur, & perspiratione sibi consona privetur, denique incongruus hic motus spirituum, innumera symptomata, que hic brevitati consulens, prætermitto, solet excitare, quemadmodum fatentur plerique viri, qui medicinam sapientissime faciunt; De quacumque itaque re cogitent hoc morbo affecti, merent, quæcunque vident, loquuntur, audiunt, tangunt, & mente concipiunt, quantumvis læta, horrenda ipsis, atque funesta semper apparent, ac propterea repente etiam quandoque perterrefacti in novum, mirisque modis inordinatum spirituum, humorum, ac partium motum delabuntur.

Dissolvuntur itaque in singulis partibus corpora nimio animi merore gravata, tum quia percussio-  
num vis, que elicitur, nec humoribus, nec organis ipsis convenit, tum quia carent pabulo sibi congruo, cujus inopia vires frangantur, ac universum corpus longè, lateque à perfecta valetudine, recedat necesse est; In hoc itaque sanguinis tardo, vel celeri motu, nulla servata proportionem lentescunt, vel atteruntur particule sanguinis, nec opportunè ducuntur ad organa, vel in ipsa derivantur, tam affabrè villorum meatibus, interstitiis, & porulis haud aptantur, vel ea qua oportet celeritate, vel nativæ methodo, in alimoniam commutantur.

Ingrata hec fore non puto observatoribus huius nimis quidè obviæ affectionis, si sedulo expenderint motus nervei succi, totam corporis æconomiam evertentes, vel aurea medicinz præcepta Laurentii Bellini de morbis capitis, & præsertim de


me-



melancholia differentis, perlegerint; Ex illis namque perspicuè intelligent nervorum cohesionem, esse tantam in animi angore cruciatis, ut quamvis spiritus nitantur in nervis producere consuetas undas, id tamen exequi nequeant, ac idcirco nervi ipsi, ut par est; restitui non possint, sed sibi jam semel impressum tremorem perpetuò conservent, vel quod idem est, menti recurrant semper ejusdem rei simulacra, illique eadem perpetuò obversetur opinio.

Debet ergò nervorum liquor lymphæ, vel consimili humore irrigatus nervos ipsos jam alluere, & fovere, ut valeant, ea qua convenit ratione, laxari, aliter enim ob talis irrorationis carentiam, symptomata indicata invalescent. Jurè igitur animi angorem, & ea simul, que illum possunt promovere, vitare oportet, cum tot tantaque pariat incommoda, immò tanquam valetudini proximum est in usu habendum quod fatetur de se Tullius.

*Interpone tuis interdum gaudia curis; Quod caret alterna quiete durabile non est.*







# DE VALETUDINE

## EXERCITATIO NONA.

*Somnum humano corpori esse necessarium, sed ut incolumitas diu perseveres, nec immodice dormiendum, nec plus aq̃d̃ vigilandum.*



Aborum levamem, vigiliarum requies, lassitudinisque medela, moderatus somnus, ex Naturæ instituto, humanam tuetur incolumitatem, quæ ut fervetur, somnus, & vigilia Naturæ modum, non excedere, sed decentem, ac hu-

manæ saluti, accommodatam fervare debent proportionem. Congruus propterea somnus jure merito laudandus, quia prodest, unaque vigilia haud improba, minimè contemnenda, quia exercitatione, vires roborat organorum; Saluti hinc opposita, prorsusque corporibus obnoxia nimia statuenda est vigilia, cum in virium labefactionem, experientia teste, videatur perpetuò versari, in liquidorum, nempe consumptionem, ac in omnium fere par-

partium laxitatē; Non dissimili itaque ratione immodicus somnus incorruptæ Naturæ jura violans noxius decernitur, quemadmodum memoriæ prodidit medicinæ Parens Hippocrates sec. 2. aphor. his verbis; *Somnus, atque vigilia, utraque, si modum excefferint malum.*

Mediocris autem, ac proficiuus somnus videtur exoriri à statuto cumulo lymphæ, ex glandulis præsertim cerebri depromptæ, ac obsidentis subinde mollem substantiam nervorum, excurrentis intra eorum spatiola, ac furculos, qui a coeuntibus filamentis nervorum procedunt, simulque à duræ, & piæ matris involucro emanant, agentisque postmodum, idonea pressione, in alternas radículas nervorum, ac in eorum protensiones, subindeque fortasse meantis in interna filamentorum spatiola, loculosve inter plexus illorum intercedentes, vel exilimas villorum protensiones, eidem lymphæ pervias.

Adaugeri autem somnum crediderim, interdum a sanguine, serositate parum diluto, vel a vasculis meninges cerebri contrentibus, ac liquidorum copia refertis, quæ quidem enunciatis nervorum furculos, eorumque spiracula ita ambiunt, urgent, ac premunt, ut nerveus liquor, tametsi suapte natura activissimus, consueta nihilominus libertate, præterfluere non possit, ad motus voluntatis, & sensuum instrumenta perlustranda; Experientia enim docet ingestum pabulum, iter valdè properatum, ac virium lassitudinem, rem denique quamcumque arduam, nimia animi elucubratione expensam, præsertim post eduliorum ingurgita-

tio-

tionem [ ne alia referam innumera ] somnum plerumque conciliare; nerveus etenim succus ob novum lymphæ proventum, ejusque pressiones, ac mitem alluvionem minus mobilis evadat, & quodammodo torpeat, ideoque nequit ad motus voluntatis, ac sensus eliciendos, ut prius, fluere, & refruere; Tunc siquidem sanguis in caput, ejusque glandulas citò influit, ac propterea majori in copia secernatur oportet humor lymphæ, quæ emissaria nervorum hiantia alluit, unaque eorum obruit interstitia.

Verum enim verò non ex allatis tantum causis, sed quandoque etià ex liquidorum inanitione, homines somno corripuntur, tunc utiquè penes propter concidunt undique circumeuntia vasa, ac idcirco agere nequeunt superstites liquores in glandulis, nec glandulæ in illis pro spirituum, ac aliorum liquidorum opportuna separatione. Quare corpora debita humorum quantitate destituta, ab omni ferè opere vacent necesse est; & spirituum animalium evanida substantia, & tenuissima, tunc expers virtutis facta, nequit vigilæ munera explere.

In diutina autem indagine, censeo spiritus debito minùs regenerari, qui verò regenerantur, valde atteri, ceteros inde humores comminui, & eorum exilima vasa, adeo confricari, & instigari, ut corpus, si non totum, saltem caput, magis pervium evadat, proindeque spiritus magna ex parte evolent, & pauci, qui adhuc supersunt, consuetas excubias exercere non valeant.

Mediocri etenim in somno, in corticalibus, aliisq.

O

ce-

cerebri glandulis, haud æquo plus congesti oxy-  
 simè elaborantur, & à varicosis filamentis, ac  
 tortuosis vasculis, & glandularum anfractibus ità  
 perficiuntur, ut tandèm omnibus numeris absolu-  
 ti in nervos derivent; ac ibi necessarias vires exer-  
 ceant; hinc naturali sopore affecti paulatim sen-  
 su quodammodò privantur, vitæque dùm intermit-  
 tunt officia, crebrioribus cordis vibrationibus pro-  
 sequuntur; quam ob causam sanguis, per omnes ar-  
 terias descendentes, & ascendentes, inde per ca-  
 rotides ad cerebrum, majori copia festinat, & il-  
 lud celeritatis momentum, quod nanciscitur cor,  
 illud ipsum, servata proportionè, sortiuntur om-  
 nes arteriæ, totidemque venæ, quæ in capite re-  
 periuntur. Hoc igitur properato motu caput san-  
 guine obsidetur, quemadmodum tunc rubentes ge-  
 næ, de re hac amplissimum perhibent testimonium;  
 eodemque jugiter, secundantur membranae circum-  
 vestientes singulos nervos, quorum substantia, jam  
 humoribus respersa, ac lymphâ saturâ, sensim pre-  
 mitur, quousque intermissis vigiliæ ministeriis, spi-  
 ritus sopore, corripiantur, aut sive mavis, propriæ,  
 qua pollent vi, ad thoracis, cordis, pulmonum;  
 venarum, & arteriarum musculos illustrandos, &  
 fulciendos convertantur; Hujus verò celeritatis  
 vis, sive contractionum, distractionum, & pres-  
 sionum accessio, ita in omnes agunt glandulas, ut  
 istæ uberiorem, quàm in vigiliâ separent lympham,  
 & per propriæ internicula, eam aliò protrudant,  
 ac præsertim in nervorum meatus, ac interstitia  
 jam patefacta, Jurè igitur consultum fuit a provi-  
 da Natura, ut cum glandulis coirent lymphatica  
 vasa,

vasa, nervi, arteriz, & venz, ut horum omnium congrua motionum vi, lymphz genus, quod premitur, & seceratur, ea tantum ratione in memoratos furculos elutrietur, ut spiritus animalis, hoc humore aqueo circumpressus, & ferè irretitus nequeat operosiora tunc sensuum molimina obire.

De re hac luculenter scripsit Didacus Zerillus, vir in omni re medica clarus, in suo opusculo, de somno, nondum edito, quo me docuit, somnum ab ea lymphâ conciliari, quæ seceratur in glandulis, ac præcipuè pituitaria, ex inque eliminatur, & in hiantes furculos, latentes inter nervorum filamenta init; quare ut clarius rem hanc perciperem, pluries illum allocutus, omniumque, ni fallor, maximam ei proposui objectionem, quæ probare nitebar, lympham à pituitaria, aliisque cerebri glandulis expressam, tam in furculos nervorum, ad integram thoracis regionem, ad cor scilicet, arterias, & venas pertinentes, ac ad musculos, inspirationi, & expirationi inservientes, quam ad nervorum cætera paria, ad universum hominis, opificium spectantia, eodem prope modo, insinuari; Ille autem, eo quo pollet mentis acumine, dicendique claritate, meo iudicio valde rei accomodatùm mihi responsum dedit, lympham videlicet, debita proportionem, ad omnes quidem nervorum transire propagines, at ipsis tamen equalem aditum, quo spiritus meare valeant, non impertiri, cujus rei discrimen ipse seridè examinans, id contingere non hësitati, ex vetustissima consuetudine, quam nervorum paria inservientia cordi, arteriis, venis, & musculis omnibus respira-

tioni dicatis, a primis usque exordiis fortita sunt; eorum namque alia, adhuc sætu degente in utero, alia verò statim exorto, ora spiritibus laxant sua, nec deinceps unquam occluduntur. Potissima autem hujus necessitatis ratio, in eo videtur consistere; quod gentura uterum inhabitans, non respirat, sicuti fatetur, cum plerisque aliis viris sapientissimis, immortalis nominis Borellus; fractis verò uteri claustris, ad extremum usque vitæ terminum animal respirare, aliaque innumera obire munia, necesse est. Natura igitur velit, nolit perpetim debet horum nervorum viam patefacere, ut nuper memorati muscoli cordis, arteriarum, venarum, & respirationis, vi spirituum impulsu, in circuitum, agant sanguinem, in expirationem, & inspirationem ducant pulmones, & quod majoris pretii est; ut sanguinis moleculæ intimè simul commisceantur, atque ita universas animalis partes irrorent, atque reficiant.

Hæc autem vis, perenni in hoc insistens motu, in nervis vicens, & a spiritibus emanans, eorum fluxu, & refluxu, non obstat, ne vasa, & vasorum filamenta, se se contingant, propria munia obire possint; quare spiritus hos nervos accolentes perpetuo quidem, sed leni ciantur motu, ac ita placidè fibrarum filamenta illustrant, ut in somno voluntarii muscoli, membraque ferè universa tunc distracta, magis quam in vigilia, illis interviant; hiant ergo semper hæc nervorum paria, spiritusque suos invehunt, quò vitæ necessitas eos vocat.

Mediocri equidem somno assueta corpora diutissima gaudent salute, dummodò quale decet, in hoc,



hoc, impendatur tempus, ad spirituum jacturam reparandam, ac tam placidè quiescant; ut humoris lymphatici series jam separata, nervorum consona loca pergat occupare; Somnus igitur a nobis optandus, qui debita proportione respondeat naturali nervorum pressioni, exortæ à lymphe, ex cerebri glandulis scitissimè expressa, vel somnus ille valetudini consonus censendus est, qui responderet tempori, in quò multum supervacanez lymphæ, nervos obsepientis deteritur; verum enim verò si rem hanc accuratius perpendere arridet, unusquisque inveniet, somnum tandiù nobis proficuum esse, quandiù est necessarius, non modo ad corporis refectiorem, verum etià ad inutilium eliminationem; valde itaque rationi consentaneum est, coctiones mediocri quodam egere somno, eo scilicet, quo reparationis opus, sine noxa absolvi queat, & spiritus sufficienter valeant regenerari; A somno autem excitatur animal, quotiescunque non immodica lymphæ copia nervos haud infarcit, aut præpedit spiritus, tunc enim eorum substantia, innata, qua pollet activitate superat resistantiam lymphæ nervos obsidentis, ex quo fit, ut animal, discussa somni, causa, expergiscatur.

Naturalis autem somni moram diversam esse, in singulis animantibus, sensu ipso evincitur, cujus rei causam, si quis serio expendat, adinveniet profecto eam exoriri ( nisi animus anxiiis sollicitudinibus, vel aliis etiam causis torqueatur ) a corporis varia habitudine, ætate, ac temperie, vel a majori, minorive liquidorum permixtione, copia, confricatione, & motu, sicut aliis prætermis-

missis ætatibus accidere animadverto in pueris, & in senibus, quorum corpora si debita lymphæ, aliorumque humorum portione scateant, dormiunt quantum opus est, secus autem, vel somno difficulter corripiuntur, vel ipsi nimis indulgere conantur; Si verò succus nerveus, nimia sui subtilitate celerius, quam par est, moveatur, adeò comminuitur, atque atteritur, ut facile evanescat; immò lymphæ ipsa, quæ tunc remanet, tam tenuis, & ipsa sit, ut nequeat amplius morari in nervorum furculis, premere nervos, eorumque spiritus retundere, ac idcirco animal diversè vigilare necesse est.

Non paucis autem dissipatis spiritibus, in vigiliæ cursu laxatur animal, quod somni deindè medela reficitur; in ejus enim quietis initio, supersites nervorum spiritus à lymphæ devinciuntur, nec amplius, donec perdurat somnus, liberè huc illuc cursitant; In fine autem somni regeneratus nerveus liquor, non modò excitat suam, ob lymphæ irrorationem, & pressionem, quodammodo sopitam vim, verum etiam ejusdem lymphæ resistantiam superat, simulque vincula solvit, quibus ab ipsa ferè irretiebatur, idèdque statim ad intermissa munia revertitur; Tempore verò aptæ quietis, arbitror ego, omne coctionum genus, ac novi sanguinis elaborationem perfici, & per cutis pervia stamina, inutilia expelli, ex quibus profecto inferre licet, somnum præcedentes organorum jacturas reparare, novam pressionis vim liquidis, novumque contractionis, & distractionis momentum contrahilibus villis tribuere, humoribusq. singulis, aptiorè coherentiam, & motum, denique spiritibus uberiori

riori copia regeneratis vehendi, & revehendi promptitudinem, energiam, ac facultatem impertiri.

Contra autem patet, fugiendum esse nimium somnum, causasque illum immodicè conciliantes, ejus enim nimia diuturnitate exilima vasa per caput excurrentia, atque adinstar retis, mirè inter se implicata, tum in glandulis, cum in nervisturgente, & quasi gravis quèdam sarcina, premunt omnium spirituum latibula, ex quo accidit, ut hæc, aliaque vasa cerebrum obsepientia, pressa magis, ac adeo infarcita evadant, ut nequeant amplius quantum satis est, aptos spiritus reproducere. In hac tandèm humorum frequentia, multùm lymphæ separatur ab omnibus glandulis, quæ pessundantur spiritus, ità ut si animal expergiscatur, insolita debilitate, ac languore tepescat, atque agrè spiritum ducat.

Quarè inviolabilis lex est, cuncta ferè naturæ munia in somno immodico depravari ab humorum serie, in tota cerebri substantia congesta, cujus cumulo, nervorum succus minus vividus factus, consuetam sensus, & morus vim amittit; Somno ergo, ac vigilia, debita vicissitudine fruamur oportet, secus enim deficit humana salus.



# DE VALETUDINE

## EXERCITATIO DECIMA.

*Naturalis somnus, præsertim post cibum, corporis vires, viriisque organa instaurat.*



Ationi profectò valdè consentaneum est, causam summæ jacturæ virium animantis esse, exercere nimis organa corporis, & vigilare, quiescere autem, & dormire, vires corporis, atque organa reficere; Nemo enim reperitur in naturalibus rebus tam parum versatus, qui non noverit, maximi momenti esse ad vires instaurandas eduliorum suppetias, quarum debita copia in sanguinem conversa, membra universa providè respergit. Quod cum ità sit, hæsitandum non est, universam virium exercitationem fieri, vigiliæ tempore, a spirituum, sanguinisque ordinato motu, promovente villorum omnium contractiones, quas deindè laxitates vicissim consequuntur; Languescunt itaque vires ob eorundem liquidorum repetitas agitationes; Hæc autèm, quæ alioquin indu-

indubia sunt, ratione etiam confirmari videntur, quandoquidem si peculiaris naturæ munia sedulo ad medicam supputationem, aliquis revocaverit, adinveniet utique spiritus, virium fontes, ab excubiis nunquam desistere, per nervos in musculos, in nervorumque papillas, ac in universum corpus derivari, indeque fibras una cum sanguine propriare, contrahere, comprimere, omnes denique vires in musculis, alibique sensationes exercere. In his vero obeundis operibus, spiritus paulatim resolvuntur, ex quo fit, ut corpus ipsum debilitetur, & quodammodo languescat. Quare corpus, vel necessarii humoris plus æquo eructat, vel citius æquo ipsum absorbet, minusque aptè humorum miscellam reparat, quinimodò corpus nimia vigilia fessum, lymphæ, Sanguini, spiritibus, universoque liquidorum, & solidorum, generi, multum detrahat oportet. Hinc merito tam Veteres, quàm Recentiores medicinz Proceres unanimi consensu scriptum reliquere, *somnum reparare, & vigiliam destruere*; Hac sententia docemur, vigiliam organis omnibus motus, & sensus, non nihil jacturæ afferre, ac impediementi, ne humores, ea qua decet ratione, cribrentur, & collapsas vires reficiant, licet non secus, ac in somno permeent omnium viscerum vasa.

In vigilia namque, corpus variè vires exercet suas, contrahuntur inæqualiter muscoli artuum superiorum, & inferiorum, totaque humana fabrica irregulari cietur motu; Videt quidem, audit, loquitur, tangit, odorat, cogitat, & meditatatur, sed non ea ratione semper expendit, quod meditatatur,

P

nec

nec eodem semper modo videt, audit loquitur, tangit &c; modò gaudet, angirur modò, indignatur, ambulat, currit, quiescit, & sexcenta alia, nunc violenter, nunc placidè peragit, omnia hæc aliquandò intermittit, sed non rarò ad ea, quæ intermisit, recurrit. In hoc itaque tam magno rerum discrimine fluit sanguis, at modò tardius, modò celerius fluat oportet, corpusque modò minus, modò magis, fecundet, ac propterea in labore nunc magis, nunc minus perseveret, in vigilia itaque inæquabili tenore dissolvitur, ac quodammodo destruitur humanum opificium, non solum si in universum spectetur, verum etiam quò ad singula illius organa, tametsi ob jugem quandam instaurationem machina tota, juxta leges ætatis, temporis, sexus, habitudinis, & temperiei servetur incolumis, quamvis non sine aliquo virium detrimento, quæ porrò vires mediocri somno simul cum ipsarum organis reficiuntur; corpus enim tunc temporis laxatur, ac idcirco omnes voluntarios motus intermittit, remonentur fibræ à mutuo contactu, ac inter singulas aliquid intercipitur distantie; laxiores ædem fibræ, longioresque fiunt, quàm tempore contractionum, pressionum, ac innumerabilium confricationum &c; quare tubuli, meatus, & interstitia sanguine citissimè opplentur, ac illumi sine ullo impedimento in substantiam vertunt; Hinc meritò medicinæ Princeps Hip. *lib. de alimento, In somno*, inquit, *alimentum facile apponitur, facileque absumitur*, hoc est in animalis substantiam facile transit. Tunc enim non fibræ, non villi, non musculi sibi invicem adversantur, arterizque amplum patefaciunt aditum humoribus, quorum ope singulare

dare beneficium recipit corpus, statuto itaque tempore post cibum, si moderatè animal somno indulgeat, alimentum, ut fatetur idem Hip. libro superius memorato, *nec difficulter alteratur, nec difficulter absumitur*, cum immotis musculis voluntati addictis, & quiescentibus organis animæ famulantibus, placidè lymphæ, serositatis sanguinis vera proles, peculiarem illis concilat soporem, cujus auxilio, nobis etiàm insciis, glandulæ ventriculi separant humorem acidum, aliæ alios, ipse ventriculus elixat alimentum, aliæ partes corporis sanguinem regenerant, & alia innumera, quæ brevitati studens, omitto, naturæ sagacitas peragit, juxta Plinianum illud *Ignota sunt per quæ vivimus, nobis non impenantibus*; Præcipuè autem proprias exercent vires cor, arteriæ, & venæ, a quibus usque ad extremum cutis, contractiones sursum, deorsum, & alternè, debita proportionè, distractionibus, ita respondent, ut per arterias omnes fluens sanguis aptius cohzreat, & in minimis vasculis per pulmones serpentibus cribretur, ac ventiletur; Hinc elicitor, somnum, statuto tempore a cibo, esse omni alia requie salubriorem, tunc enim, cibi sarcina gravatus ventriculus, corpusque idcirco non nihil labefactum, sanguinis præterea concitator, motus, ejusque major copia in caput derivata a requie ipsa mirificè juvantur; fessa proindè natura exigit, ut sensuum munia universa intermittantur, ac interim vivida spirituum energia cor, arterias, & venas uberius foveat, ne nova humorum seges, debito sibi motu destituta, in meandris glandularum astruentium viscera, & præsertim cerebrum,

æquo longius commoretur, vasorumque fibris sic adhærescat, ut salus corporis violeatur.

Urget enim chilos sanguinis moleculas, iisque admiscetur, & simul cum ipsis fluit, premit vasorum latera, eorumque fibras tum ad contactum politas, cum ex ordine alias, aliasque donec exactè corpus ipsum instauretur; Vix animo fingi potest, quanta initio somni post cibum sit laxitas organorum, exorta, non minus a nova liquidorum copia, quam à prævia iactura spirituum, quorum superstites tanti roboris non sunt, ut valeant opportunas contractiones, & consuetos vigiliæ sensus moliri. Quare provida Parens Natura, illa vitæ officia tunc intermittat necesse est, quæ refecionem, humorumque omnium secretiones, & elaborationes, si non omnino impedirent, non parum saltem depravarent.

Oportuit igitur animal somno corripì, a quo cum expergiscitur iners est, tum quia, ut puto, sanguis, qui in organorum alimentum transit, eam ad motum proclivitatem, facilitatemque nondum affecutus est, qua ejusdem sanguinis particulæ, quæ ex ipsis organis jam evolarunt, antea fruebantur; tum etiã quia nervorum surculi spiritus in vigilia ducentes, lymphæ adhuc gravati, licentiam non concedunt spiritibus ipsis, ut tam promptè fibras, villos, & musculos pervadant, ex quo fit, ut paulisper etiã post somnum, spirales musculi cordis, arteriarum, & venarum, eadem, qua in somno, celeritate moveantur, quæ sanè celeritas suadet spiritus, non statim ac expergiscimur, omnino revocari, ad perlustrandos nervos, ac musculos

VO-



voluntati dicatos , vel emissaria nervorum nondum esse satis pervia , sed potius lymphæ adhuc oppleta , plusquam in vigilia fieri solet ; Spiritus enim nondum sunt adeo defæcati , & soluti , ut satis penetrarent , atque illustrent musculares fibras , sensuumque instrumenta , quod profecto prius non consequuntur , quàm frequentia vibrationum cordis ad pristinam moderationem revertatur .

Tunc siquidem excitatur magis spirituum vis , quorum regenita copia , consueta vigilæ munia incipit exercere , novisque viribus communitur ; Lympha enim nervos obsidens , ac circumprimens paulatim profligatur , ac propterea spirituum impetus superat vim alluentis lymphæ , omneque aufert impedimentum , ideoque spiritus per nervorum hiatus in musculos , ac instrumenta sensuum , ad corporis machinam attinentia , opportunè permeat .

Si itaque ab eduliorum suppetiis , aliisque enunciatis causis placidè prematur corpus , & somno corripiatur mediocri , tantumque idcirco nanciscatur quietis , quantum opus est ad coctiones , liquidorum miscellam , spirituum regenerationem , inutilium secretiones , aliaque consimilia ritè peragenda , manifesta sunt , quæ proposui .





# DE VALETUDINE

## EXERCITATIO UNDECIMA.

*Corpora deliciis nimis emollita  
resolvuntur.*



Ecce oratione magis, ut loquar cum Divino Platone 16. de regno, animal nimis deliciis emollitum describere, quàm exhibere. Ea enim omnia, tanquam incolumitati minus conducibilia vitanda sunt, quibus utitur mollis ho-

mo. Hic namque, ut nemo non novit, omnium animi, cum corporis etiam, à lege valetudinis declinantia, in deliciis habet, singulaque persequi studet oblectamenta, singulosque eorum motus, ad quos indiscriminatim natura vergit, conatur confectari, ut Venerem sequi, artificissimo ad utramque aurem somno complecti, corporis plena quiete potiri, dulcia, aut grati saporis obsonia anxie conquirere, & alia hujus generis, quæ delicatum virum reddunt, & recreant, de quibus plusquàm satis loquitur silentium, investigare,

gare, quamvis hæc solidorum unioni humanæ machinæ, & mixtioni fluidorum non parum obesse videantur.

Hujus vitæ ratio, tot oblectationibus perperam delinita, non immeritò damnatur, quia nimium, cutis stamina, & forsan totius corporis singula filamenta laxat, & eorum inter terminos, unaque omnium minimorum astruentium solida, & congerentium fluida, interiicit aliquid, valetudini minus idoneum, minusque operationibus respondens, nec tantum hominum fabricæ tribuit firmitudinis, quantum contractilibus villis, aut saltem musculis vim exerentibus censetur necessarium.

Mollis igitur hic vitæ tenor, à valetudinis legibus, & naturæ conditionibus valdè profectò alienus adedò pervias plerumque texturas facit, ut multæ quoque, per illas, ex utilioribus, ac præstantioribus, humorum particulæ transmeent, corpusque idcirco reliquis humoribus irretitum præpediatur, saltè ad tempus, nè vires suas vegetè, ut mos erat illi, exerat, vel aliorum humorum complexu adedò obruitur, ut delata continuò per vasa alimentariæ pars, in itinere minimè elaboretur; sive ut quodam veluti sopore afficiatur corpus, ac propterea consuetam motus libertatem amittat; Quare munia illa, quibus antea longè à languore pollebant singula corporis instrumenta, mirum in modum depravantur, & partes iustò citius flaccescunt.

Multoties verò obversatur oculis naturæ exploratorum, immò, ab imperitis etià ipsi plerumque agnoscitur, homines deliciis nimis deditos, ac plus iustò gulæ indulgentes, tum habitudinem consequi-

cat-

carnosam, tùm circumfluenti adipe gravari, cujus nullo labore consequuntur procreationem, ac præfertim si optimi semper succi cibariis opipare nutriantur, & assidue corporis, & animi otium confectentur; Opimi sanè corporis salus; minus integra videtur, cum omni in loco glandularum genus adeò fecundam colligat adipis seriem, ut præclarissimus adnotavit Marcellus Malpighyus *de Omento, pinguedine, & adiposis ductibus*, eamque tam uberrimè separet, & eructet, ut illa, ne dum temperet, quæ falsedine scatent, & acredine, verùm obliniat membranas, & fistulas contrà acedinem, & falsedinem, quæ continuò suo transitu posset parere excoriationem, quin potius, ut hæc in meatibus interstitiis, & spatiolis inter singula etiam minima filamenta interjacentibus, cum corporis incremento derivetur, & coalescat; Singula igitur minima, etiam penitissimas fibras componentia, ex naturæ necessitate, & vasorum conditione, illiniuntur, ac pinguem propemodùm congerunt substantiam, quæ occupat, obsepit etiam glandularum minima, & cætera peculiaria vasa sensum fugientia, ut non obscure demonstravit eximius Naturæ Interpres Malpighyus; sarcina veluti quadam, & profecto non mediocri onustum opimi hominis corpus evadit, quia in unum ferè collimat seges adipis, & humorum, quorum si pars altera turgida, ac veluti obfessa vasa reddat, altera organa spontè, & naturaliter, se se moventia suis ministeriis minus idonea faciat, necesse est; Quare nimis adaucti humores, & substantia adiposa obstiti, singulæque aliz corporis partes pingui accretione

tionem dicitur, cum non possint, nisi succum nervorum crassiusculum, vel lympham, eadem substantia oleosa imbutam reproducere, *nec in melius proficere, nec in eodem permanere, ac quiescere, reliquum est, testimonio Hippocratis sec. p. Aph. 3. ut decedant in deterius.*

Mollitiæ item simul, & salacitate perditissimi homines inculpatam incolumitatem minimè tuentur, quia eorum textura, seu partium unio, cui levis quædam, ac facilis adstipulatur dissolutio, vim patitur Non vulgarem, quotiescumque villi contractiles vasorum, glandularum, nervorum, viscerum, & musculorum consuetò magis contrahuntur, ac nimis perditè distrahuntur, sive venerea titillatione adeò vellicantur, ut ex immodica, ac veluti libidine furenti, fibrarum proritaciones oriantur; unaque spirituum, ac cæterorum liquidorum impetus naturali crebrior, ingens particularum concitatio, mutuaque solidorum, & fluidorum confricandi, ac in universum proritandi vis, exindeque vegetiorum ejaculatio spirituum. Noxiis his ergò deliciis nimis proclives, & famulantes homines in adversam faciliè incidunt valetudinem, ope motuum, propè dixerim, innumerorum dissonarum, videlicet, contractionis; furentis distractionis, aliarumque lascivientium vellicationum, quarum omnium intima vis non leviter coctiones impedit, perspirationem ultra usum adauget, vires frangit humorum moleculas lacessit, ac ita urget, ut earum nonnullæ, & quidè præstantissimæ celerrimè per spermaticas arterias irrumpant in testes, ut debita subinde ventilatione facessant in secundum semen,

& eiaculentur, eodemque simul tempore, ut earum aliarum, exundanti alacritate percitæ, universos villos contrahant, flectant, & laxent, usque ad cutis ambitum, tenuissima filamenta, summa cum eorum solutione, ac spirituum iactura; Tales itaque motus, & quidem tanti momenti, spiritus, humores, & organa impingunt; diuque occupata tenent, cum humanæ structuræ noxa, calorisque nimio incremento, cuius agendi facultate, singula minima, constituentia singula organa, figuram vectis æmulantur, unaque earum alteri inservit, & tunc vicissim elevantur, simulque flectuntur, inde per tot vices repetitas elevantur, & flectuntur, hinc placide, illic violenter, ut aliquantò laxetur totius compago corporis, ac propterea tenuis, multumque rei utilis proripitur, solidi nempe fulcimenti activissima pars, immò humorum optima, à cæteris minus spirituosus secernitur, & manifesta cum solidi, & fluidi iactura eliminatur; hinc qui sunt jam ultima confecti ætate, si effrænata huic morum licentia famulentur, ultimam sæpe diem præmaturius accersunt.

Et si difficile valde sit, loqui ad ventrem auribus carentem, ut monet Plutarcus Sapientissimè in Apophthegmatibus Romanis, præsertim Helvionum, quibus omnino mos est bellariis, aliisque gulæ potius irritaminibus indulgere, quam bonæ valetudinis præceptis obtemperare, operæ pretium esse, nihilominus duxi, hos proprii patrimonii eversores conscios facere, obsonia, dulcia, aliaque omnia scitamenta non parùm saluti obesse, cum dulciarii Pistores, & Cupedinarii in eduliis pa-

ran-

randis perpetuò multùm facchari, aromatum, adipis, acidi, aliatumque sapidarum, & calidarum rerum commisceant, quarum epularum vi, & ulu opplentur corpora, humotes scilicet magna in copia progignuntur, consuetoque crebriorem ità acquirunt motum, ut sanguis in omnia quantumlibet angusta corporis loculamenta derivatus, noxiis suis particulis igneis, dulcibus, salis, aliisque consimilibus, quibus plus quòd scatet, irriter adeò lateritias vasorum fibras, & tumulationem tam validam aggrediatur cum jam congestis moleculis, ut in fluido, & solido distractionis non parum humana nanciscatur textura, quarè his sæpiissimè contingere solet, ut in eis humorum miscella ineptè peragatur, corpusque ipsum debita virium reparatione non instauretur, adeoque in nimiam veluti incidat laxitatem; Nec diuturna consuetudo impedit, quin major saltèm heluonum, ac lascivientium pars in prædictas incidat dissolutiones, etsi laudabili valetudine perfrui videantur, quia in tam longo cupediarum, ac nimix veneris usu affuescit quidè natura distractionibus jam expressis, & quàmvis consuetudo illis laborem non faciat, noxiumque illis quod affertur, & imminet statim non persentiat, longo tamen temporis tractu spiritus partium intima, & recondita inhabitans, in evanidas abit auras, nec illo, quo prius modo reficitur, sed moleculæ solidorum, & fluidorum, ferè cunctas, quibus naturaliter scatent, conditiones dimittunt; Inusitatum idcirco non est inveni corpora, non adhuc senio confecta, sed ætate adhuc florenti, rugis, suffraginibus, laxita-


tibus, eaque virium debilitate affici, ac si jam consenuerint.

Ceterum in hisce deliciis valdè occupata corpora, immodicoque saginata somno, aut diutino in otio versata, vel ea, quæ nullis se negotiis exercent, sed quæ mollem, feriatamq. agunt vitam memorata jam laxitate corripuntur, si illis omnibus præsertim simul coeuntibus utantur; Spiritus enim tunc depressi, & aliorum humorum copia adedò irretiti, atque involuti evadunt, ut vix emineant, & consuetas vires exerere, queant.

Captiosæ autem hujusmodi deliciarum tricæ crucem animo dicendi plura cupido reverà figunt, & silentium imponunt, cum ex nuper expositis pateat, non esse salutis consilium, nec rationem, deliciis evulgatis ultrà modum indulgentibus hominibus; Quare hæc omnia non inconsultò à prudentibus viris vitanda sunt, tanquàm gladius in manibus furiosi.







# DE VALETUDINE

## EXERCITATIO DUODECIMA.

*Homo ne adversa corripatur valetudine, suum ita corpus in non naturalibus rebus, recta cum ratione, dirigat oportet, ut spirales muscoli intestinorum eam alvo, qua necessaria est, permittant egerendi libertatem.*



Iolatur, ut supra innuebam, corporis salubritas, si mirifica humanæ texturæ unio, quæ pluries in nimiam incidit laxitatem intimè pervertatur, ac liquidæ simul miscellæ cohesio non leviter dissocietur. Tunc enim sævissimarum ægritudi-

num, atque symptomatum genera innumera prodigantur oportet, insæviantque tam dirè, ut eis correpta animantia tandèm intereant; Ne igitur benevalentes commune debitum immaturè nimis persolvere cogantur, in singulis rebus non naturalibus

libus, eorum fabricę accommodatis, ita se gerere debent, ut eis non abutantur, sed toto eorum vitę cursu unionem supra expressam, cum alui statuta egerendi vi, & miscellam indicatā inviolatę servent.

Non ea modò meditor, ad quę meditanda me movet incolumitatis amor, sed valetudinis rationes expendo, accuratioribus observationibus congruentes; Neminem etenim præterire arbitror, cuiusvis ætatis, sexus, ac temperiei hominem, certa quadam alui gaudere solutione, quod naturę beneficium expromit, ne dùm perintestinatorum perviã, lateque patentem viam crassiorum excrementorum sarcinam, sed aliam quoque evomit inutilem colluviem liquidorum à glandulis confertis in crassis intestinis, per propria emissaria in loculamenta, ac rugas eorundem intestinatorum eliminatam.

Magna enim humorum frequentia, qua corpus ubique refertum est, intestinatorum quoque fibras respergit, easque adeo protendit, & laxat, ut necessitate sic cogente, supervacanea egerantur, ideoq. opus hoc, quod summi profectò momenti est, peragatur oportet à vivida energia contractionum, distractionum, pressionum, atque irritationum fibrarum spiraliū intestinatorum, nec non ab indefinenter repetito motu circumpressorio omnium partium undique obfidentium abdomem, aliorumque organorum, quę in abdomine, ac prope ejus regionem reperiuntur.

Ut igitur quęlibet villi contractilis spira, pro motu obeundo apta scateat humidi copia, qua irroretur, & soveatur, debita simul, atque secunda nervei succi, & sanguinis arteriosi quantitate perlustretur necesse est; ejus enim miscellę contactu inte-

intestina, immò corpus totum opportunè ad actiones suas exercendas idoneum fit. Ne autèm congrui motus, & egerendi facultatis expertia sint intestina, talis humorum copia esse debet in meatibus, spatiosis, & porificationibus filamentorum, spiraliū in villorum contractiliū angustissimis inanitatibus, ac in arteriis, & venis contextentibus glandulas, unaque cum nervis per intestina serpentibus, quæ ea non quidem infarcire, sed illa, & alia instrumenta ità faciliè pervadere, ac fovere possit, ut nullo prorsus labore paratiores sanguinis moleculæ, & spirituum affluxus intestinorum contextum omni tempore reficiant, & muniant, ac cetera proindè liquida excrementa, contractionum, pressionum, & distractionum vi à glandulis separentur indeque, ea, quæ expedit temporis brevitate, per emissaria hiantia, usque ad anum prolabantur, quem locum attingentes lymphæ, non possunt non præterfluere per omnes quantumlibet exiguas rugas crassorum intestinorum, eorumque singulas fibras irrorare, & madefacere, aliasque ab aliis adeò segregare, ac eas omnes ità illinire, ut fecum congesta moles placidè cæco, colo, & recto intestino apposita, aut eorum fibris, & rugositatibus adhærescens depromatur, nec melatet internam membranam rugis, & quasi striis mucosis suffultam, multum prædictæ lymphæ a glandulis secretæ imbibere, quemadmodum non hæsito plurimū ejusdem liquoris attrahere contentas feces, quæ modò agunt in filamenta intestinorum gravitando, premendo, oscillaque excretoria obstruendo, modò lateritias fibras, vel circumferta

ferta vasa sollicitando, tantamque idcirco liquidorum copiam propellendo, ut madefacta intestinorum fabrica sursum, deorsum, & alternè urgeatur, vividoque egerendi stimulo affecta opportunè laxetur cum ejectione.

Hęc tamèn assertio, licet in adultis semper indubia sit, videtur nihilominus vacillans, incerta, nec satis observatione firmata in fœtu, cujus diù retentæ fœces, nullum ex prædictis effectibus pariunt, ac ægrè sicuti oculus ipse testatur, coalescunt. Hujus discriminis autèm rationem esse crediderim, quia in intestinis utero gestati infantis eliminatæ lymphæ progignuntur quidem, ut in adultis, sed longè tamen minori copia, diversisque materiæ particulis præditæ sunt, ideoque infirma adhuc filamenta, ac villi musculares arteriæ, & venæ, intestinaque molliter contrahuntur, leniter distrahuntur, ceterique insuper debitæ confricationis motus ad apti caloris fuscitationem, & ad illarum cohaesum attinentes vix exercentur, quinimò prævio exactiori examine, asserere ulterius aliquis fortasse contendet, nuper incepta, nimisque in suis exordiis delicatula organa, in lymphæ uteri lacuna natitantia circumobsideri, & sociari limpidis liquoribus, quorum cumulo flaccidi villi contractiles glandularum, vasorum, parenchymatum imbecilla nervorum compago, & musculorum debili unione, languidoque irritationis motu famulantur, ideoque nec tali caloris munimine fulciuntur, ut lymphæ jam ab hiantibus obsillis secretæ concrecant, quare fœtus in toto gestationis tempore, numquàm egerendi stimulis afficitur, cum  
sex

sex ferè primis mensibus, experientiz testimonio, parùm, vel nihil fœculentæ colluviei in fœtibus reperiatur, quemadmodum per tres vices in ipsa ante debitum tempus dejectis, quantum scilicet, vel sextum mensem agentibus expertus sum.

Transmeat igitur, ut opinor, quod tunc feceritur excrementi genus per patulum cutis, rarumque contextum, illique in similitudinem strati, & superstrati, veluti fuligo quedam, seu furfur adhærescit; Illos verò, qui post sextum excluduntur, majorem organorum habere unionem, & molis incrementum, suadet ratio, & confirmat experimentum, parum namque illud inutilis, & fœculentæ rei, quod præter consuetudinem congeritur, villorum ministerio, alibi expresso, per secretorios hiatus in cloacam intestinorum deicitur; Sed hoc temporis lato cursu, sanguis est a natura tam exquisitè elaboratus, nutritionique idoneus, ut flamina fœtus quæ jugiter protenduntur, ipsum ità depascant, & absorbeant, ut vix observari queat fœculentum quod superest; nihilo tamèn minus nonnullæ lymphæ molecule, fecernuntur, paulatimque congeruntur, quæ cum in intestinis degunt, fibras, & rugas disunctas tenent, adeoque proprio pondere ita sollicitare queunt tenellas adhuc, infirmasque eorum fibras, ut contrahantur, & distrahantur, indeque earum egressio sequatur usque ad rectum intestinum. Clarius fortasse evaderet hæc assertio, si muscutorum Thoracis, & Abdominis quietem, qua frui fœtum certum est, in uteri ergastulo respiratione destitutum, ad trutinam revocare vellem, a quo tamen hic libenter abstineo, tum quia res est a plerisque

R

aliis

aliis abundè explanata, tùm etiam quia in genitura, memoratam fœcum in rectum intestinum protrusionem, satis perspicuam esse, nemo ignorat.

Diutinas autem non ferrent moras hæc fœces in intestinorum loculamentis contentæ, si aeri pulmo daret locum, quemadmodùm perspicuè colligitur, statim ac uteri franguntur claustra, & fœtus in lucem prodit, cujus inspirationis, & expirationis vis, adeo omnes exerceat musculos Thoracis, & Abdominis, ut congestæ, elapso tempore, fœces, similitudinem picis navalis referentes, contractionum vi, pressionum, & distractionum citissimè extrudantur.

Sed ut redeam ad alias ætates, a quarum examine paulisper mea recessit differendi methodus, minimè videtur omittendum, villos contractiles intestinorum, egestionis occasione, diversam in singulis corporibus vim exercere, glandulasque intestinis aditas semper quidem, sed eo præsertim tempore magis comprimi, multumque idcirco excrementi eructare, ea tamen, ratione, atque discrimine in singulis corporibus, quod temperies, ætas, habitudo, & peculiare cuiusque exercitium ferunt, vel quod anni patiuntur tempora, eduliorum usus, aliaque similia.

Transactis interdùm primæ ætatis annis, vel paulò antèa adeo lymphæ humore evadunt irretita nonnullorum intestina, ut quantum satis est proprias vires exercere nequeant, vel fœcum nimia copia ita obruuntur, ut eas per aluum expellere minimè possint; Tunc autem ab excrementorum frustulis in intestinis consuetò magis stabulantibus

PRÆ-

præpediuntur lymphæ ne madefaciant faeces, quæ propterea arctissimè fibrarum rugis inhaerent, indurescunt, proindeque ab earum cellulis difficilè repelluntur, motus autè peristaltici momentum, momentum resistentiæ à prædictarum fecum acervo emanantis, non modò non superat, verùm etiàm multoties non æquat, quia forsàn vividiores humorum particulæ, ea quæ par est affluentia, inspirales fibras nequeunt irruere, easque sollicitare ad plenam secretionem, cujus defectu [ ut non paucis contingere observatur ] serositates lymphæ in glandularum anfractus, vel in vasorum hiatus, aut in intestina jam derivatæ ita concresecunt, ut naturam glutinis redoleant; tam arctè proinde excrementa crassa rugosæ fibrarum asperitati alligantur, ut fibræ fibris, nectantur, & rugæ rugis, Immo eliminatæ lymphæ, ac fecum vehiculò destinatæ, multifariam, & tam validè adinstar retis faeces ipsas intercludentis protenduntur, ut mutuò coeant, & sibi ipsis invicem impedian exitum, aut saltem vegetam contrahendi, & laxandi vim non leviter retundant. Cujus rei usu longiori, quàm par est, detrimentum nonnulli perferunt, cum non levi incolumitatis jactura, illique præsertim qui in animi vehèmenti contentione, ac improbo labore versantur, qui sub aere degunt, eorum naturæ minimè accommodato, aut desidesunt, otioque torpent, aut debita victus, potusque haud utuntur ratione, vel tandem, qui ceteris non naturalibus rebus nimis abutuntur, in hoc incommodum ut plurimum incidunt, ut ea scilicet non fruatur lubricitate, qua benevalentes perfrui solent.

R 2

Non

Non enim humorum inopiæ, aut copię cuiusvis corporis, nec ejus pervicaci labori imputandum est hoc secretionis opus, sed recto usui rerum non naturalium, cum copia, ac defectus liquidi succi in alimoniam commutandi, quibus non rarò laborat animal, dubio procul obsistat egestioni, vel quia magnas, aut parvas fibras non rite fovet, vel quia humores ægrè ab arteriis elutriantur in glandulas, nec probè in illis separantur; Ex quo fit, ut humores, quamvis concinnè permixti anfractus, & porificationes intestinorum, quantum satis est non irrorent, quinimò inassuetus liquidorum acervus obstruit, infarcit, & convulsos reddit villulos egestioni dicatos, nervosque idcirco spiritus & caput violat, conflictantibus inter se minimis eorum particulis, quæ motus omnium solidorum valdè sollicitant, juxta illud Hip. de loc. in hom. *si quis minimam corporis partem acceptam malè accipere velit, totum corpus affectionem sentiet, qualiscumque tandem ea fuerit; propterea quod minima corporis pars, omnia habet quęcunque, & maxima.*

Exausto autem liquidorum penu arescunt totius corporis fibræ, tabescunt, contrahuntur, nec debito modo laxantur ulterius; quod si contigerit, lædi solidas partes, ac fluidas, non dubito, ab infæcundis scilicet sanguinis moleculis, ruditer, præ parva copia, elaboratis, ac retinaculis vasculorum, vel saltèm carniū exiguis meatibus non ità exquisitè aptatis, ut debita excitetur resectio, simulque veterascens fragminulorum cumulus appositè detrudatur; At si affluat, vel deficiat humor, tempore quo alvus difficilè solvitur, & præsertim, se-  
pe



pe cruoris sedari nitorem, stimulosque supra vil-  
lorum contractilium vim progigni necesse est, quo-  
rum valido, vel debili affricu ita suscitentur oportet  
minimorum certamen, & mutuos se se tangen-  
tium corporum nifus, ut singula organa, etiã quam-  
tumvis minima, uti sunt glandule corticales, &  
nervorum minimæ protensiones, simulque fibræ  
spirales, & villi cujuscunque ordinis, quassentur,  
& concutiantur, vel si deficiat, contractiles mus-  
culi tabe veluti quadam, & concidentia corripian-  
tur, organa verò prius pervia breviora fiant, at-  
que occludantur, proptereaque alui munus exple-  
ri nequeat.

Aerem autem egestionis, & prodesse, & obesse;  
sensu ipso multoties evincitur, cum nonnulli sub  
erasso aere, sudo, & uliginoso, nonnulli sub tenui,  
defecato, & montano alui laxitate polleant, & è  
converso. Quorum effectuum causas, eas esse cre-  
diderim, quas Hip. assignavit sexto Epidem. his  
verbis. *Cutis raritatem, ventris esse densitatem*, Hæc  
enim sententia non docet egestionis diversitatem,  
esse duntaxat referendam ad debiliorem, validio-  
remve naturam, vel ad habitudinem, temperiem,  
ac ad varios motus, sed ad aeris crassitiem, vel  
subtilitatem plus, vel minus refertam particulis  
ignis, in eo volitantibus, ad certam humorum in-  
dolem, vel nimia crassitie præditam, vel aqueæ,  
ferositatis expertem, proindeque ea, qua par est,  
lymphæ copia destitutam, qua natura retundere  
valeat vim ignearum molecularum dicto aeri fa-  
mulantium, vel eas, & alias moderare particulas,  
& fluxiles facere, quæ intercapedines moleculari  
sanguinis replebant.

Aer

Aer autem sudus, & tranquillus, cum non sit plus iusto cumulatus igne, non surripit humores egestioni necessarios, sicuti aer crassus, & impurus, ac igneis particulis refertissimus, qui ducit corpora in peculiarem raritatem, cujus ope magna sit evaporatio illius lymphę, quę consona est alui solutioni; quod multoties sequi existimo, si huiusmodi ignis vi irriteretur, atque ita laxetur corpus, ut transpiratio, & sudores inde emergant, forasque eliminetur aquea substantia laxitati alui consentanea, quod fieri etiam præcipue solet tempore summi æstus, & flante aquilone, a quibus, suo modo, humiditas egestioni opportuna nimis absuitur.

Uliginosus verò aer universam cutem, & ora papillarum ejus relaxat, eaque impervia facit, quare quid quid rei inutilis tum per has patentes, cum per alias incognitas vias natura non pellit, per alvum sæpissime secernit, quemadmodum nunquam satis laudatus Malpighius in epistola de externo tactus organo asseruit, his verbis; *Eandem etiam evacuationem in intestinorum oblongo tractu fieri, juvansibus minimis glandulis, cæterisque vasorum generibus, in me ipso experior, nam flante austro excitatur in me totius lassitudo, carminum surgentia, & liquidis copiose solvitur alvus.*

Omissa igitur ulteriori indagine, ex dictis jam satis constare arbitror, alia corpora minus rara immodice non exsiccari, ideoque alui beneficio, in omni aere naturaliter perfrui; His autem præmissis, ac probè intellectis, facile, ni fallor, enodari queunt aliz, quę circa eandem alui solutionem, occurrere possunt difficultates, respectu temporis,

æta-

ætatis, sexus, cibi, potus, aliarumque rerum non naturalium; Sed ne salutis limites excedat denegata interdum alui solutio, illud humidi genus est propinandum quod egestioni videtur opportunum, unaque frigida, vel tepida aqua chlisteres in anum sunt immittendi, & quantum viri indigentis eo auxilio, ferunt vires, eo nomine tantum, sunt substinendi, ut aqua humectet fæces, fibrasque contextentes intestina, ac proinde simul setosas strias, formam multoties habentes glutinis, irroret, & relaxet, cum earumdem fæcum exitu. Nec sit qui putet, frigida aqua immissionem humanæ obesse valetudini, cum rectè meditati pateat, eam nihil corpori tribuere, nisi illius humoris suppetias, quibus ipsum caret, sicuti de re hac perhibet testimonium experimentum; Verum enim verò, si balneorum usum, gelidis potionibus, aliisque non naturalibus rebus, hic causa brevitatis non expressis, ritè utantur illi homines, qui nimis exsiccantur, eorum utique fibræ, ferè in similitudinem corii redactæ, huiusmodi deinde humore madidæ, ad inculpatam alui libertatem revertentur. Hæc exercitatio multa alia supponit, quæ possunt prodesse saluti, probat tamen ea potissimum, quæ initio indicavi, immo teste Cicer. de natura Deor.

*Natura talia iudicia confirmat*

FINIS.

THE UNIVERSITY OF CHICAGO

PHYSICS DEPARTMENT

PHYSICS 311

LECTURE 1

1. Introduction



# EXERCITATIONUM INDEX

## EXERCITATIO PRIMA.

*Inculpata Valetudinis fundamentum, in rite designata.  
partium solidarum unione, integraque mixtione flu-  
idorum existere, rationabiliter statuitur. Pag. 13.*

## EXERCITATIO SECUNDA.

*Ut fluidum, & solidum humana fabrica diutissimam du-  
cant incolumitatem, proportionali iugiter motu po-  
tiantur ubique oportet. Pag. 23.*

## EXERCITATIO TERTIA.

*In incolumi unione humane machina, ejusque jugi motu  
contractionis, & distractionis, partes solidas inter se  
rite compressas, vel a liquidis invicem fluentibus,  
mutandque occurrentibus confricatas, calorem fovere  
naturalem, rationabile videtur. Pag. 41.*

S

EXER-

## EXERCITATIO QUARTA.

*Cum natiui caloris robur incolumem indicet humani opificii temperiem, est rationi consonum, illam insidere in apta unione, motu, & mixtione minimorum astruentium solidas, & fluidas partes dicti opificii. Pag. 55.*

## EXERCITATIO QUINTA.

*Ad innoxia temperiei tutelam sensilem, & insensilem, transpirationem, aliasque secretiones, à confricationibus, distractionibus, & pressionibus iugiter expressas, necessarias esse, verosimiliter evincitur. Pag. 63.*

## EXERCITATIO SEXTA.

*Animi contentio iracundiæ continetæ, ita provocat tum organa, tum humores, ut solidum aquo plus agat in fluidum, & fluidum in solidum. Pag. 81.*

## EXERCITATIO SEPTIMA.

*Homini de sua valetudine sollicito, Animi non minus angorem, quam ingens gaudium, immodicam faciens vigiliam ostendunt, Pag. 93.*

## EXERCITATIO OCTAVA.

*Omnibus hominibus, ea, à quibus emanant morborum symptomata, tanquam saluti opposita, sunt vitanda. Pag. 103.*

EXER-

## EXERCITATIO NONA.

*Somnum humano corpori esse necessarium, sed ut incola-  
mitas diu perseveret, nec immodice dormiendum, nec  
plus aquo vigilandum. Pag. 111.*

## EXERCITATIO DECIMA.

*Naturalis somnus, praesertim post cibum, corporis vires,  
viriumque organa instaurat. Pag. 110.*

## EXERCITATIO UNDECIMA.

*Corpora deliciis nimis emollita resolvuntur. Pag. 116.*

## EXERCITATIO DUODECIMA.

*Homo ne adversa corripitur valetudine, suum ita cor-  
pus in non naturalibus rebus, recta cum ratione, di-  
rigat oportet, ut spirales musculi intestinorum eam  
alvo, qua necessaria est, permissam egerendi, liber-  
tatem. Pag. 133.*




# Typographus Lectori.



**N**evulgandis operibus, omnia prorsus errata Assistentes minime vitare posse, experientia evincit. Quare in his exercitationibus, mirum non est, hæc irrepisse, quæ sic corrigantur; si quæ vero alia tu ipse cognoveris, benigne emenda.

| ERRORES.                          |            | CORRECT.   |
|-----------------------------------|------------|------------|
| <i>Pag.</i> 14. <i>vers.</i> 12.  | consultat  | consultat  |
| <i>Pag.</i> 16. <i>vers.</i> 15.  | molleculæ  | moleculæ   |
| <i>Pag.</i> 21. <i>vers.</i> 4.   | sanguinis  | sanguis    |
| <i>Pag.</i> 23. <i>vers.</i> 1.   | cogitandi  | cogitanti  |
| <i>Pag.</i> 33. <i>vers.</i> 3.   | pr.        | propterea  |
| <i>Pag.</i> 33. <i>vers.</i> 3.   | motum      | motuum     |
| <i>Pag.</i> 35. <i>vers.</i> 17.  | phigius    | Malpighyus |
| <i>Pag.</i> 37. <i>vers.</i> 31.  | artificium | artificum  |
| <i>Pag.</i> 77. <i>vers.</i> 9.   | gandulas   | glandulas  |
| <i>Pag.</i> 134. <i>vers.</i> 26. | abdomem    | abdomen    |









005676264

Digitized by Google

